

Orugamba Orurukukirayo Orurarwanairwe

Jeffersonville, Indiana, USA

Okwakashatu 11, 1962

1 Yebare, Ow'eishe-emwe Orman. Mukama akuhe omugisha.

Muraire gye, banywani. Naashemererwa kuba hanu omurundi ogundi akasheeshe aka, kandi nk'omuringo ogurikutangaaza kakyevo, ninteebereza, ahariinye, kandi nimpamya nikwo kyakuba n'aha bashomi. Kandi mbaire ninshoma reero . . . Yebare, ow'eishe-emwekazi. Kandi Mukama yaareebeka nk'orikuta aha mutima gwangye ekintu kikye, ky'okureetera Ekanisa, kandi naateekateeka nti nibwo bwire bw'okukikora. Kandi hati eki . . .

Ku mpikire hanu, kandi obwo ntarikumanya ngu nitubaasa kuba hanu Sande, ndangiriire ku nyine O-Obutumwa bw'Ekanisa. Kandi niinyenda ngu, Ruhanga ku araakunde, kureeta Obutumwa obu aha Sande egi erikukurataho. Kandi nibwija kutwara obwire buraingwa munonga, n'ahabw'ekyo, obundi tiburikwija kuhwa zitakahikire shaaha mukaaga n'edakiika makumi ashatu, shaaha mushanju, obundi, ku buraahwe aha bwire obwo. Butwire aha mutima gwangye kumara obwire buraingwa, kandi ninteekekateeka ngu nyine eibanja aha bantu okugarukamu ahabw'enki ntware ntaine ngoga omu kubuurira kw'aheeru. Mburiire hoona ninkyetooroora, kwonka nimpamya tikikarugiragayo kimwe kikahika ahu kishemereire kuba. N'ahabw'ekyo ninteekekateeka, Mukama yaakunda, Sande erikukurataho, niinyenda kwetwara reero nkyanikye, mpe enshonga kandi ahabw'enki, kandi mbamanyise, omu Byahandikiirwe, ekirikugyenda omu maisho, mwareeba, kyona ekikikwatsireho. Ahabw'okuba, obundi niinyija kuba ninza seeri y'amayanja nari ahanti hantu ahonaaho. Ntegyereize hati kureeba ni muhanda ki ogu Araanyete kutooram.

2 Ehweire . . .

Nk'ebiro bishatu ebihingwire, nari ebiro bibiri, nkatunga esimu haihi na shaaha mukaaga z'ekiro; kandi ekaba eri ey'okushabira omukazi omwe owaabaire ari omu irwariro. Reero banteerera esimu, baagira bat, "Shaba." Kandi naayebwa eiziina eri bampaire, ngu . . . Baagira ngu akaba ari munywani wa Muka James Bell,

ow'eishe-emwekazi mugyensi waitu hanu omu kanisa, ow'eishe-emwekazi omukyotera, omwesigwa munonga, omukazi murungi. Niinyikiriza eiziina rikaba riri Shepherd, eri bangmbiire. N'ahabw'ekyo nkaruga omu kitanda reero naafukama ahansi, kandi-kandi naagambira omukazi wangye. Esimu eriyo neegamba, yaamwimutsya. Kandi naagira nti, "Nituteekwa kushabira Muka Shepherd, ow'eishe-emwekazi owaateera esimu, munywani wa Muka James Bell."

3 N'ahabw'ekyo twamushabira, twagaruka omu kitanda.

Reero haihi nk'eshaaha ina nari itaano, ekiro ekyakuratsireho, naagaruka naatunga esimu. Akaba ari Billy. Kandi yaagira ngu, akaba atari Muka Shepherd, yaagira ngu akaba ari Muka Bell, we wenyini, atari munywani wa Muka Bell. "Akaba ari Muka Bell, kandi ari omu irwariro, ari kubi munonga." Reero okwehuuta kuza aha irwariro, kwonka akaba yaafire. Mukama akaba yaayetsire Muka Bell, Omuka.

4 Muka Bell abaire ari omushomi omwesigwa hamwe naitwe hanu omu kanisa, kumara obwire buraingwa. Iba, James, naanye, tukakora hamwe, hamwe na tata, emyaka mingi ebingwire, okwo, nitukora . . . Tukaba twiha ebinto ebi, kuruga omuri Pennsylvania, kubireeta hanu omuri Colgate, emyaka mingi ebingwire, ninteebereza emyaka makumi ashatu ebingwire, nari n'omushobo. Kandi nitukunda Ow'eishe-emwekazi Bell. Abaire ari omuntu murungi munonga.

5 Kandi niinyetegyereza ngu akakwatwa endwara y'endurwe mbi munonga, kandi ba . . . Omushaho we, owaabaire naamanya gye endwara egyo, akaba ari aheeru y'etauni obunaku obwo. Reero omushaho omusya yaija kumureeba, kandi-kandi yaahabura okumusheemeza kw'ahonaaho, kandi taratabaarakire okusheemeziba okwo. Kandi-kandi abaire . . . Ninteekekateeka we . . . Oku ndikukyetyegyereza, ngu omushaho we w'obutoosha takaabaire aragiriire o-okumusheemeza, ahabw'okuba abaire ari muhango kandi endurwe ye ekaba eri kubi. Kandi akaba aine amabaare, ninteekekateeka, nari ekintu nanka omu ndurwe kandi-kandi Mukama akaba omunyambabazi. Akaba yaaratungireho obusaasi obwo enyimaho kandi Mukama akaba yaabutambiire, emirundi mingi. Kwonka kikabaho . . . Mpaho, twakireeba omu mushana gwakyo ogwijwire, nitubaasa kugamba eki: Ruhanga akeeta Ow'eishe-emwekazi Bell, kandi ogwo nigwo muringo ogu kyabaire nikiteekwa kubamu, nimureeba.

6 Kandi oku yaashobize, akangambira, nkateekateeka ngu akaba ari Muka . . . Mukyara Shepherd. Nkaba ntarikumanya Mukyara Shepherd. Omukyara ogwo naabaasa kuba ari hanu, akasheeshe aka, kandi nimbaasa kumumanya ku naakumureeba aha maisho. Kwonka, kikagambwa ngu akaba ari Muka Shepherd. Kandi yaaba ebyo byona byakozirwe batyo, kugira ngu ku ki . . . Kuri naamanyire ngu akaba ari Muka Bell owaabaire ari omu mbeera egyo, obundi nkaagiireyo reero mweshengyerereza ahonaaho. Reero, mwareeba, ekyo, Ruhanga tarenzire ngu ekyo tukikore, shana. N'ahabw'ekyo, "Nitumanya ngu aha barikukunda Ruhanga ebinto ebi byona ebibabaho bikwatanisiza hamwe kubareetera oburungi."

Kandi nimpamya ngu Ow'eishe-emwekazi Bell abaire naakunda Mukama waitu. Abaire ari omukazi murungi.

7 Hati, n'omwe ahariitwe. Munu, titurikushoroora omu rangi. Eka ya Ruhanga teshoroora omu rangi. Yaaba turi ab'erangi erikutukura, eya burawuni, erikwiragura, nari eya kinekye, tikiine nshonga, erikwera. Eki kiri

kyona, turi ab'eishe-emwe n'ab'eishe-emwekazi omuri Kristo. N'ahabw'ekyo ni-nitumukunda. Kandi nitwija kumufeerwa, itwe aba tabirinaakuru. Ka niinyija kufeerwa ezo, za "amiina" z'amaani z'OW'eishe-emwekazi Bell, z'amaani, munonga enyima aho omu nshonda. N'okumutwara omuka, akaba agamba ahari Mukama Yesu.

Kandi ku ndaabe nintekateeka ngu omukoro gw'okuzziikwa kwe niguda kukorerwa hanu honyini omu kanisa. [Ow'eishe-emwe Neville yaagira ati, "Ekyo kihikire." -Omur.] Orwakabiri oru orurikwija ["Shaaha mushanju."] shaaha mushanju. Kandi nintekateeka ngu iwe naanye nituza kwebembera omukoro ["Ekyo kihikire."] omu saaviisi y'okuzziika oku.

8 Kwonka, nk'omu bashomi, twayeyongyera kuhwa amaani ahabw'omuntu omwe kuturugaho akasheeshe aka. Ahabw'okuha ekitiinisa Ow'eishe-emwekazi Bell mugyenzi waitu, ka twemerere aha bigyere byaitu akaanya kakye, obwo nitwinika emitwe yaitu.

Ruhanga w'amagara, Orikuha kandi akatwara amagara; nka Yobu owa ira oku yaagizire ati, "Mukama aha kandi Mukama aihaho; Eiziina rya Mukama risiimwe." Emyaka echingwire, Okohereza Ow'eishe-emwekazi Bell omuriitwe, kuba omutuuragye hamwe naitwe, omu bugabe bukur bwa Ruhanga. Kandi Nitukusiima ahabw'omuhimbo gwona ogu abaire naatutamu, nk'oku abaire naakunda kweshongora n'okujurira, kandi akaijurira kimwe Omwoyo okuhitsya obu abaire naabaasa kugambira ahaiguru n'okuteera akaari. Kandi abaire atarikukwatwa nshoni ahabw'Engiri ya Yesu Kristo, ahakuba, ahariwe, Ebaire eri Amaani ga Ruhanga agarikujuna. Ahabw'okureeba emyaka ye ehweireyo, n'obwire nibwija obu twena turikuteekwa kubuzibwa. Mbwenu waamutwhaho, akasheeshe aka, kuba omu Kubaho Kwawe. Ahakuba, n'amazima ngu, ku turaarugye hanu, turi omu Kubaho kwa Ruhanga.

9 Ai Ruhanga, Nitukusiima ahabwa byona. Nitushaba ngu ohe omugisha iba, munywani wangye, James; omutabani we, bahara be, abo boona. Nitwetegyereza ngu mutabani w'omugyenzi ari omu nyonyi naaruga Bugirimaani, kuruga omu mahe, kutaaha, okwinamira nyina omugyenzi, kw'aha muheru oku arikubaasa, omu nsi. Omutima gw'ogwo mutsigazi ka niguteekwa kuba niguteera munonga akasheeshe aka. Niimushabira, Mukama. Ruhanga, muhe omugisha. Jimmy muhe omugisha, n'oku ari . . . Kumureeba naakora aheeru okwo, kandi omu shaaha z'oburuhe, naakora eky'okubaisho eka ye. Ninshaba ngu egyo ka nkuru etaritaataana, kureka enziga y'egyo ka etarihendeka omu Nsi ego seeri.

Ka tubaase, Mukama, hati tuhamye eby'okurwanisa n'orukoba, kuhamiza kimwe kakyeho, reero tushohore tuze omu rugamba hati, kurwana tubuzirweho omuntu omwe okukira abu tubaire twine saabiihi ehweire. Nitushaba ngu Otukwatirire kandi otuhe amaani, kandi otuhwere twaba nitugumizamu tutyo, kandi ekiro kimwe ka twena tubaase kwija kuteeranira hamwe omurundi ogundi aha rubaju ruri. Ahakuba twakishaba omu Iziina rya Yesu. Amiina.

10 Hati k'omwoyo gw'omugyenzi ow'eishe-emwekazi waitu guhuumurire omu busingye. Nkaayenzire kugira ngu o-omukoro gw'okuzziikwa kwe niguda kubuirirwa hanu Sande, nari Orwakabiri, kandi tuka . . . Omuntu weena oraije naayakiirwa. Ninteebereza Ow'eishe-emwe Neville hanu aine entebeekanisa. [Ow'eishe-emwe Neville yaikiriza -Omur.] Kandi obaire oziine.

11 Hati, eriizooba, mbaire . . .

Mwareeba, tihariho nydingi munonga. Ku haakubaasa kuba hariho entebe ahantu hoona ekareeterwa Ow'eishe-emwe n'Ow'eishe-emwekazi Slaughter enyima hari. Naatungire esimu yaawe, Ow'eishe-emwekazi Slaughter, kandi naaza kushabira owaawe . . . Ow'eishe-emwekazi Slaughter ondijjo, Ow'eishe-emwekazi Jean Slaughter orware ogwo mushwija gw'akame, ogurikwetwa tularemia. Buzima gumurikubi munonga, kwonka nitwesiga Ruhanga ngu naaza kuba gye.

12 Hati nitwenda kushoma Ebyahandiikirwe bimwe. Kandi niinyenda kwegyesa akasheeshe aka, nyetware, 'habw'okuba kwiha ngaruka kuruga okwo, Arizona, mpaho, omumiro gwangye nigushasha kakye.

Kandi hati, Sande erikukurataho, muteebwa, kandi nintekateeka ngu Billy yaaherize kutwara e-ebirango. Kandi buzima neeza kuba saaviisi ndaingwa, nitwikiriza, n'ahabw'ekyo mwije kare nk'oku murikubaasa. Nitwenda kutandika, haihi nka shaaha ishatu n'edakiika makumi ashatu, nari nimmanyisa, shaaha ina. Kandi obundi, mwijukye, nk'emwe nari emwe- . . . obundi, nari shaaha mukaaga n'edakiika makumi ashatu, nari shaaha mushanju, nka batyo, eshaaha nka ishatu nari ina, nari n'omushobo, ezi nkaayenzire kumara, reero nkuate Ebyahandiikirwe. Mureete ekaraamu zaanyu n'empapura, reero mubihandiikye. Haaba hariho ekikuuzo kyona, oki-okibuuze, nimureeba, reero obundi nitubaasa kukishoboorora, tukore kyona eki turikubaasa kuyamba.

13 Hati ka tushome Ebyahandiikirwe, okubanza, hati. Nyine emyanya eshatu omuri Baiburi, ei ndikwenda kushoma. Kandi ogw'okubanza omuriyo, ku muraabe nimwenda kukihandiika, kandi ku muraabe mwine ekaraamu. Niinyenda kugamba, akasheeshe aka, aha bicweka bingi ebi nkaayenzire . . . nari Ebyahandiikirwe bingi, nimmanyisa, ebi nkaayenzire kugambaho. Eky'okubanza nikiza kuba Petero y'Okubanza 5:8-10, Abaefeso 6:10-17, na Danieli 12:1-14.

14 Hati, omu kushoma, nitwetwara.

Kandi buri muntu buzima ashutami. N'ahabw'ekyo, ni bakte abakyemereire, enyima n'aha rubaju. Kwonka nituza kugyezaho kumara jubajuba nk'oku kirikubaasika reero tubarekye mushore, bwanyima nituza kushabira abarwaire.

Twine omukyara mukye obyami hanu akasheeshe aka, orwaire munonga. Niinyetegyereza ngu abaire arwaire munonga, nyomwebazyo. Kandi mbaire ni-niinyenda ngu ahurire, akasheeshe aka, okubanza, ntakamushabiire. Kandi nimmanya embeera z'omukyara mukye ogu. Kandi arwaire munonga, kwonka twine Tataitwe ow'omu Iguru mukuru Owaasingwire n'okukiraho endwara zoono.

15 Kandi nyine ka-kakye . . .

Naashabire Muka Woods yaaba arikubaasa kukishoma, kwonka ya-yaaba nk'orikuurira atarikwenda kukora atyo. Ekihandiiko, ahu dokita otendekirwe buzima atangaire. Kunu, akaba ari orikugamba kubi aha kutamba kw'Obwaruhanga kandi atarikubaasa nangwa n'okwikiriza omuntu weena kukigambaho omu ofiisi ye; naasi we, nawe. N'ahabw'ekyo, kikabaho, yaatunga omurwaire w'ekookoro, ekookoro mpango. Akaba atarikwenda kugira akakwate nakyo, n'ahabw'ekyo yaamwohereza okwo omu rindi irwariro. Bakaba batarikwenda kugira eki baagikoraho seeri okwo, n'ahabw'ekyo baamwohereza baamugarurayo. N'ahabw'ekyo ba . . .

16 Oo, ebaire eri aha ibeere, kandi eri omu mbeera mbi. Kandi oruhu rwona rukaba ruriibwe ruhweireho. Reero ekookoro, ekataaha omunda omu ibeere, yaataaha omu mbaju. Ningira ngu nimwetegyereza eki ndikumanyisa.

Baine dokita mukye munywani waitu okuruga Norway oshutami naitwe akasheeshe aka.

Reero akatebeekanisa ebyoma bye byona, ahakuba akagira ngu akaba naamanya ngu-ngu ogwo mukazi akaba naayenda ngu amusHEMEZE kandi amushareho eibeere eryo. Kandi gukaba guri omurimo gw'eshagama nydingi. Reero-reero yaakwata ebikozeso bye byona, buri kintu. Naasi akatebeekanisa ogwo mukazi reero yaamureeta omu kishengye ky'okushemerezamu, reero yaagarukayo kwakiira ebikozeso, nawe, ebi dokita n'omuhwezi we baabaire nibaza kukozesa, kusharaho eibeere eryo. N'ahabw'ekyo bakaba baine etahuro n'ebindi bimushwekire. N'ahabw'ekyo bakatandika . . .

Dokita ku yaatandikire kuhinduka,

17 iba akenda kumanya yaaba yaabaire arikubaasa kushutama aha muheru gw'ekishengye reero akashaba. Akaba ari omubuurizi w'oburikwera. Reero yaashutama aha rubaju rw'okuguru kw'ekitanda, kandi yaashaba. Hatariho kubangaanisa, dokita ogwo taramazirwe n'ekyo, noomanya, iba kuba omu kishengye. Kwonka yaaba atareebire, kandi kitamushaahe, ahabw'enki, "Ningira ngu ni kirungi; taka-takaagwa enhazi."

18 N'ahabw'ekyo ku yaabaire ashutami, naashaba, mpaho haija okupapaza omu kishengye. Kandi na dokita yaahinduka kugyenda, nawe, n'ebyma bye, kutandika kusharaho eibeere. Yaihayo obushaho bwe bwona. Hakaba hatariho nangwa n'enkojo aha ibeere; n'obu yaakuba enkojo. Yaagira ati, "Ne-ne . . . Neefurukafuruka?" Reero yaatandika . . . Kandi naasi yaaha obujurizi bwe. Bombi bakagyenda kandi baahinduka Abapentekoote, baijwire Omwoyo Orikwera, nibaheereza Mukama.

19 Tihariho n'obu yaakuba enkojo!

Dokita ogwo Holbrook akaha obujurizi, we wenka, yaagira ati, "Edakiika emwe atakagiireho, o-omukazi ngugwo akaba arambiire aho, kandi na naasi, n'ekookoro y'amaani mpango ezimbire aha ibeere rye. Kandi edakiika emwe ahanyima, hakaba hatariho nangwa n'enkojo ahu ekookoro yaabaire yaaruga." Ogwo n'omwe ahari baadokita barungi abatendekirwe hanu omuri Amerika. Akagira ngu akaikiriza obwo. Kandi we, nabwo, akaba ari omudiikoni omu kanisa. Mwareeba?

Mwareeba, abantu bateekateeka ngu ekanisa n'ekintu eki orikufa kuzamu, kandi ni, "Oo, noozayo kwega kuba murungi, nari ekintu nk'ekyo." Ekyo tikyo, munywani. Ngaaha. Ruhanga ni Ruhanga. Ni mukuru eriizooba nk'oku Yaabaire ari, oku arabaire. Kandi burijjo Aryaguma nikwo ari. Kandi Ni . . . Nitumukunda.

20 Hati, nitwenda kushoma hati omuri Petero y'Okubanza, eshuura ya 5, okutandika n'omushororongo gwa 8 n'ogwa 10,

Mwerinde; . . . nimureeba. (Ahabw'okuba) Sitaane omuzigu waanyu naashooba . . . entare erikutsinda, naasherura ou araarye.

Mumurwanise, muhamire omu . . . kwikiriza kwanyu, nimumanya ngu ab'eishe-emwe abari omu nsi yoona nabo bahikwaho obusaasi nk'obwanyu.

Kandi Ruhanga ow'embabazi zoono, (owaatweteire) ekitiinisa kye ekitahwaho omuri Yesu Kristo, ku muriheza kubonabonesibwa akaanya kakye, aryabahikiiriza, abagumye, abahamaani. (kandi abatebeekanise.)

21 Ka Ruhanga ahimbisibwe! Hati omu Kitabo ky'Abaefeso. Nitwenda kubiikuura hanu omu Kitabo ky'Abaefeso, eshuura ya 6, kandi nitwenda kushoma omushororongo gwa 10 kuhitsya aha gwa 17, nkihandiikire.

Eky'aha muheru, (b'eishe-emwe bagyenzi bangye), mube abahamire omuri Mukama n'omu bushoboorozi

bw'amaani ge.

Mujware eby'okurwanisa byona ebya Ruhanga, mubone kwemerera mutasingwirwe bugobya bwa Sitaane.

Ahabw'okuba titurikufukaana n'abaine omubiri n'eshagama, kureka niturwana n'ebirikutegye ka n'ebiine obushoboorozi n'ebirikutwara ensi-ensi egi omu busingye obu obw'omwirimma, kandi niturwana n'amahe g'emyoyo emibi ey'omu myanya y'omu iguru.

N'ahabw'ekyo mukwate eby'okurwanisa byona ebya Ruhanga, mubone kuguma aha izooba ribi; . . . ku muriheza kukora byona, mwemerere muhamire.

Ahabw'ekyo mwemerere, mwezirikire amazima . . . omu nda nk'orukoba, mujware eky'okuhikiirira nk'ekyoma ky'okwekingiza omu kifuba,

(Kandi) mujware enkaito ez'okweteekateeka kugamba engiri y'obusingye;

Kandi ahari ebyo byona . . . engabo y'okwikiriza, ei murikubaasa kuraarisa emyambi y'omuriro yoona ey'Omubi.

Kandi mujware enkofiira ey'okujunwa, na rurara y'Omwoyo, nikyo kigambo kya Ruhanga;

22 Hati enyima omu Kitabo kya Danieli, niinyenda kushoma ebendi. Hati, Danieli eshuura ya 12. Niinyenda kutandikira aha gwa 1, reero nshome e-ekicweka kiraingwa buzima ky'eki, emishororongo ikumi na ina.

Omum bunaku obwo . . . Mikaeli, omukuru rugambwa oreeberera abantu baawe, aryaimuka, habeho . . . obunaku bw'obusaasi obutakabahoga, okwiha obu eihanga ryabaho okuhitsya obwo; kwonka omuri obwo bunaku abantu baawe baryajunwa, weena ou eiziina rye ririshangwa rihandiikirwe omu kitabo.

Kandi baangi omuri abo, abariba bagwejegyereire omu mucuucu gw'ensi, baryasisiimuka, abamwe basisiimukire amagara agatahwaho, . . . abandi basisiimukire okuhemuka n'okugaywa okutarihwaho.

Kandi abaine obwengye baryayaka nk'omushana ogurikwakira omu mwanya, n'abarikuhindura-abarikuhindura baangi, bakabareeta omu kuhikiirira, baryayaka nk'enyonyyoozi okuhitsya ryari na ryari.

Kwonka iwe Danieli, shweka-shweka . . . ekitabo, okuhitsya aha bunaku bw'aha mperu. Baangi baryairuka nibakora oku n'oku, n'okumanya kuryayeyongyera.

Bwanyima nyowe Danieli, ku naayetegyereize, naareeba abandi babiri,. . . omwe aha nkungu y'omugyera seenu, n'ondi . . . aha nkungu y'omugyera seeri.

Omwe yaabuuza ori owaabaire ajwaire omwenda gwa kitaani, ari ahaiguru y'amaizi g'omugyera, ati: Eby'okutangaaza ebyo biryamara mwanya ki hakaba . . . bitakahweireho?

Ogwo mushaija, owaabaire ajwaire omwenda gwa kitaani ari ahaiguru y'amaizi, yaimutsya omukono gwe gwa buryo n'ogwa bumosho, naagyoreka ahaiguru; naahurira naarahira Ogwo otuura ahuriire ebiro byona, ngu biryamara obunaku n'obunaku bubiri n'ekicweka ky'obunaku; kandi ngu, ku bariheza kusheenyagura amaani g'eihanga erirkwera, ebyo . . . biryahikiirira.

Niinyikiriza ninza kurekyera aho honyini.

23 Niinyenda kutwara eishomo, ku ryakuba niryetwa eishomo kuruga omwo, okuruga omuri ekyo, kuhika aha kucwamu oku kwa: Orugamba orurukukirayo Orurarwainwe. Ebyo nibyo ndikwenda kukozesa nka ishomo.

24 Hati, oku nyizire kutunga eki ahabw'eishomo ry'akasheeshe aka. Nibwo tugarukire; babiri aha babiiki, hanu omu kanisa, naanye, tukaba tugiire omuri Arizona. Kandi tukagyenda, buzima, kugira oruteerane omuri Phoenix, hamwe n'Ow'eishe-emwe Sharrit, omuri tabirinaakuru ye. Kwonka ku naashangire ngu o-ow'eishe-emwe akaba ari omu tauni, aine enteerane omu ihema, mpaho, obwo naayehuriram kakye okutagira ruteerane. Naateekateeka nti obundi nkaarugira aha Sande omu ihangwe, kugira ngu hatabaho n'omwe owaateganisibwa omu makanisa gaabo. Kwonka, naashanga, ngu akaba aine enteerane z'aha Sande omu ihangwe, nawe. Kandi nka-nkaba nyeraarikiriire kakye munonga aha ky'okugira oruteerane.

N'ahabw'ekyo itwe ab'eishe-emwe, omu mwanya gw'okugumizamu eizooba ryona, nk'oku twabaire tugiire kuhiiga, tukaza omu rurembo, twagumizamu kandi twayeteekateeka, reero twaza omu nteerane z'Ow'eishe-emwe Allen. Ow'eishe-emwe A. A. Allen akaba aine enteerane. N'ahabw'ekyo twaza omu nteerane, kandi Ow'eishe-emwe Allen yaabuurira eishomo ry'amaani. Tukagira o-obwire, obwire burungi, nituhurikiza Ow'eishe-emwe Allen, nituhurira a-abeeshongozi, n'ebindi nk'ebyo, oku baayeshongoire, kandi bakateera akaari, kandi twagira saaviisi nungi munonga.

25 Bwanyima tukareeba, omukono gwa Mukama, omu rugyendo rwona. Ei twagiire hoona, Mukama Yesu akaba atubugana. Kandi hariho embeera y'omutaano waaza ebiso okeehlerera, ebiso okwo omu ihamba. Hariho embeera y'omutaano, ngu ku oraabe orabaire ori wenka omuringo ogwo, hariho ekintu ekikukurura. Egyo niyo,

ninteebereza, enshonga emwe etuma naakunda emyanya egyo eri ebiso hare okwo. Nooza hare y'amaani g'omuzigu,

26 munonga oburengye nk'oku tukiine hanu.

Daimoni haihi taine kabi shana yaabaasa kutunga ekintu ky'okukoreramu, obwo naagira akabi. Nimwiju kaabaimoni abo abaabingirwe omuri Legioni, bakaba baine akabi? Nibenda kukora kubi munonga okukiraho, n'ahabw'ekyo bakaba nibenda kuza omu mpunu. N'ahabw'ekyo, baadaimoni nibateekwa kugira ekintu ky'okukoreramu, omuntu w'okukoreramu.

Kandi okwo nikwo Ruhanga akora, nawe. Naateekwa kutugira. Niitwe ahangire amaisho, kutukoreramu.

27 Kandi baangi bakaija obu twabaire turi omu rugyendo, baine ebirooto. Kandi Mukama Yesu tararemirwe na kakye kureka akaha enshoboorora ehikire, kandi eba egyo, buzima kwo batyo.

Kandi Akaba murungi ahariitwe, kutwebembera akatuhitsya aha nyamaishwa n'okutugambira ahi zaabaire ziri. Kandi, nimumanya, okuba nk'aho batyo, buzima nikitangaaza. Okushutama aho, nyekiro, aha rubaju rw'ekikoomi ky'omu rusiisira, hare n'omuntu weena, zaamairo na zaamairo, kandi okareeba e-ekikoomi ky'omu rusiisira nikyaka mporampora aha rubaju rw'orukiri. Kandi, oo, kikaba nikitangaaza!

28 Ow'eishe-emwe omwe okwo, owaabaire atwire aine omurabanamu n'omukazi we, owaabaire . . . Emyaka mingi ehwiringire, omukazi we akaimutsya omutwe gwe omu ruteerane, ei naabaire nyine saaviisi. Kandi nkaba mbashabire kuguma bainikire emitwe yaabo; hakaba hariho omwoyo mubi ogwabaire guitarikubaasa kuruga aha mu-mukazi, aha kituuti. Kandi omukyara ogwo, atarikuha kitinisa, yaimutsya omutwe gwe ateefereireyo. Reero omwoyo ogwo gwaruga aha mukazi ori, aha kituuti, kandi gwamuzaho. Kandi egi haihi n'emyaka ikumi na ina, kandi omukyara ogwo atwire ari omu mbeera mbi munonga; munonga oburengye, nangwa n'okuhungutuka, okuhitsya obu akora ebintu ebitahikire. Eky'okureeberaho, akatsigaho iba, reero yaagyenda yaashwerwa ondijo mushaija kandi obwo atwire na iba; yaagira ngu akaba atarikumanya ngu akakikora.

29 N'ahabw'ekyo ba-bagyezaho kumukyebera ahabw'eki. Nimukyeta ki ekyo, wa . . . Akahugye? Ki . . . Mugyenzi, eki eiziina eryo riri kyona. Ningira ngu ekyo kihikire, dokita. Kwonka kikaba kitari ekyo. Gukaba guri omwoyo. Kandi we . . . Kandi omukyara ogwo akaba ari munywani wangye munonga. Kwonka okuruga ekiro ekyo, n'okugumizamu, akanyanga nkana. Hataraho kubangaanisa, nimubaasa kureeba ahawb'enki kyabaireho.

Kwonka kandi iba ku yaizire, kandi tukafukama omu kishengye kushaba, reero Omwoyo Orikwera yaija. Kyahwa. Bwanyima Yaabonekyera iba ekiro ekyo, omu kirooto. Yaagaruka aine ekirooto, yaateekateeka ngu kikaba kiri okuzaanazaana. Yaashanga ngu, kikaba kiri eky'okugarukamu ky'okutambirwa kw'omukazi we kyonyini. Omwoyo Orikwera ka yaakozire!

Twagumizamu twashuuma omuri Tucson, turi n'Ow'eishe-emwe Norman n'abandi abo, kandi aho Mukama yaatandika kukora omurundi ogundi ebintu bikuru, by'amaani n'okushuuura ebintu.

Ekiro kimwe, ekyampikize aha kucwamu oku hanu, nkaba nyemereire n'Ow'eishe-emwe Wood hamwe n'Ow'eishe-emwe Sothmann. Kandi tukaba turi . . . Zikaba ziri shaaha ina nyekiro, kandi nkaba nindanzya ahaiguru omu kaabunga, reero obwoba bwingi bwanyijaho. Reero naagira nti, "Fa kureeba! Eihe rikuru eryo ryona, ery'omu iguru!" Kandi naagira nti, "Byona nibikoragana gye."

30 Reero Ow'eishe-emwe Wood yaagira ati, "Waareeba enyonyoozi nkye ibiri zihikaine hamwe munonga, okuhitsya obu, nikizireetera kureebeka nk'ekyererezi kimwe."

31 Naagira nti, "Kwonka, noomanya, Ow'eishe-emwe Wood, okurugiirira ahari sayansa, omuri ekyo kibiina ky'enyonyozi mushanju, Ekibiina Ekikiye, Ekibiina Ekihango, enyonyoozi ezo tizirikureebeka ziri nka inci ibiri emwe okuruga aha ndijo; kandi ziri hare munonga emwe okuruga aha ndijo kukira oku turi hare nazo. Kandi ku zaakutandika kwija aha nsi egi, kikaatwara, zaaba niziiruka mairo enkumi n'enkumi buri shaaha, kikaazitwarira emyaka amagana n'amagana kuhika aha nsi." Kandi naagira nti, "Omuri egi ntebeekanisa yoona nkuru, mpango hanu, beitu nabwo nibatugambira ngu nibareebera omuri zaagarubindi, nibabaasa kureeba obwire bw'emyaka mirioni igana na makumi abiri obu ekyererezi kirikugyendamu, okwo hare munonga; kandi hakiryo emyeesi n'enyonyoozi. Kandi-kandi, nabwo, Ruhanga akahanga buri emwe. Kandi Atuura ahagati yaazo."

32 Naagira nti, "Ahantu hamwe okwo, bakaanyoreka, obwire bumwe omu mwanya gw'okureeberamu eby'omu kaabunga, zodiaka; kutandika n'omwishi oshugaine, kwija kuraba omu busingye bw'ekookoro, n'okugumizamu omumaisho okuhitsya obu eky'aha muheru kyabaire kiri entare, Leo entare. Okwija kwa Kristo kw'okubanza, kurabira omuri ogwo mwishi oshugaine; okwija kwa kabiri, kurabira omuri egoy Ntare y'oruganda rwa Yuda." Kandi naagira nti, "Ngyerizeho oku ndikubaasa kureeba egoy zodiaka, kwonka tindikubaasa kugireeba. Kwonka, nabwo, eriho. Abo abatendekirwe, nibamanya ngu eriho. Yobu akagireeba. Abantu bakaba bamanyiriire kugireeba. Ekaba eri Baiburi, obunaku bumwe. Kwonka omuri ogwo murundo muhango gwona gwa zaamiriyoni na zaabiriyoni z'e-emyaka ei ekyererezi kirikugyendamu, Ruhanga ashutama ahagati yaabyo byona, kandi Aranza ahansi. Paulo ari omunda okwo. Maawe ari munda okwo, okwo, naaranzya ahansi."

33 Reero naateekateeka aha buteeka bw'eryo ihe ry'omu iguru, tihariho na kimwe ekitari omu mwanya gwakyo. Buri kimwe kirinda obunaku bwakyo, kurungi munonga. Eihe rikuru rya Ruhanga! Naateekateeka aha baserukare; oku ngu okwezi okwo ku kyakubaho kukaruga omu buteeka, ensi ekaagaruka eshwewkwa amaizi, omu dakiika nkye. Ensi ekaaba nk'oku yaabaire eri obu Ruhanga yaasharamu kugikozesa, ahabw'okwenda ngu tugitturemu hanu. "Ekaba etari mu buteeka, kandi erimu busha, n'omwrima, kandi amaizi maingi gakaba gashwekkire ensi." Kandi okwezi okwo ku kwakuruga omu mwanya gwakwo, ekintu ekyo kimwe kikaagaruka kibaho. Okwezi ku kuzongazongaho kakye kukaza hare n'ensi, ebingonzi biimuka. Kwashuma, kukuratira ebingonzi. N'eие rya Ruhanga rikuru.

34 Ku naateekateekire ahari . . . eryo ahabw'okuba eihe rya Ruhanga rikuru aho.

Hati, tukaza kubyama. Reero naatandika kuteekateeka ngu tihariho n'emwe omurizo eruga omu mwanya gwayo. Zoola ziguma omu myanya yaazo. Kandi ku haraabe hariho okugyenda, ahantu hoona, kwazo, n'ahabw'enshonga, kandi nikwija kugira eki kwakora aha aha nsi egi. Nitureeba ebirugiremu byakwo hati, kuruga omuri bimwe kugyenda bikataaha omu myanya yaabyo endijo. Nikikora. Nikikora ahari buri kintu.

35 Kandi naateekateeka, mbwenu, eryo ihe rikuru ry'omu iguru ku riraabe, nka batyo, niriteekwa kuguma omu mwanya gwaryo, kutuma buri kintu kyaguma omu buteeka, mbwenu shi obutatebeekana bw'eие ry'omu nsi bwo buri buta? Oku, kimwe ku kiruga omu buteeka, ka nikituma byona byaruga omu buteeka! Entebeekanisa ya Ruhanga yoona neeteganisibwa omuntu omwe ku aruga omu buteeka. Obutoosha tushemereire kuguma niturwanirira kurinda obuteeka bw'Omwoyo.

36 Kandi ninshaba, Ruhanga, akasheeshe aka, ngu eki tukihitsye aha saaviisi y'okutamba buzima, ngu tubaase kurinda ekicweka eki . . . ekibiina eki tuteeraniire ahansi y'orushuuru oru akasheeshe aka, omu kukwatanisa nk'oku, kugira ngu Omwoyo Orikwera abaase kuta omu mwanya buri rugingo rw'Omubiri, oruri hanu akasheeshe aka, omu kukwatanisa nk'okwo, okuhitsya obu haraabeho okutambirwa endwara kw'ahonaaho kw'omwoyo n'omubiri, ku turaagume omu myanya yaitu.

37 Hati, nk'oku ngambire aha kutandika, omukyara ogu owaabaire aine ekookoro ei Dokita Holbrook yaihire . . . yaabaire naaza kwhihamo. Hati, Ruhanga ogwo owaareetsireho orwari rw'okupapaza kwija omu irwariro eryo, kandi akaihaho ekookoro egyo hatariho nangwa n'okutsigaho enkojo, timurikumanya ngu Ruhanga ogwo omwe ari hanu? [Abateeraine baagira batu, "Amiina." -Omur.] Kandi ekintu kyonka eki Ategyereize, n'eие Rye-Rye kuza omu myanya yaaryo, nk'enyonyyoozi, kuza omu myanya yaaryo.

38 Hati, nimumanya, ku tutungire entaro zikurataine, n'okurangaanwa kwazo? Kandi ensi ku eraagumeho, nitwija kugira ezindi ntaro nyingi. Kwonka nimwetegyereza buzima ku hariho amaani abiri gonka omu nsi yoona? Omu kutaikirizana kwaitu rwagati y'amahanga, n'okutaikirizana ahagati y'omuntu na mugyenzi we, na buri kintu, byona nibishushana n'amaani abiri. Hariho amaani abiri gonka, kandi hariho n'obugabe bubiri bwonka; amaani abiri, n'obugabe bubiri. Ebyatsigara byona, obuntu bukye bukye obwo, bwine akakwate na gamwe ahari ago maani. Kandi amaani ago n'amaani ga Ruhanga n'amaani ga Sitaane. Ekyo nikyo . . . Buri rutaro, buri murabanamu, buri kintu ekirkwija, kitlegkwa amaani ga Ruhanga nari amaani ga Sitaane, 'habw'okuba ago nigo maani abiri gonka agariho. Kandi ago n'amaani g'amagara n'amaani ga rufu. Hati, ago nigo maani abiri gonka.

39 Kandi Sitaane naabaasa . . . Amaani ge, agu aine, n'amaani ga Ruhanga agakiikami. Ti maani agahikire. Buri kintu eki Sitaane aine, n'amaani ga Ruhanga agakiikamisiibwe. Rufu n'amagara agakiikamisiibwe kwonka. Ekishuba n'amazima gagambirwe kubi. Mwareeba? Obushambani n'e-ekikorwa ekikozirwe kubi, ekikorwa ekihikiriire kikozirwe kubi. Mwareeba? Buri kintu eki Sitaane aine n'ekintu ekyakiikamisiibwe, kwonka n'amaani.

Kandi, eriizooba, tushutami hanu, kandi gamwe ahari ago maani nigaza kututegyeka. N'ahabw'ekyo ka tunagye amabi ago. Ka tuze omu myanya yaitu nk'enyonyyoozi z'omu kaabunga.

40 Nka Baiburi oku egamba ngu, "Enyonyyoozi ezitahamiire hamwe," kuriya omu Kitabo kya Yuda, "nibabira eifuro ry'enshoni zaabo." Kandi titurikwenda kuba enyonyyoozi ezitahamiire hamwe; nitwebuuza yaaba eki kihikire, nitwebuuza yaaba ekyo kihikire, nitwebuuza yaaba kiraije kubaho, nitwebuuza oku kyakubaasa kuba. Reka kuzengyerera. Guma nk'ezo nyonyoozi z'omu iguru, nk'omuserukare w'amazima ori aha murimo gwe. Yemerera aho, noikiriza! Amagara n'okufa.

41 Hati, eihe, ryaba buzima riri eihe, eihanga rikeeteguura kurwanisa eihanga erindi, rishemereire kubanza ryashutama kandi rikamanya ekihikire n'ekigwire, kandi yaaba nibabaasa kurwanisa erindi ihanga nari batarikubaasa. Ekyo Yesu akakyegyesa. Kandi abantu ku baakukozire ekyo, amahanga ku ga-gaakushutamire, haza gakeemerera kandi gakateekateeka ebintu ebyo, embaju zombi, titukaagizire ezindi ntaro.

Hati, nitushanga ngu, omuntu ku araabe atakozire ekyo, abakuru b'amahe g'eihanga ku baraabe batashutamire ahansi, okubanza, reero bakeetegyereza kandi bakareeba yaaba bahikire, n'enshonga zaabo n'ebigyendererwa yaaba bihikire, kandi yaaba baine amaani agarikugasha n'obushoboorozi okusingura erindi ihe, obwo buzima nibaza kusingurwa.

42 Aho niho Genero Custer yaakoreire enshobe ye y'amaani munonga. Genero Custer, nk'oku ndikwetegyereza, akaba aragiirwe gavumenti, okutaza omu nsi y'aba Sioux, ahabw'okuba bukaba buri obwire bw'ediini yaabo.

Bukaba buri obwire bw'okuramya. Bakaba baine obugyenzi. Kwonka Custer akasinda, kandi yaateekateeka ngu akaba naabaasa kukikora oku yaabona. Akaba naaza kwambuka, yaaba byabaire biri ebiragiyo nari bitari biragiyo. Kandi buzima bakarasha abantu bamwe abataine rubanja, baabarasha. Ninteeekateeka bakarasha bamwe omuribo. Bakaba bari abasikautu, bari aheeru, nibasherura eby'okurya, kuriisa abantu ba-baabo obu baabaire bari omu kuramya. Reero Custer, naayambuka, yaabareeba, kandi yaateekateeka ngu bakaba nibabahiiga, n'ahabw'ekyo baarasha omuri abo basikautu. Reero abasikautu aba baahunga, baagarukayo. Bakakora ki? Bakakwata ebirwaniso, kandi mbaba hanu baija. Kandi ogwo nigwo gwabaire omuheru gwa Genero Custer, ahabw'okuba okubanza, tarashutamire ahansi ngu ateekekkye.

Akaba ataineyo murimo. Akaba ataine bugabe kubayo. Akaba abingire Abahindi kuruga aha Mwaro gw'Oburugwa-izooba, kuhikira kimwe Burengyerwa-izooba, oku kiri. Kandi bakaba bakozire endagaano, kwonka egyo ndagaano akagihenda. Kandi ku yaahenzire egyo ndagaano, reero yaasingurwa.

43 N'ahabw'ekyo eihe, okubanza, omu kweteekateekyera orugamba, eky'okubanza nihateekwa kubaho okutoorana, abaserukare. Nibateekwa kujwekwa ahaw'okurwana. Nibateekwa kutendekwa ahaw'okurwana.

Kandi niinyikiriza ngu orugamba orurukukirayo orurarwainwe, hati rweteekateekire kutandika. Niinyikiriza ngu Ruhanga atwire naatoorana abaserukare Be. Niinyikiriza ngu Atwire naabajweka, naabatendeka. Kandi orunyiriri rw'omu maisho rw'orugamba hati rwaherize kutebeekanisiibwa, kweteekateekyera kutandika.

44 Orugamba rukuru oru, orw'okubanza orurarwainwe, rukatandikira omu Iguru, obu Mikaeli na Baamaraika Be baarwanisa Lusafeeri na baamaraike be. Rukabanza kutandikira, orugamba rw'okubanza rukatandikira omu Iguru. N'ahabw'ekyo, ekibi tikirakomookire omu nsi, kikakomooka omu Iguru.

Reero kyanagua ahansi kuruga omu Iguru, kyanagua kuruga omu Iguru, kyahika omu nsi, kandi kyataaha omu bantu. Bwanyima orugamba, kuruga ahari baamaraike, rwaba orugamba rw'abantu. Kandi Sitaane akaija kuhwerekyereza ebihangirwe bya Ruhanga, ebi Ruhanga yaabaire ahangire okuba Ebye. Sitaane, akaba, aizire kuhwerekyereza ebi. Ekyo nikyo kyabaire kiri ekigyendererwa kye, kikaba kiri okubihwerekyereza. Bwanyima orugamba rwatandika hanu omu nsi, kandi rwatandikira omuriitwe, kandi rutwire ruri orw'amaani munonga okwiha obwo.

45 Hati, orugamba rwona rutakatebeekanisiibwe, baine kubanza baatoorana omwanya gw'okubuganiramu, nari omwanya ogu orugamba ruraarwanirwemu, omwanya ogutoorainwe.

Omum Rutaro rw'Ensi Yoona rw'Okubanza, rukaba rutebeekanisiibwe gye munonga, omwanya ahagati y'amahanga abiri ogutaine mukama waagwo n'emyanya ei baarwaniiremu. Kandi nihateekwa kubaho omwanya ogutoorainwe.

Nk'obu Isreali yaaza omu rutaro n'Abafilistia, hakaba hariho a-a-akabungo ahari buri rubaju ahu baateeraniire. Kandi aho niho Goliasi yaarugireyo reero yaayeta engabo za Isreali. Aho niho Daudi yaamubugaine, omu ruhanga, ku yaayambukire akagyera kakye akarikuraba ahagati y'obubungo bubiri, yaatoorotoora amabaare.

Nihateekwa kubaho omwanya ogutoorainwe.

46 Kandi omuri eki, hariho o-omwanya ogu embaju zombi zirkwikirizanaho, omwanya ahagati y'amahanga abiri ogutaine mukama waagwo, kandi nibarwanira hanu omu mwanya ogu. Tibarikubaasa, omwe kurwanira seeri hanu, n'ondijo haifo hanu, n'ondijo akairukira seeri hanu. Hariho orunyiriri rw'omu maisho omu rugamba ahu babuganira kandi bakagyeza amaani gaabo, ahu buri ihe rigyeza amaani gaaryo aha rindi ihe, omwanya ogu embaju zombi zirkwikiriza kubuganiramu. Hati, mutafeerwa (kutunga) eki.

Orugamba rukuru oru ku rwatandikire omu nsi, hakaba nihateekwa kubaho omwanya ogu embaju zombi zirkwikirizana kubuganiramu. Hakaba nihateekwa kubaho omwanya ogutoorainwe kugira ngu orugamba rutandikye, kandi kugira ngu rube orw'amaani. Kandi ogwo mwanya gw'okurwaniramu orugamba nigtandikira omu biteekateeko. Aho niho orugamba rutandikira. Ebiteekateeko by'omuntu bikatooranwa kuba omwanya gw'orugamba, omu rwatandikiire, kandi ekyo n'ahabw'okuba ngu okucwamu kukorerwa omu biteekateeko, omu mutwe. Hati, tibararutandikiire omu kibiina ky'ediini nanka. Tibararutandikiire omu kintu nk'ekyoma. Ah'okurwanira tiharatandikiire okwo. N'ahabw'ekyo, ekyo kibiina ky'ediini tikirikubaasa na kakye, tikikaakora omurimo gwa Ruhanga, ahaw'okuba omwanya gw'okurwaniramu, ahu orikuteekwa kubugana omuzigu waawe, n'omu biteekateeko. Nooteekwa kutooranamu. Nirukubugana.

Niinyenda omwishi muto ogu hanu, orwaire munonga, ahamize kimwe ngu eki hati yaakihurira, ataireho omutima munonga.

47 Okusharamu kukorerwa omu biteekateeko, omu mutwe. Aho niho Sitaane akubuganira, kandi okusharamu kuri ngu, ahaw'okuba okwo nikwo Ruhanga yaahangire omuntu.

Hati, nyine (ku mwakubaire nimureeba aha bi mpandiikire hanu) maapu nkye eteirwe. Nkaba ngiine hanu obwire bukye obuhingwire, aha . . . ekakozesibwa aha rubaaho. Omuntu akozirwe nk'enjuma y'engano. N'embibo.

Kandi omuntu n'embibo. Omu by'omubiri, ori embibo ya sho na nyoko; kandi amagara gakaruga omuri sho, omubiri gwaruga omuri nyoko. N'ahabw'ekyo, ebibiri ebyo, hamwe, eihuri n'e-eshtagama, biteerana hamwe. Kandi omu katafaari k'eshagama harimu amagara. Reero omwo nikatandika, kakura, nikakora o-omwana.

48 Hati, embibo yoona eine ekishushu ky'aheeru; eky'omunda n'ebigikozire; kandi omunda y'ebigikozire harimu embibo y'amagara. Mbwenu, okwo nikwo tukozirwe.

Turi omubiri, amagara, n'omwoyo. Ekcweka ky'aheeru, omubiri, ekishushu; ekcweka ky'omunda y'ekyo, eiraka ry'omunda n'ebindi nk'ebyo, n'amagara; reero omunda y'amagara, n'omwoyo. Kandi omwoyo gutegyeka ebindi byona.

49 Hati, ku muraashutame ahansi mwahika omuka, haza mukateera obuziga bukye bushatu. Nimuza kushanga ngu omubiri ogw'aheeru gwine ebihurikizo bitaano ebi gurikukozesa, kandi ebyo n'okureeba, okuroza, okuhuririra mu mubiri, okunuukiriza, okuhurira. Ebyo nibyo bihirukizo bitaano ebirikutegyeka omubiri gw'omuntu.

Omunda y'omubiri harimu amagara, kandi ago magara nigategyekwa ebiteekateeko, eiraka ry'omunda, okwiju, okuhaajaana, n'okukunda. Ebyo nibyo bintu ebirikutegyeka amagara.

Kwonka, omwoyo, gwine ekihurikizo kimwe kyonka. Omwoyo . . . Oo, ka tukitungye. Omwoyo gwine ekihurikizo kimwe, kandi ekihurikizo ekyo, ekirikugutegyeka, n'okwikiriza nari okubangaanisa. Nikwo kiri buzima. Kandi hariho omuhanda gumwe gwonka gw'okuguhikaho, ogwo ni n'obugabe bw'okutoorana. Noobaasa kwakiira okubangaanisa nari noobaasa kwakiira okwikiriza, kimwe omuri ebi bibiri eki orikwenda kukoresa. N'ahabw'ekyo, Sitaane akatandikira aha kicweka ky'omugasho, kureetera omwoyo gw'omuntu kubangaanisa Ekigambo kya Ruhanga. Ruhanga yaatandikira aha kicweka ky'omugasho, okuta Ekigambo ekyo omu mwoyo ogwo. Nikyo ekyo. Okwo nikwo kirikukorwa.

50 Kuri ekanisa egi, hati hati neebaasa kuba hamwe, kandi ekateeranwa hamwe n'ekintu nk'ekyo okuhitsya obu boona barikwikirizana, hataraho kubangaanisa kwona ahantu hoona, tihakaabaireho omuntu oine amaani makye omuriitwe, omu dakiika itaano ezindi. Tihakaabaho muntu weena hanu orikwetenga Omwoyo Orikwera kureka owaakubaire Naamutunga, ku waakubaasa kutereeza ekintu nanka ekyo.

51 Hati, aho niho orugamba rutandikira, omu biteekateeko byawe honyini, ku oraabe nooyenda.

Hati mwijukye, teri Christian Science, hati, okukozesa ebiteekateeko kumaraho emirabanamu y'eb'yomubiri. Ekyo tikiine . . . Ebiteekateeko byakiira Amagara, nikyo Kigambo kya Ruhanga, reero aho kireeta Amagara. Ebiteekateeko byawe byonka tibirkukikora. Kureka, Ekigambo kya Ruhanga, kireetsirwe omu muhanda gw'ebiteekateeko byawe. Mwareeba? Ti biteekateeko, nk'oku Christian Science erikukigamba, okukozesa ebiteekateeko kumaraho emirabanamu y'eb'yomubiri. Ngaaha. Ekyo tikyo.

Kureka, ebiteekateeko byawe Bikyakiira. Bikibumbatira. Ebiteekateeko byawe bitegyekwa ki? Omwoyo gwawe. Kandi omwoyo gwawe gukwata Ekigambo kya Ruhanga, kandi ekyo nikyo kintu ekiine Amagara Omurikyo. Nikireeta Amagara omuriwe. Oo, ow'eishe-emwe! Ekyo ku kibaho, Amagara ku gashuumira omu mufuregye ogwo, gakakutaahamu, Ekigambo kya Ruhanga nikyorekyerwa omuriwe. "Ku muraagume Omuriinye, n'Ebigambo Byangye byaguma omuriimwe, obwo mushabe eki murikwenda kandi kiryabakorerwa."

52 Bwanyima ekyo nikikora ki? Kuruga rwagati y'omutima, nigo magara, kuruga aho gagyenda omumaisho, nigariisa buri mufuregye. Omurabanamu gwakyo ni ngu, twemereire omunda hanu n'okubangaanisa kwingi, nitugyezaho kwakiira ekiri aheeru okwo. Ekyo nimuteekwa kukireka; reero mushuumire omuri ogwo mufuregye n'Ebigambo kya Ruhanga ky'amazima, reero kishohore, kyo kyonka, hataraho kugyemwa. N'ekiri omunda. Ekyo nikyo kikuru, n'eky'omunda.

Enkora ya Sitaane n'okutandikira omunda.

53 Hati, noogira oti, "Tinyiba. Tinywa maarwa. Tinkora ebintu ebi byona." Ekyo tikiine kakwate nakyo.

Mwareeba, ni omunda omwo. N'obu waakuba ori murungi ota, okagira emicwe mirungi erikwingana eta, okaba omwesigwa munonga ota, ebintu ebyo nibisiimwa. Kwonka Yesu akagira ati, "Omuntu ku aba atazairwe bwa kabiri." Mwareeba? Nihateekwa kugira ekyabaho omunda. Kyaba kitabaire kityo, ekyo n'okutooreza kwonka, ahakuba omunda omu mutima gwawe nooyetenga kukikora n'obu kiraabe.

54 Tikirikubaasa kuba eky'okutooreza. Nikiteekwa kuba ekirikyo.

Kandi hariho omuhanda gumwe gwonka ogu ekyo kirikubaasa kurabiram, kandi ogwo n'omuhanda ogw'okwetooraniram, kutaaha omu magara, kurabira omu biteekateko byawe. "Nk'oku omuntu ateekateeka omu mutima gwe, nikwo ari." "Ku origambira orushozi oru ngu, 'Tsinduka,' kandi otarikubangaanisa omu mutima gwawe, kureka noikiriza ngu eki orikugamba nikiija kubakwo, oryakikorerwa." Mwakitunga? [Abateeraine baagira bat, "Amina." -Omur.] Nikyo ekyo. Mwareeba? Aho niho orugamba rurwanirwa.

55 Kuri nootandika n'ekyo kyonka, okubanza.

Twine ekihika kingi kureeba ebintu nibikorwa. Twine ekihika kingi kugira eki twakorera Ruhanga. Ogu mukyara mukye tari . . . ekihika, tihariho kubangaanisa, aine ekihika ky'okuguma ari ohuriire. Naayenda kukira. Abandi bari hanu, nibenda kukira. Mbwenu ku tuhurira aha kintu ekyo, nka dokita oriya, okuzooka kw'abafu, ebintu bikuru by'amaani ebi Ruhanga waitu akozire, obwo tugira ekihika. Kandi ekintu ni ngu, nitugyezaho kurabira omu bihirikizo ebi, kugira eki twakwata hanu, nk'eiraka ry'omunda.

56 N'ahabw'ekyo abantu baingi munonga, emirundi mingi, bakyengire Ekigambo kubi. Kandi naanye nkeetegyerezibwa kubi ahabw'eki, ahabw'okweta abantu kwija omu maisho kujunwa. Nkagira nti, "Nkaba ntarikushagika munonga eky'okweta abantu kwija omu maisho kujunwa," ntarikumanyisa ngu timushemereire kweta abantu kwija omu maisho kujunwa.

Kwonka omuntu naakwata omukono gw'ondi, agire ati, "Oo, Ow'eishe-emwe Yohaana, noomanya ki? Nyowe naiwe tutwire turi abataahi obwire obu bwona. Ija hanu ahari rutaari, oteeze amaju." Naakora ki? Kuri nyine orubaaho hanu, nkaabaasize kubooreka eki ariyo naakora. Naagyezaho kukorera omu magara ge, aha kukunda. Ekyo tikirkukora. Ogwo tigwo muhanda. Buzima, tigwo.

Obundi shana naakorera omu (omuri ki?) kwijuka, kurabira omu kihurikizo ky'amagara ge. "Oo, Ow'eishe-emwe Yohaana, okaba oine nyoko murungi munonga. Akafa ira." Okwijuka! Mwareeba? Ekyo torikubaasa kukikora.

Nikiteekwa kurabira omu muhanda gw'okweshariram. Iwe, iwe wenka, oikirize Ekigambo kya Ruhanga . . . Torikwija ahabw'okuba nyoko akaba ari omukazi murungi. Torikwija ahabw'okuba ori omutaahi murungi. Noija ahabw'okuba ngu Ruhanga naakweta kwija, kandi Noomwakiira aha musingye gw'Ekigambo Kye. Ekyo Kigambo nikyo kirikumanyisa buri kintu. Ekyo Kigambo! Kuri nimubaasa kwisha buri kintu omu muhanda, eiraka ry'omunda ryona, ebihurikizo byona, reero mukaikiriza Ekigambo kikataahamu, ekyo Kigambo nikija kuzaara ekyo kyonyini.

57 Hanu, nimureeba Ekikishwekire? Noogira oti, "Mpaho, hati," noogira oti, "mbwenu, ebi, eiraka ry'omunda n'ebihurikizo, n'ebindi, tibiine kakwate nakyo, Ow'eishe-emwe Branham?" Buzima, biine akakwate. Kwonka ku oraikirize Ekigambo kikataahamu, reero Okakishweka n'eiraka ry'omunda, obwo Tikirkubaasa kukura; nikija kuba ekigambo kiremahaire.

Murareebire enjuma nungi y'ekicoori ebyairwe omu itaka, reero okareka ekiti kikagigwaho? Neija kukura egorami. Omuzaabibu gwona, ekintu kyona ekikura, nikija kubakwo, ahabw'okuba hariho ekyakizibira.

58 Mbwenu, egoy niyo nshonga eri n'Okwikiriza kw'ekipentekoote kwaitu ebiro ebi. Turekire ebintu bingi munonga Byakuzibira, Okwikiriza okwo oku twegyesiibwe, Omwoyo Orikwera obaire naatuura omuriitwe. Turekire ebintu bingi munonga, nitureeba omuntu ondijo.

Kandi Sitaane buruijo agyezaho kukworeka okuremwu kw'omuntu, beitu agyezaho kukwiha aha bujurizi obuhikire obw'amazima. Naija kukworeka endyarya, obwire bumwe, owaashohoire akagyenda naatooreza ekintu nanka. Tarakikozire, ahabw'okuba akaba naatooreza. Kwonka ku kiraarugye omu burugo bw'amazima bw'Ekigambo kya Ruhanga, "Eiguru n'ensi biryahwaho, kwonka Ekigambo Kyangye tikirkubaasa kuhwaho," Nikiteekwa kugumaho.

Nookireeba, ow'eishe-emweka?

59 Nikiteekwa kwakiirwa omu biteekateeko, bwanyima Kiikirizibwe omu mutima. Bwanyima Ekigambo kya Ruhanga kibe ekihuriire, reero ebihurikizo byona by'amagara n'omubiri bishemezibwa n'Omwoyo Orikwera. Bwanyima ekihurikizo kyawu kya Ruhanga, eiraka ry'omunda ryawe rya Ruhanga, buri kintu ky'Obwaruhanga, nikihimintika nikirabira omuriitwe. Tihariho kubangaanisa ahantu hoona. Tihariho ekintu kyona ekirkubaasa kwimuka.

Tihariho ekintu kyona ekirkubaasa okwija omu kwijuka, reero kikagira kiti, "Eego, niinyijuka Mukyara Jones akagyeyaho kwesiga Ruhanga, na Mukyara Nanka na nanka. Mukyara Doe akagyeyaho kwesiga Ruhanga kumutambira, rimwe, kandi yaaremwa." Mwareeba?

Kwonka ogwo mufuregye ku guraabe guboneziibwe kandi gushemeziibwe, kandi gwijuziibwe omunda n'Omwoyo Orikwera, ekyo nangwa tikirkwija n'omu kwijuka, tihariho kuta omutima ahari Mukyara Jones n'ebi yaakozire. Niiwe na Ruhanga, hamwe, kandi tihariho ondijo weena kureka imwe babiri. Nikyo ekyo. Ndurwo orugaamba rwawe.

60 Omwitire aho honyini aha kutandika. Mwemereze ahonaaho ahi ari honyini atarengaho. Ti mwanya muraingwa ogu orikutuma orutaro rwaabaasa kumara. Ni ngu, rwemereze hati hati!

Ku oraije, kandi okaguma n'okwijuka n'eiraka ry'omunda, na buri kintu, nooteekateeka oti, "Mpaho, nimbaasa kuremwu. Nikibaasa kuba kitahikire." Ekyo otakikora, na kakye.

Iwe naga aha rubaju buri kintu, reero oigure omufuregye, kandi ogire oti, "Ruhanga, Ekigambo Kyawu n'amazima Obutahwaho, kandi N'ekyangye. Ekanisa yoona ku eraaremwe, ensi yoona ku eraaremwe, nabwo

nyowe tindikubaasa kuremwa, ahabw'okuba niinyikiriza Ekigambo Kyawe."

61 Ndurwo orugamba. Ekyo nikyo kintu.

Ahabw'enki Ruhanga ow'Obushoboorozi bwona arikubaasa kwiha ekooookoro aha ibeere ry'omukazi, hatariho nkojo, reero akareka omwana kubyama haza akafa. Ngaaha, sebo.

62 Omwishiki muto akaija hanu, obwire bukye obuhingwire, kuruga omu ishomero rya haaya. Nyina akanteerera esimu, yaagira ati, "Ow'eishe-emwe Branham, omwishiki wangye arwaire okuzimba enturugunu." Egyo n'ekookoro, erikubaho omu mbumburi. Kandi baadokita bakatwara akacweka akaayatikire kuruga aha mumiro gwe, baakatwara, kandi bukaba buri oburwaire bw'okuzimba enturugunu buzima.

N'ahabw'ekyo yaagira ati, "Endijo yaayatika, neebaasa kwatikira aha mutima gwe. Ku eraayatikye, naafa." Yaagira ati, "Taine . . . Omuringo ogu zirikwatikamu, omwishiki aine, nka, haihi emyezi eshatu, kubaho."

Nyina yaagira ati, "Nkore ki? Mugarure aha ishomero?"

Yaagira ati, "Murekye agyende, ahabw'okuba obundi naaza kufa ahonaaho." Reero yaagira ati, "Fa kumureka agyende kandi atuure amagara g'obutoosha, nk'oku arikubaasa. Otagira ekintu kyona eki waamugambira aharikyo."

N'ahabw'ekyo ogwo mukazi yangira ati, "Nkore ki?"

Naagira nti, "Mureete aharuguru hanu reero omute omu runyiriri rw'ab'okushabirwa." Kandi naagira nti, "Ija nawe." Naayehuriram u ekintu ekitari kya buriijo.

63 Kandi ogwo mwishiki muto ku yaizire, akasheeshe ako, n'emina erikureebeka nka bururu, ahabw'okwetona, kandi nk'oku eishomero riine ebintu ebyo. Reero-reero omwishiki muto ogwo yaija. Nkaba ntarikumanya ou yaabaire naaza kuba; owaabaire naaza kuunyeta aha simu. Naakwata omukono gwe. Naagira nti, "Oraire gye, ow'eishe-emwe kazi?" Ngugwo akaba ari aho. Akaka ariwe. Omu kaire kakye konka, nkaranza nyina kandi naabareeba bombi bataine Ruhanga, bataine Kristo. Naagira nti, "Nimubaasa muta kugira amatsiko g'okutambirwa endwara omu mbeera egi? Nimubaasa kwakiira Yesu Kristo nk'Omujuni waanyu?" Naagira nti, "Nimubaasa kuza omu kiyanja eki hanu reero mukabatizibwa omu iziina rya Yesu Kristo ahabw'okusaasirwa ebibi byanyu?"

Baagira bati, "Ekyo nitwija kukikora."

Oo, nimumanya ekyabaireho. Ogwo mukazi naabaasa kuba ashutami hanu akasheeshe aka. Baingi omuriimwe nimumanya ekyabaireho ekyo. Ow'eishe-emwe Mike Egan, omwe aha babiiki hanu, akareeba ekyabaireho ekyo. Hahingwireho nk'emyaka ena nari etaano ekyo kibaireho. Ogwo mwishiki muto akagarurwa owa dokita, tihaaboneka nangwa n'akamanyiso kamwe k'okuzimba enturungunu omuriwe.

64 N'enki ekyabaire kishobire? Okaba nooteekwa kwigura omufuregye, okubanza. Nooteekwa kutunga Omuserukare, Omwoyo Orikwera, ateebwe aha runyiriri rw'omu maisho rw'orugamba, ogwo orikwiriza Ekigambo kya Ruhanga. Niwe Kigambo. Kandi Naayemerera aho, tihariho kintu kyona ekirikuza Kukyemereza obwo. Tihariho kintu kyona. Buri gumwe aha mifuregye endijo guboneziibwe. Nk'etanka ekuzire y'okuteeka amaizi eine orushekye rw'okushohorezamu omwika ruzibikiire; waahembamu omuriro, nigwija kubarura tanka yaawe. Ogwo nigwo murabanamu oguri n'Abakristaayo baangi munonga ababarukire, n'ahabw'okuba ngu tibarikwiha oburofa omu mifuregye, tibarikuza ahansi omunda. Nooteekwa kuguyonja, eiraka ry'omunda, okwijuka, ebiteekateeko, noota aha rubaju buri kintu, kandi n'okwija orikuruga omunda nooza aheeru, oine ekyo Kigambo kya Ruhanga ekitafungwire, ngu Nigo Mazima.

N'obu abantu omutwaro baakufa aha rubaju oru, eriizooba, nibeesiga; abantu omutwaro bakafa aha rubaju ruriya, nyencakare, nibeesiga; ekyo tikinkwatsireho. Niinye ahabwangye nyenka. Niinye ogwo orikwesiga. Niinye ogwo orikukiikiriza.

65 Kandi nitureeba enyima okwo, kuri twabaire nitwenda kwigura emifuregye yaitu obwo, kuri nitubaasa, reero tukareeba. Nitureeba ogu n'oriya, n'ogu n'oriya, enkumi n'enkumi zaabo, nibajurira.

Kwonka Sitaane naija kugyezaho kugarukira kimwe. Mwareeba, ku yaakubaasa kutaaha omunda okwo, buzima, obwo eihe ryawe naaba yaaricwekyereza buzima obwire obwo.

Ku oraabe oine ebihurikizo byawe, okureeba, okuroza, okuhuririra mu mubiri, okunuukiriza, n'okuhurira, ni birungi, kwonka otabyesiga shana byaba nibiikirizana n'Ekigambo. Ni birungi, kwonka, ku biraabe bitarikwikirizana n'Ekigambo, otahihurikiza. Hati, ebiteekateeko, eiraka ry'omunda, okwijuka, okuhaajaana, n'okukunda, ni birungi ku biraabe nibiikirizana n'Ekigambo. Kwonka okukunda kwawe ku kuraabe kutarikwikirizana n'Ekigambo, okunagye. Noobaasa kubarura orushekye rw'okushohorezamu omwika, ahonaaho. Mwareeba? Okuhaajaana kwawe ku kuraabe kutarikwikirizana n'Ekigambo, kurekye. Ekyo kihikire. Ekyoto . . . Okwijuka kwawe, ebiteekateeko byawe, eiraka ryawe ry'omunda, ekintu kyona, ku kiraabe kitarikwikirizana n'Ekyo ekiri omunda, kinagye.

66 Obwo oine ki? Oine eizooba na byona ebirikuryetooroora. Haleluya! Kiri ngu, Ruhanga akata enyonyoozi omu buteeka kandi yaagira ati, "Muzeereere aho okuhitsya obu Ndaabeete!" Ziguma aho. Tihariho ekirikwija kuziihaho. Ruhanga kuri naabaasa kuta omuntu omu ngaro Ze, okuhitsya obu yaakubaasa kuta ebihurikizo, eiraka ry'omunda, buri kintu kiboneziibwe, okuhitsya obu kiraayemerere na Ruhanga ari enyima yaakyo, omu mwoyo; tihariho daimoni omu nsi erikubaasa kumushokamu okubangaanisa omunda omwo. Ekyo kihikire.

67 Naija aho haza agira ati, "Tokabaireho gye."

Nangwa n'eiraka ryawe ry'omunda rifiire, ahari ekyo. Orushekye ruhweiremu oburofa bwona, niruteera akaari rutti, "Haleluya!" Omwina gw'orushekye guteera efurembe guti, "Ekitiinisa ahari Ruhanga!" Nigwaka, buzima, guhweiremu oburofa kandi gushemeire, ahabw'Ekigambo kya Ruhanga kukoreramu, Amaani Ruhanga. Mwareeba? Ekyo nikyo kintu kikuru.

Ah'okurwanira haawe niho aho. Ah'okurwanira haawe n'enyima hanu omu kutandika, enyima hanu omu magara, enyima omu biteekateeko byawe ebirikwigura. E-ebiteekateeko niryo eirembo erirkutaasya omu magara, nimmanyisa, eirembo erirkutaasya omu mwoyo.

Ebiteekateeko byawe nibiigura reero byakiira omwoyo, nari byanga omwoyo.

68 Noobaasa kugira amaraka g'omunda makye, n'okuhuririra mu mubiri kukye, n'okukyamukirira kukye, ebintu ebi byona. Ekyo tikiine kakwate nakyo. Okwo n'okukyamukirira kukye kwonka n'ebindi. Kwonka kyahika aha mazima, ebiteekateeko byawe nibiigura. Ebiteekateeko byawe nibikyakiira nari nibikyanga. Nikyo ekyo, banywani.

Ruhanga, ninkushaba ngu hatagira omuntu n'omwe owaakifeerwa.

Mwareeba, n'ebiteekateeko byawe ebirikwigura orwigi; nari ebirikukinga orwigi, n'okuhurikiza eiraka ryawe ry'omunda, kuhurikiza okwijuka kwawe, kuhurikiza okukunda kwawe. Kwonka ebiteekateeko byawe ku byayekinga aha bintu ebi, reero bikareka Ruhanga, Omwoyo w'Ekigambo Kye, akataahamu, Naahuua ebintu ebyatsigara abishohoza. Okubangaanisa kwona nikurugaho. Okutiina kwona nikurugaho. Buri kukyamukirira kw'okubangaanisa nikurugaho. Buri kuhuririra mu mubiri nikurugaho. Tihariho ekintu kyona ekyemereire aho kureka Ekigambo kya Ruhanga, kandi Sitaane Ekyo tarikubaasa kukirwanisa. Ngaaha, sebo. Tarikubaasa Kukirwanisa. Hati, nitumanya ngu ekyo n'amazima.

69 Engamba ezi zitwire ziri ez'amaani okwiha aha izooba eryo ry'omu kibanja ky'omuri Edeni, orugamba omu biteekateeko by'omuntu. Sitaane akarutandika. Akakora ki obu yaabugana Haawa? Tarahakanise Ekigambo kya Ruhanga, kureka Akakishwekyerera. Akaigaza emifuregye emwe emikye hanu ahantu nanka. Yaagira ati, "Kwonka n'eky'amazima Ruhanga . . ." Okutandika 3:1. Mwareeba? "N'eky'amazima, Ruhanga, ebintu ebi byona ebi Ya-a-Yaaraganiise . . ." Akamanya ngu Ekigambo kihikire. Kwonka yaamanya ngu takaabaasize kurugayo butunu haza Akakibarura, akagamba n'amaani atyo, kureka aka-aka-Akakisiiga sukaari.

70 Nka maawe oku yaabaire akira kutunyweisa omubazi, kandi akaba agyezaho kuta omubisi gw'emicungwa omu majuta g'ekishogashoga. Mugyenzi, haakiri onywa amajuta g'ekishogashoga gatarimu omubisi gw'emicungwa! Ekintu kyona ekirimu oburyarya! Mwareeba? Aka . . . Tukaba tumanyiriire kwimuka obwire bwa nyekiro, reero atuha omubazi gwa coal oil, ahabw'obw'oburwaire bw'okwitsya kubi n'enkorora. Kandi akaba ataho omubazi gwa coal oil, reero agutaho sukaari; mwareeba, nk'omuringo gw'okubuzabuza. Kwonka gukaba haihi, gwotsya obuturugunu bw'omu maraka gaawe, nigushuumma, ahanyima ya sukaari kuhwaho.

71 Mbwenu, okwo nikwo kiri, munywani. Sitaane naagyezaho ku-kuba endyarya aharikyo. Naagyezaho kukworeka ekintu ekirungi okukiraho, omuhanda ogwanguhi munonga, puraani y'obwengye okukiraho. Kwonka tihariho puraani y'obwengye munonga okukira egoyei Ruhanga yaateireho aha kutandika, Ekigambo Kye. Kwata ekyo Kigambo. Kiramatireho. Reka Nakyo kikuramatireho. Guma aho Nakyo. Okwo ni-okwo nikwo kiri.

72 Orugamba rukaaka omuriro obu Haawa yaigura ebiteekateeko bye, kuhurikiza okuhaajaana kwe. Orwo nirwo rushekye oru Sitaane yaarabiiremu. Ogwo nigwo mu-mufuregye ogu yaashuumiiremu, okuhaajaana kw'omukazi. Haawa, omu amagara ge, akahaajaana.

Amaisho ga Haawa gakareeba. Akareeba egoyejoka. Enjoka ekaba eboneire, neereebeka gye, eri nungi munonga okukira iba. Ekaba eri enyabwengye munonga okukira enyamaishwa zonna ez'omu ishwa, kandi shana ekaba eri omushaija murungi munonga okukira iba. Ekaba neereebeka nk'enyamaishwa y'amaani y'enshaija eyemereire aho. Ka yaabaire eri ey'amaani! Kandi ekaba neegyezaho kugambira Haawa oku kyabaire kiri ekintu kirungi.

Kandi ekintu ky'okubanza eki Haawa yaakozire, akaigura ebiteekateeko bye. Kandi ku yaabiigwire, okuhaajaana kw'obuntu kwakikwata. "Ahabw'enki, ekyo tikyakubaire nikishemeza?"

73 Ekyo nikyo kintu eki arikukora omukazi ebi. Omukazi oine iba mukye murungi, naabona omushaija w'amaani, muhango, nyeshaija. Omushaija ogu naija kugyezaho kwigura okuhaajaana. Ijuka, ogwo ni Sitaane. Ogwo niwe Sitaane. Nari, embari eri, omushaija aha mukazi, omukazi aha mushaija, omuringo ogu kirimu.

Naakora ki? Naakorera omuri ago maani g'okuhaajaana, eiraka ry'omunda nari ekintu nanka, kitandika kutaaha omunda.

Kwonka h'Ekigambo kya Ruhanga omwanya gw'okubanza.

74 Omuntu tarikubaasa nangwa n'okuhika aha . . . Tarikubaasa kushiisha . . . Haleluya! Nkiki hanu. Eki nikija, ni kisya. Omuntu tarikubaasa kushiisha atabandize yaanaga Ekigambo kya Ruhanga aha rubaju. Tarikubaasa nangwa n'okushiisha, ekyo ni, okutaikiriza. Tarikubaasa kushiisha, okuhitsya obu araabanze yaanaga Ekigambo kya Ruhanga, Okubaho kwa Ruhanga.

Haawa akaba atarikubaasa kushiisha okuhitsya obu yaateire Ekigambo kya Ruhanga aha rubaju yaigura omufuregye gwe gw'okuhaajaana omu magara ge, kandi yaakatandika kuhajaana. "Ahabw'enki, buzima. Imanyi takangambiraga ebintu ebi, kwonka niinyikiriza ngu n'o . . . Akangambira ngu eki tinshemereire kukikora, kwonka, noomanya, waakinkyengyesa gye munonga kandi waakinyoreka butunu. Ni-niinyikiriza nikibaasa kuba kirungi, ahabw'okuba waakinyorekyera kimwe butunu." Mwareeba, orwo nirwo rwabaire orugamba rw'okubanza. Kandi, okurabira omu rugamba orwo, kikareetaho buri rutaro orundi. Kandi n'okusheesha eshagama kwona okurabaireho, kukaturuka aho honyini omuri Edeni. Haawa akabangaanisa Ekigambo kya Ruhanga.

75 Mbwenu shi akacweka kakye munonga k'Ekigambo kya Ruhanga ku karaabe kabangaanisiibweho, kikareetaho akabi aka koona, nituza kugarukayo tuta, tutarikwikiriza Ekigambo? Torikubaasa kukikora. Oine kokingira aheeru ebintu ebi byona ebindi, eiraka ry'omunda, okwijuka, kandi ogire . . . okuhajaana, n'ebintu ebi byona ebindi. "Nitunaga hare okuhajaana." Titurikukihaajaanaho, na kakye, nangwa na busha.

Nitwakiira Ekigambo aha musingye gwa, "Ruhanga nikwo yaagambire," reero kitaho akagyera ahagati yaawe na Ruhanga. Buri mufuregye nigwiguka ahagati yaawe na Ruhanga, obwo.

Ndurwo aho orugamba, orunyiriri rw'okubanza buzima, orw'omumaisho.

76 Ka turekye kurwanisa embundu y'ekika kya makumi abiri na ibiri; ka tukwate bomu ya-atomiki. Ka tukore omurimo kurungi. Ka tukwate bomu ya atomiki ya Ruhanga, "Niki, Ow'eishe-emwe Branham?" O-k-w-i-k-i-r-i-z-a omu Kigambo Kye. Egyo niyo bomu ya atomiki ya Ruhanga. Neebarura oburwaire na baadaimoni, buryo na bumosho. Ne-neebimiariraho kimwe. Neeshoroora . . . Oo, n'e . . . Neecwekyereza buzima. Neecwanyagura buri kintu ekitarikutiina Ruhanga. Egyo bomu y'okwikiriza ku erikuragarayo, n'Ekigambo kya Ruhanga kiri enyima yaakwo, neebarura buri daimoni, buri ndwara, buri burwaire.

Noogira oti, "Ekyo kihikire, Ow'eishe-emwe Branham? Kandi ahabw'enki nikikora, ahari bamwe, kandi kitakore aha bandi?"

N'ahabw'omufuregye. Noobaasa kuranzya aheeru kandi okireebe. Kwonka nooteekwa kukigira omunda hanu, nooranzya embari egi. Ti aheeru kuriya, orikuranzya omunda; nooteekwa kuba omunda, orikuranzya aheeru. Mwareeba?

77 Torikubaasa kwija okurabira omu kuhaajaana. Torikubaasa kwija kurabira omu bintu ebi ebindi. Nooteekwa kwizira kimwe oshuumire omu mufuregye gwa Ruhanga gwakwo, kutaahira kimwe omu magara. Kandi nookikora ota? Omufuregye gw'aha muheru ni guuha?

Nigwija kuhaaja- . . . kugumirizamu kimwe kushuuma. Noogira oti, ebihuhirikizo, "Oo, Ni-nimbaasa kukihuririra omu mubiri. Yee, nkikyo aho. Ahaa. Oo, ni-nimbaasa kukinuukiriza, nari n'ebindi nk'ebyo. Ebintu ebi biriho. Yee." Ekintu ekirikukurataho, noohaajaana oti, "Mpaho, nooshusha oti ashemereire kumanya eki arikugambaho. Dokita naagira ngu tindikubaasa kukira. Ekyo nikwo kishemereire kuba." Nooreeba, aho honyini o-ogwire. Ogwo ni Sitaane ayemereire aho. Ogwo ni Sitaane orikukushokamu ebintu ebi. Otakiikiriza.

"Haleluya! Ekigambo kya Ruhanga kikagira ngu niinyija . . . 'Omuri byona, ninshaba ngu obe gye kandi ogire amagara omu mubiri.' Ekyo kihikire." Noobaasa ota kuba omuserukare ohikire ebiso okwo? Mwareeba, "Niinyenda ngu obe gye kandi ogire amagara omu mubiri."

78 Nkikyo aho, aho honyini, egyo mifuregye. Iwe gikwate, ogiigure. Otafa kugiraba aha rubaju.

N'ahabw'ekyo Sitaane ku araabe naabaasa kurabira aho, akataahamu okurabira omu maraka g'omunda aga n'ebintu ebindi ebi byona, obwo naahikira kimwe ahansi hanu aha muheru gw'amagara, omu biteekateeko. Hati, kuri naabaasa kukukwatsa . . . Toribaasa-toribaasa kureeba kimwe aharibyo okuhitsya obu oraabanze waamwikiriza kutaahamu hanu. Nooteekwa kumwikiriza ngu ataahemu. Bwanyima yaaheza kutaahamu, naategyeka. Obwo naakora ki? Naatandika kukozesa eiraka ry'omunda. Naatandika kukozesa eki, atandika kukoresa orushekye orurikushohoza oru. Niki? Okureeba, okuroza, okuhuririra mu mubiri, okunuukiriza, okuhurira; ebiteekateeko, eiraka ry'omunda, okwijuka, okuhajaana, okukunda. Naatandika kukoresa emifuregye mikye egyo yoona etari emwe, obwire bwona yaaba naabaasa kutaahamu, ahaiguru y'ogu gumwe hanu. Naateekwa okubanza, yaataaha omu biteekateeko byawe, kandi noobanza waakiikiriza. Nikibaasa . . .

79 Hurikiza. Naabaasa kukuhondahonda munonga, kwonka tarikubaasa kukuhikaho okuhitsya obu oraamwikirize.

Sitaane ku yaagiire ahari Haawa, kandi akagira ati, "Noomanya, ekijuma nikishemeza." Haawa akeemerera kumara akaanya kakye. Oo, obwo nibwo yaakozire enshobe, obu yaayemerera okumara akaanya kakye.

Hatagira ekintu kyona ekyakwemereza. Oine Obutumwa. Yesu n'ohuriire. Ruhanga n'omutambi. Obwo nibwo Butumwa. Hatagira ekintu kyona ekyakwemereza, n'obu kwakuba okuhaajaana, n'obu kyakuba ekindi kintu kyona.

Kwonka Haawa akeemerera ahabw'akaanya kakye. Obwo nibwo Sitaane yaagyendeire kimwe akataaha omuri ebyo biteekateeko. Akagira ati, "Mbweni, nikihurikika nk'eky'oburyo." Oo, ekyo otakikora. Iwe kwata eki Ruhanga yaagambire kyonka.

80 Abrahamu, mbwenu shi kuri yaayemereire akaahaajaana, obu Yaamugambira ngu akaba naaza kuzaara omwana ahari Saara, kandi Saara yaabaire aine emyaka makumi mukaaga na itaano nawe aine makumi mushanju na itaano? Kandi ku yaahikize emyaka igana, nawe aine-na Saara akaba aine makumi mwenda; we, nabwo, a-a-akaatura ngu Ekigambo kya Ruhanga n'amazima. Kandi yaayeta ebintu ebyo, ebyabaire bitariho, nk'ebiraho. Mwareeba? Aka . . . Nangwa n'amatsiko, hakaba hariho amatsiko goona? Nangwa n'amatsiko taragakoreise.

"Mpaho," noogira oti, "nyine amatsiko ngu nimbaasa kuba gye. Nyine amatsiko ngu ninza kuba gye. Nyine amatsiko ngu niinyija kutunga Omwoyo Orikwnra. Nyine amatsiko ngu ndi Omukristaayo. Nyine amatsiko ngu ninkora eki." Ekyo torikuyetenga.

Abrahamu tarareebire nangwa n'ahari ekyo. Amiina. "Hataraho matsiko, nabwo akaguma naikiriza Ekigambo kya Ruhanga." Okwikiriza kurengire amatsiko. Okwikiriza kuruga enyima hanu, omunda. Okwikiriza kuruga hanu.

Sitaane ataahamu ata? Kurabira omu biteekateeko ebi, orwigi oru-oru, orunyiriri rw'omu maisho rw'orugamba ayemereire aho.

81 Hati, waaheza kwetebeekanisa kutenga orugamba! Hati, Sitaane ashutami ahari buri mutima, akasheeshe aka. Ashutami, aha mutima gw'omwishi muto ogu. Ashutami aha mitima yaanyu. Ashutami okwetooroora aho hoona. Naagira ati, "Oo, ndakureebire noogyezaho. Ekyo ndakihuriireho."

Munagye aheeru. Nikyo ekyo kyonka. Munagye aheeru. Baiburi ekagamba ki hanu, eishomo ryaitu? "Kumunaga aheeru." Ekyo kihikire. "Kumunaga aheeru."

82 Tuherize kutendekwa.

Nintekateeka, "N'enki ekishobire ahariitwe ababuurizi? Niinyebuuza omuringo ogu twatendekirwemu.

Ruhanga naatendeka ahabw'orugamba oru orukuru. Matayo 24 ekagamba aho, kandi na Danieli 12 nayo, ekagira eti, "Haryabaho obunaku bw'akabi, obutakabahoga omu nsi." Kandi tutwire omu bwire obwo, obu emicwe n'emitwarize, n'obwengese, n'ebintu, binigiire kimwe Ekigambo kya Ruhanga, reero twataaha omu kuhaajaana n'ebindi nk'ebyo. Orugamba nirurwanwa hati. N'oha oraayemerere ahamire? Haleluya! Orugamba rwetekatekire kutandika. Rutebeekanisiibwe hati.

83 Mureebe okuhakanisa kw'amaani okuri omu maisho gaitu seeri.

N'oha oraije kuba nka Daudi? Akagira ati, "Nimwemerera haza mureka ogwo Mufilistia otashazirwe kugaya amahe ga Ruhanga ohuriire? Ninja kugyenda murwanise." Amiina. Ruhanga naayenda abashaija n'abakazi akasheeshe aka abarikubaasa kwimuka haza bakagira bat, "Ninja kwikiriza eki Ekigambo kya Mukama kyagamba." Amiina. Tindikufayo n'obu haakuremwa oha, ahu eki na kiri, n'eki oriya yaakozire. Ekyo tikiine kakwate nakyo. Imwe ba Saulo 'mwe, n'abandi, ku muraabe nimumutiina, mugarukye enyima owaanyu. Kwonka eihe rya Ruhanga nirigyenda omu maisho, amiina; abashaija amamanzi, abantu b'o-b'o-b'okwikiriza, abantu b'amaani, abantu abarikwetegyereza. Tikirikubeetaagisa kurabuka. Tikirikubeetaagisa kwega. Nibateekwa kuba emifuregye. Ruhanga naayakiira emifuregye emikye egyo.

Akeemerera ahabw'akaanya kakye, kuhaajaana, naagira ati, "Mpaho, hati, ka tureebe."

84 Mpaho, nk'oku, mbwenu shi kuri . . .

Omukyara mukye ogu, akasheeshe aka, tihariho kubangaanisa ku dokita amugambiire, ngu nairira haihi n'omuheru gw'amagara ge, "Tihariho kintu kyona ekirikubaasa kukorwa." Mpaho, hati, ogwo ni dokita ogwo. Tindikumucwera rubanja. Omuntu ogwo n'omuntu wa sayansa. Naareeba ngu endwara esingwire omubiri gw'omwana ogu. Tekikira. Taine mubazi ogurikubaasa kugikiza.

Okwo nikwo egoo kookoro yaasingwire omukazi ogwo; buzima, rufu ekaba esingwire omwana ogwo; kwonka Kaputaini waitu Omukuru, haleluya, w'eithe eri ery'amaani, Niwe kuzooka n'Amagara. Tihariho kintu kyona ekirikubaasa Kumusingura. Haleluya!

85 Obwonko bw'eithe buri omuri baakaputaini baaryo, obwengye. Rommel, omuri Bugirmaani, akaba ari obwonko bwa Bugirmaani; ti Hittler. Rommel! Ekyo kihikire. Eisenhower! Abanyamahe! Patton! Abashaija abo abaabaire bari omu runyiriri rw'omumaisho rw'orugamba, kyegamiire muringo ki ogu baahairemu ekiragiro. Nookuratira kaputaini waawe, ku araabe ari genero ohikire. Ku araabe ahikire, ku araabe ari genero w'enyonoozi

ina, ku araabe ahamiibwe, ku araabe ahamiibwe ngu ahikire, omukuratire. N'obu kyakureebeka nk'ekitahikire, ahariiwe, gumizamu omu rugamba. Kora nk'oku yaakugambiire.

Haleluya!

86 Twine Genero w'enyonyyoozi itaano, orikugaitururwa (omu rungyereza) J-e-s-u-s (Y-e-s-u), naatutaho enyonyyoozi itaano, (omu rungyereza) f-a-i-t-h (o-k-w-i-k-i-r-i-z-a). Takasingurwaga omu rugamba na kakye. Haleluya! Akasingura rufu, okuzimu, n'ekituuro. Mwihe baadaimoni omu muhanda. Niwe Kaputaini Omukuru w'amaani. N'ahabw'ekyo, Sitaane tari n'omu kishushani.

87 Orugamba orurukukirayo orurarwainwe, rweteekateekire hati. Buzima, nikwo kiri. Oo! Haleluya!

Ku ndikukiteekateekaho! Ku naayemereire haza Nkamureeba naakora ebintu, Nkamureeba naashuuura ebintu, naigura ebintu, naagira ati, "Nikiija kuba kiti na kityo," nkikyo aho! Oo, okureeba enyima hanu, kandi okagira oti, "Kaputaini omukuru ogu n'oha?" Oo, ti nkaaranzya enyima kandi nkareeba yaaba ni Dokita Nanka na nanka. Nindieba eki Kaputaini yaagambire. Niwe Kaputaini w'okujunwa kwaitu. "Haleluya! Okujunwa niki? Okucungurwa! Ekitiinisa!" Niwe Kaputaini w'okucungurwa kwaitu."

88 Eshaaha nkuru y'okutenga orugamba yaahikire. Haleluya! Omuserukare, oine eby'okurwanisa nibimurinkana, ebendera nizeehuuba! Okwikiriza n'okubangaanisa nibyetebekanisiza kurwana, omuri tabirinaakuru egi, akasheeshe aka; okubangaanisa aha rubaju rumwe, okwikiriza aha rundi. Abaserukare, mwemerere omu mwanya gw'obujunaanizibwa bwanyu. Haleluya! Kaputaini waitu, Enyonyyoozi y'Obusheeshe, naayebembera. Takaagaruka enyima na kakye. Tamanya (na kakye) ekigambo kuhunga omuzigu. Tikirikumwetaagisa kuhunga omuzigu. Amiina. Buzima.

Orugamba orurukukirayo orurarwainwe, nirugyenda omumaisho omunda hanu hati, eego, sebo, rwagati y'amagara n'okufa, rwagati y'oburwaire n'okuba gye omu magara, ahagati y'okwikiriza n'okubangaanisa, oo, mugyenzi, rwagati y'obusingye n'obuhuuku. Orugamba nirugyenda omumaisho! Mutyaze amacumu gaanyu, baserukare 'mwe. Muboneze eby'okurwanisa.

89 Ruhanga naatebeekanisa abaserukare Be. Amiina. Ruhanga ashuka amajuta aha ihe Rye.

Amerika bajweka abaserukare baabo kurungi nk'oku barikubaasa kubajweka, enkofiira z'ekyoma, n'eb'y'okurwanisa, na byona ebi baine, zaatanka z'okurwanisa z'ebyoma, na byona ebi bagyenderamu.

Ruhanga ajweka eihe Rye. Haleluya! Ni by'okurwanisa bya muringo ki ebi tukozesa? Omwoyo wa Rurara, Ekigambo kya Ruhanga! Amiina! "Ekigambo kya Ruhanga kiine obwogi bwingi okukira rurara ey'amoogi abiri," Abaheburaayo 4, "nikicumita kihika ahu kitaanisiza eigufa, nangwa n'o-omushokooro gw'omu igufa, nangwa Kicaaka ebi omuntu arikuteekateeka n'ebi amaririire omu mutima gwe kukora." Ekigambo kya Ruhanga! Okwikiriza Ekigambo Kye, kandi okwo nikwo Ruhanga ajweka eby'okurwanisa.

90 Ekyo nikyo Yaahaire Haawa ngu ayekingize. Kwonka yaahenda eky'okurwanisa kye. Akakihenda ata? Ahabw'okwigura ebiteekateeko bye aha kuhaajaana. Torikuhaajaana n'Ekigambo kya Ruhanga. Tikiine kuhaajaana. Iwe . . . N'ekigambo kya Ruhanga kyonka. Tihariho-tihariho Kukibangaanisaho. Tihariho Okukihajaanaho. N'Ekigambo kya Ruhanga. Ekyo nikimara. Nikyo ekyo. Ekyo nikimara ebiro byona.

Nooreeba eki ndikumanyisa, mukundwa? [Ow'eishe-emwekazi orwaire yaagira ati, "Amiina." -Omur.] N'Ekigambo kya Ruhanga. Ruhanga akakiragaanisa. Ruhanga nikwo yaagambire.

91 Bakagambira Abrahamu bati, "Noomanya ota ngu nooza kuzaara omwana ogwo?"

"Ruhanga nikwo yaagambire." Ekyo kikamara.

"Mbwenu shi, ahabw'enki otakamuzaire?"

"Tindikumanya obu ndaamuzaare, kwonka ninza kumuzaara. Ruhanga nikwo yaagambire. Ekyo tikirikwija kunzibira na kakye." Akee- . . .

"Ahabw'enki otarikugaruka omuka yaawe, ei waarruga?"

"Ndi ow'okuba omushuhuuki kandi omugyenyi omu nsi egi." Amiina! . . . ? . . . "Ruhanga akaragaanisa. Ruhanga naija kumpa omwana omu nsi egi ei Yanyohereizemu."

92 Haleluya!

Ruhanga naija kukutambira omu mbeera egi ey'Omwoyo Orikwera, ahu Yaakwohereize. Amiina. Ruhanga naija kukikuha. Kiikirize kwonka. Amiina. Igura ezo nshekye z'amagara n'omubiri, ebihurikizo, n'eiraka ry'omunda, reero oikirize Ebigambo bya Ruhanga bibanze bitaahemu, bitware ebyo biteekateeko. Mpaho ah'okurwanira orugamba.

Kutari kugira oti, "Mbwenu, ku naakubaasa kukhiririra mu mubiri, ku naakubaasa kuhiririra mu mubiri

Ekitinisa kya Ruhanga nikishuumu! Oo! ”Ekyo tikiine kakwate nakyo; nangwa na busha.

Igura ebyo biteekateeko. Ogwo nigwo mwanya gw'orugamba. Aho niho orugamba rutengyerwa, hanu honyini omu rurunyiriri rw'omu maisho, ebiteekateeko byawe. Biigure, reero ogire oti, “Ni . . . Buri kubangaanisa, nimbangaanisa okubangaanisa kwangye.” Amiina. “Nimbangaanisa okubangaanisa kwangye hati. Niinyikiriza Ekigambo kya Ruhanga. Ndi aha, Sitaane!” Hariho ekirikuza kubaho. Buzima, nikiza kubaho. Eego, sebo.

93 Ashuka Omwoyo We aha baheereza Be. Aboohereza baamaraika. Ekyo abantu bakishekyerera, obumwe n'obumwe, “baamaraika.” Ka-ka ngire eki naabiikuura naimwe hanu, nk'edakiika emwe. Ka tubikuure hanu omu kitabo ky'Abaheburaayo, nk'edakiika emwe. Abaheburaayo eshuura ya 4, eshuura ya 4, kandi ka tu . . . Nimmanyisa, eshuura 1 y'ekitabo ky'Abaheburaayo, kandi ka tubikuure aha mushororongo gwa 14.

Baamaraika boona t'emyoyo erikuheereza, etumwa kuruga . . . etumwa kukora omurimo gw'okuhwera abarihungura okujunwa?

. . . n'oha omwe ahari baamaraika ou aragizire . . . iwe shutama aha rubaju rwangye rwa buryo . . . ?

. . . baamaraika boona aba Ruhanga . . .

94 Hati, hanu Baiburi neegarukira kimwe enyima kandi etugambira hanu, ngu Ruhanga atuma baamaraika. Ekitiinisa! Ni baahi? “Emyoyo erikuheereza.” Ekitiinisa! Emyoyo erikuheereza etumwa (nkahi?) kuruga Omu maisho ga Ruhanga. Kukora ki? Kuheereza Ekigambo Kye. Amiina! Ti b'okuheereza enyegyesa z'ekibiina ky'ekigombe ky'ediini, kureka kuheereza Ekigambo Kye. Nikyo ekyo. “Emyoyo erikuheereza, etumwa.”

Nitumanya tutu ngu batumirwe? Baiburi ekagira, ngu, “Ekigambo kya Mukama kikaba kiizira baanabi.” Ekyo kihikire? Baamaraika aba baheereza Ekigambo Kye, kurabira omu Mwoyo We; baheereza Ekigambo, kurabira omu Mwoyo Orikwera. Kandi Omwoyo n'Ekigambo bikaizira baanabi, kandi baanabi bakaba baine Ekigambo kya Ruhanga. Egyo niyo nshonga eyaababaasiise kukora eby'amahano ebi baakozire. Akaba atari muntu; akaba ari Omwoyo wa Ruhanga omu muntu. Omwoyo wa Kristo omu muntu, ahabw'Ekigambo kya Ruhanga. Akaba akozire ki? Akayonja buri mufuregye. Ruhanga akaba amutooraine, kandi akaba ashukirweho Omwoyo Orikwera. Kandi akaba atariwe. Akaba atakora kintu kyona okuhistya obu yaabaire akireeba omu kworekwa. Eliya akagira, aha Rushozi Karumeeli ati, “Ebi byona naabikora aha kuragiira Kwawe. Hati, Mukama, ka kimanywe k'Ori Ruhanga.” Oo, Ruhanga aheebwe ekitiinisa!

95 Nkireebire emirundi mingi munonga, waareeba Omwoyo wa Ruhanga naashuumu omu mwanya, kandi omwanya ogwo guba ahansi y'okushukwaho! Kuri ekibiina kikye eki omunda hanu akasheeshe aka, kyakubaasize kukwata ebiteekateeko ebi hanu kusha, kikaiha okubangaanisa kwona omu muhanda! Noobaasa ota kugaruka kubangaanisa, orikureeba abafu-abafu bazoirwe, ebirema nibigyenda, empumi nizireeba, ebifa matu nibihurira?

96 Maraika wa Mukama, nangwa n'ekishushani Kye kihanikire hanu aha kisiika, kitsigire sayansa eshobeurwe, buri hantu. Akora ki? Agumira kimwe n'Ekigambo. Amiina! Nikishara buri daimoni. Eego, nikishara. Niki? “Emyoyo erikuheereza, etumwa kuruga Omu maisho ga Ruhanga,” kushuka amajuta aha bagambi b'Ekigambo, abaguma n'Ekigambo. Kandi Ahamya Ekigambo ekyo n'obumanyiso oburukukikomookaho, kireeta Yesu kuba otahinduka oku abaire ari nyomwebazyo, n'eriizooba nikwo ari, kandi nikwo ariguma ebiro byona. Ngugwo aho.

Tukaabaasa tutu kubangaanisa, kunu We omu bya sayansa, omu bintu eby'obutoosha, omu by'omwoyo, buri muringo ogurikubaasa kuhamibwa, Aguhamize hanu?

N'enki ekishobire? Kiri omu biteekateeko byaitu. Nitwigura ebiteekateeko byaitu aha kintu, tugira tuti, “Mbwenu, hati, tindikumanya yaaba kyakubaasa kubaho nari kutabaho. Obundi, ku ndaayehurire gye nyencakare.” Oo, ekyo tikiine kakwate nakyo.

97 Nk'oku nkira kugamba, Abrahamu naabaasa kuba yaagambiire Saara . . . Akaba yaahingwire emyaka y'o- okuba omukazi. Niumanya eki ndikumanyisa; n'obwire bw'amagara, ebiro bye makumi abiri na munaana. Mwareeba, akaba aine emyaka makumi mukaaga na itaano y'obukuru. Obundi akaba yaakirengire, okumara emyaka ikumi na itaano, makumi abiri. Reero Abrahamu yaamugambira, shana, ebiro bikye ebyakuratsireho, yaagira ati, “Nooyehuriramu entaaniso yoona, mukundwa?”

“Tihariho ntaaniso yoona.”

“Ekyo tikiine kakwate nakyo. Nitugumizamu kugyenda omu maisho, n'obu kiraabe. Mbwenu, hati, ku oraatandikye kuba o-omukazi muto omurundi ogundi, nitumanya, kurabira omuri egoo shagama y'amagara, mpaho, obwo, nitushanga aho ngu nikiza kushweka omwerefere, reero buri kintu nikija kuba gye. Hati, nooyehuriramu entaaniso yoona eriizooba? Okwezi kuhweire kwiha obu Yandagaanisa. Nooyehuriramu entaaniso yoona, mukundwa?”

“Tihariho n'emwe, Abrahamu. Tihariho kamanyiso, nangwa na busha. Hati nki-nkiri nk'oku ntwi-ntwire okumara emyaka mikye ehangwire. Tihariho ntaaniso yoona na kakye.”

“Ruhanga aheebwe ekitiinisa! Ninza kumutunga, n'obu kiraabe.”

98 "Noomanyisa, Abrahamu, ahari . . . Reeba, ku Araabe yaakuraganiise, buzima Akaabaire naatuhu akamanyiso omuringo ogu. Buzima Akaabaire naatuhu akamanyiso." Aa! Haleluya!

"Abantu b'obusingye obutaine maani obw'obushambani basherura obumanyiso." Ekyo kihikire. Akaba aine akamanyiso. Kakaba kari ki? Ekigambo kya Ruhanga. Nikyo kyabaire kiri akamanyiso.

Ruhanga akaabaasize ata kutambira omwana ogu? Ekigambo kya Ruhanga nikwo kyagizire; ku ndaayehuriremu okukyamukirira, nari kutakyamukirira. Ku nda . . . N'obu haakubaho ki, Ruhanga nikwo yaagambire. Ekyo nikimara.

99 Abrahamu akagira ati, "Murundaane hamwe enkofiira zaanyu na buri kintu, nituza omu nsi egoy."

"Nimuza hi?"

"Tindikumanya." Amiina. "Kwonka, nitugyenda, n'obu kiraabe. Mutyo tuggyende!" Baakoma kandi baagyenda. Haleluya! Ekyo nikyo Kigambo kya Ruhanga kyonyini. Eki yaabaire ayebebeize niki? Okuragaanisa kwa Ruhanga, Ekigambo kya Ruhanga." Nituza kumutunga."

100 "Ruga omu bantu baawe, Abrahamu. Bo ni, ekintu kyonyini kiri ngu, n'abarikubangaanisa kandi n'abatarikwikiriza. Nibaija kukuta omu kubangaanisa kwabo okwo. Rugayo. Yetaanise, reero Nyowe mbe ekirikukirayo obukuru omu magara gaawe." Niki? "Tsiga amaraka g'omunda gaawe goona n'ebihurikizo enyima yaawe, batyo. Igura ebiteekateeko byawe, kandi oijukye, Niinye. Ija, otuure Naanye." Amiina.

Ruhanga naayeta buri Ruzaaro rwa Abrahamu, akasheeshe aka, kuhika aha magara ago g'omuringo nigwo gumwe. Orugamba rw'amaani nirurwanwa, hati, omu nsi yoona. Ruhanga naayenda abaana Be kwetaanisa kuruga ahari ki? Okureeba, okuroza, okuhuririra mu mubiri, okunuukiriza, okuhurira; ebiteekateeko, eiraka ry'omunda, okwijuka, okuhaajaana, okukunda; buri kintu. Baigure ebiteekateeko byabo kandi baikirize Ekigambo kitaahemu, reero batambure n'Ekigambo. Ogwo n'omuserukare ohikire.

101 Okwo nikwo enyonyoozi zeemerera. Eizooba na byona ebirikuryetooroora tibakahindukire; zodiaka. Enyonyoozi y'omu kasheeshe neeturuka kukora omurimo gwayo, buri kasheeshe, omuringo nigwo gumwe nk'oku yaakozire obu ensi yaahangwa. Enyonyoozi y'omu mwebazyo eza omu mwanya gwayo; buri nyonyoozi. Ekibiina ky'enyonyoozi ekikye, kandi omu bwire bwazo bwonyini, niziba buzima ziri ahu zishemereire kuba ziri. Enyonyoozi y'obukiizi-bwa-bumoshlo eyemerera ehamire kandi terugaho na kakye. Haleluya! Zonna zeetooroora Enyonyoozi y'obukiizi-bwa-bumoshlo, zonna ezaatsigara, ahabw'okuba eri ahagati y'ensi honyini.

Ogwo ni Kristo. Amiina.

102 Ayemerera aho, aragiira eihe Rye nka Kaputaini omukuru.

Nka Musa aha rushozi aimukize emikono ye, kandi Israeli ekaba neerwana, nibaataguza kwogamu, reero yaayemerera aimukize emikono ye. Akaguma aimukize emikono ye okuhitsya obu eizooba ryarengire. Bakaba nibateekwa kukwatira emikono ye ahaiguru. Ogwo akaba ari Musa.

Akaba naashushanisa Kristo. Okuhamya ngu emikono Ye yaaguma ahaiguru, emikono Ye ekateerwa emisomaari aha musharaba. Haleluya! Kandi Akatemba ekisiika ky'orurembo rw'Ekitiinisa, eriizooba, n'ebijwaro Bye ebijjwireho Eshagama omu maisho ga Ruhanga, aha mukono gwa buryo gw'Obukuru Bwe Okwo. Kandi orugamba, ahari buri muserukare, naija k wataguza ayogyemu. Tindikufayo ekiraabeho; ahabw'Ekigambo kya Ruhanga, naija k wataguza atungye obusingye. Amiina.

103 Nk'akaana k'enkoko omu ihuri, mbwenu shi ku kaakuba nikatiina kuringuriza? Mbwenu shi ku kaakuba nikatiina kufumura eihuri? Mbwenu shi akaana k'enkoko kato akari omu ihuri, akanyonyi kato, ku kaakutiina kufumura ekishushu ky'eihuri? Mbwenu shi ku kaakubaire kahuriire eiraka aheeru, nirigira riti, "Otafumura ekyo kishushu, noobaasa kwehutaaza"? Kwonka obuhangwa bwo bwonka, omu kanyonyi, nibukagambira buti, "Kishonde! Kifumuremu akaina."

K'ebibiina by'amadiini ebya ira byona bigire biti, "Ebiro by'ebi'amahano bikahwaho. Nooza kwekora kubi. Waaza kurengyesereza omu by'ediini."

Hondahonda munonga aha kishushu, n'amaani nk'oku orikubaasa. Haleluya! "Sitaane, gyenda! Ninshohora ninduga omunda hanu." Nikyo ekyo. "Tinkigaruka kubyama hanu, bundi. Tinkigaruka kushutama hanu, bundi. Tinkigaruka omu mwanya ogu gwa Sitaane ogwa ira bundi. Nimpondahonda kutunga omuhanda gw'okushohoreramu, akasheeshe aka. Amiina. Ndi empungu." Amiina! Haleluya!

104 Kwonka ako kaana kakye k'empungu kakuru, n'ebyo bitsya by'enyundo y'amaani enyima okwo, nikahondahonda aha kishushu ekyo. N'obu ekishushu ekyo kyabare kigumire kita, kakahondahonda kaakirugamu. Eky'okubanza noomanya, obwo, kakaba nikabaasa kujanjamura amapapa gaako kakyeho. Kakaba kari gye.

Fumura omuhanda oshohore. Ekyo kihikire. Nookikora ota? Kukibarura na, "OKU NIKWO MUKAMA ARIKUGIRA. OKU NIKWO MUKAMA ARIKUGIRA. OKU NIKWO MUKAMA ARIKUGIRA." Aha muheru,

nootandika kunuukiriza omwoya musya. "OKU NIKWO MUKAMA ARIKUGIRA." Omutwe gwawe waagushohoize aheeru. "OKU NIKWO MUKAMA ARIKUGIRA." Tsindika n'amaani hati, oriyo nooshohora!

Tagaruka omu kishushu omurundi ogundi. Amiina. Arekwirwe. Oo, mugyenzi! Ekigambo ekyo kyaheza kutebeekana omunda, kurabira omu bihurikizo ebyo byona n'amaraka g'omunda n'ebindi, kikahika aha kutebeekanira hanu, obwo ebyo biteekateeko nibiigura kandi Bikiha omuhanda. Ai Ruhanga, tugirire embabazi! Tihariho ekintu kyona ekirikubaasa kukita omu buhuuku omurundi ogundi. Orekwirwe. Ogwo ou Omwana ahindwire ow'obusingye ari aheeru y'ekishushu.

105 Ekigombe kyawe ky'ediini tikirikubaasa kukweta kugarukayo na kakye. Sitaane tarikubaasa kukora ekindi kintu kyona ahariiwe. Naabaasa kuhoorera nk'encwera n'okumoka, obwo.

Kwonka ori omu Muhandu rugyendwa, noiruka embiro z'ahaiguru, oo, mugyenzi, noiruka omu Muhandu rugyendwa gw'Omugabe, omuserukare oshukirweho amajuta w'omusharaba. Kandi imwe mwena abaine okwikiriza, niimwe empungu, murangirire Yesu, Omushana gw'ensi, mwirukye omu Muhandu rugyendwa gw'Omugabe.

106 Buzima. Eego, sebo!

Aba ni "Emyoyo erikuheereza," etumwa kuruga Omu maisho ga Ruhanga, kuba abaheereza, kuheereza (ki?) Ekigambo Kye; ti nyegyesa y'ediini, kureka Ekigambo kya Ruhanga. Bo n'emyoyo erikuheereza, etumwa kuruga ahari Ruhanga, kuheereza. Emyoyo erikuheereza! Oo! Kandi, mwijukye, ku eraaheereze ekintu ekihindukire aha Kigambo, terarugire ahari Ruhanga. Habw'okuba, "Burijo Ekigambo Kyawe kihamire omu Iguru." Burijo, omu Iguru, Ekigambo, Ruhanga Akitaho abiri. Kandi tarituma omwoyo kuheereza ekintu ekitari Kigambo.

Tarituma omwoyo ogwine diguri z'amaani za D.D.D., Ph.D., n'ekitogi kye kihinduriize enyima, na byona bityo, ati, "Mpaho, n'ekya buzima, ebiro by'ebi'amahano bikahwaho. Ekyo twena nitukimanya." Ngaaha, ngaaha. Ogwo tigurarugire ahari Ruhanga. Niguhakanisa Ekigambo. Amiina.

Atuma abo abarikuheereza Omwoyo w'Ekigambo. Amiina.

Oo, naaba nyine ebintu bina nari bitaano ebindi, kwonka naaza kubireka bihingure obwire obu, ndyakigumizamu Sande erikukurataho. Ni kirungi.

107 Sitaane na baadaimoni be bashukirweho amajuta.

Emyoyo egi ya baamaraika ku eraabe eshukirweho amajuta kukureetera Ekigambo, kutuma waikiriza Ekigambo, hati noobaasa kureeba ahu orahuriire nabi, nabi wa Ruhanga w'amazima, naahakanisa Ekigambo kya Ruhanga? [Abateeraine baagira bati, "Ngaaha." -Omur.] Ngaaha, sebo. N'enki ekyabaireho obu ebibiina by'amadiini by'ebiro byabo byaimukire kandi bikagira ngu, "Hati, agwire"? Akeerwanaho, kandi yaayemerera wenka. Yaagira ati, "Kihikire."

108 Reeba Mikaaya eifo okwo eryo izooba, orikwera orikwekuringa ahansi mukye, mwareeba, mutabani wa Imula. Hakaba hariho magana ana abashukirweho amajuta, abashemereire kuba, baanabi abashukirweho amajuta beemereire aho, boona bariisiibwe gye, kandi batebeekanisiibwe, na zaadiguri z'amaani, kandi beegire munonga kandi abeegi abakugu. Akagira ati, "Inamukayo, omugabe waitu omwesigwa. Mukama abe naiwe. Eyo n'eyaitu. Yoshua akagituhu. N'ahabw'ekyo inamukayo kandi ogikubuure. Ekyo buzima kihikire. Inamukayo ogikubuure. Niki . . ." Yaagira ati, "Mbwenu, Yosh- . . ."

Nimumanya, Yehoshafaati akagira ati, "Tihariyo ondijjo, ahandi hantu?" Mpaho, bakaba baine magana ana. Ahabw'enki ataraikiriize abo magana ana? Akagira ati, "Kwonka, buzima oine ondijjo, ahantu nanka."

Yaagira ati, "Ni-ni . . . Mpaho, twine omwe. Hariyo ondijjo omwe, kwonka, oo, nimwanga." Aa! Mwareeba?

"Aho-aho, ogwo niwe muntu ou naakubaire niinyenda kuhurikiza, mwareeba." Yaagira ati, "Mureete. Katureebe eki arikuza kugamba!"

109 N'ahabw'ekyo bakagyenda kandi baamugambira, baagira bati, "Hati, hurikiza. Otebeekanise eishomo ryawe kurungi, akasheeshe aka, 'habw'okuba noiija kubuurira omugabe. Noija kubuurira o . . . e-ekibiina ky'abaheereza boona kya nanka na nanka, nimureeba, kya Palesitaini. Ekibiina ky'abaheereza kyona, hati, ojukye, nkiki hanu eki bagambire. Naiwe obe nikyo waagamba. Oikirize ekintu nikyo kimwe." Ogwo mukye . . .

Aho a-akabugana omuntu w'omutaano. Ogwo muntu akaba yaarugire aha kuhaajaana oku okwa ira. Akaba yaaboneize enshekye, mwareeba, eiraka rye ry'omunda.

"Kandi, mpaho, ahabw'enki, noomanya eki barikwija kukora? Ku oraagambe ekintu nikyo kimwe, ningira ngu nibaija kukuhindura omunyadiini mukuru w'ekyanga. Obundi nikwo baraakore. Nibaija-nibaija kukuhindura omureeberezi w'ekyanga ky'omu mwanya ogu gwona hanu, ku ora-oraikirizane nabo." Ogwo akaba atari muntu wa Ruhanga w'amazima.

Ahabw'enki, enshekye ze zikaba zaaboneziibwe, eiraka rye ry'omunda ryona na buri kintu kishemeire.

Ebiteekateeko bye bikaba biigwirwe aha Kigambo kya Ruhanga. Kandi Ekigambo kya Ruhanga, kyonka, nikyo yaabaire naaza kwikiriza. Egyo n'emyoyo erikuheereza. Ogwo n'omwoyo ogurikuheereza.

Akagira ati, "Tindikumanya eky'okugamba hati. Kwonka, ninza kukugambira ekintu eki kimwe, ninza kugamba eki Ruhanga arangambire kugamba kyonka."

N'ahabw'ekyo ekyo kiro bakategyereza. Yaatunga okworekwa.

110 Akasheeshe akaakuratsireho, nimbaasa kuteekateeka Mikaaya naareeba omu Byahandiikirwe reero naagira ati, "Hati, ka tureebe hati. Okworekwa okwo ni . . . Hati, abashaija abo boona, hariho ekintu ekitahikire ahantu nanka hanu, 'habw'okuba Kihindukire aha ki baagambire. Mpaho, Kikagamba ki? Ka tureebe eki Eliya yaagambire enyima hanu, nabi, 'habw'okuba nitumanya ngu akaba ari nabi. Nimureeba eki . . . Ekigambo kya Mukama kikaizira Eliya. Yee. Kandi kikagamba ki? 'Kandi embwa ziryakomba eshagama yaawe. Yezebeeli, embwa ziryamurya. Kandi 'habw'okuba Ahabu ohikiriire . . . Nabosi ohikiriire.' Akagamba obwo . . . Ku yaareebire ekyo, yaareeba ngu okworekwa kwe kukaba kuterereire n'Ekigambo kya Ruhanga, bwanyima, Ahabu omugurusi ogwo akagwerwa.

Akagyenda yaahika aho, yaagira ati, "Irooko, kwonka ndeebire Isreali . . ." Mwareeba, akaba ataine nshoni kugamba okworekwa kwe obwo, 'habw'okuba kikaba kiri Ekigambo kya Mukama. Akamanya ngu akaba naabaasa kutwara ekintu ekyo gye munonga. Enki? Akaba aigwire omutima gwe, ebiteekateeko bye, aha Kigambo kya Ruhanga, kandi Ekigambo kya Ruhanga kikaba kimushuururiirwe, n'ahabw'ekyo akamanya ngu ekyo kikaba kiri Ekigambo kya Ruhanga ekihikire.

111 Hati, noogira oti, "Oo, kuri nimbaasa kuba Mikaaya kwonka!" Noobaasa kuba we. Oriwe. Oriwe, naiwe, mukundwa. [Ow'eishe-emwe Branham yaagaruka yaagambira ow'eishe-emwekaza orwaire -Omur.] Ori Mikaaya, nabi. Okaakora ki? Igura ebiteekateeko byawe. Niingyezeho kukugambira ki akasheeshe aka? Ekigambo kya Mukama. Mwareeba? Igura ebiteekateeko byawe, ogire oti, "Hati, noomanya, niinyikiriza ngu nimbaasa kukira." Mbwenu, Niki, obwo? N'Ekigambo kya Mukama? Buzima, N'Ekigambo kya Mukama.

Kandi omuntu ogu hanu naagira ngu, "Ebiro by'ebi'amahano bikahwaho. Torikubaasa kukora eki. Kandi n'o . ." Kyebwe. Ka Ruhanga abe ow'okubanza.

Nkiki hanu Ekigambo kya Mukama kyaija, kandi Yaakigamba, kandi kyaba nikwo kyaba.

112 Hati, Sitaane akakora ki? Sitaane akashuka amajuta aha bandi bari. Hati, Sitaane naashuka amajuta aha baheereza be. Oo, buzima. Ahaa. Buzima. Ashuka amajuta aha baheereza be. Naabashukaho majuta ki? N'okutaikiriza. Sitaane na baadaimoni be bashuka amajuta aha bantu kugira ngu bataikiriza Ekigambo kya Ruhanga.

Hati, ku oraabe nooyenda kuhamya ekyo, biikuura omu kitabo ky'Okutandika 3:4. Ka tubiikuure enyima okwo reero tuhurikize eki, nk'edakiika emwe, haza tureebe yaaba ako katari kakoryo ke k'okubanza. Ekyo nikyo kintu ky'okubanza eki yaakozire. Takarekaga bukoryo bwe obwo. Abukora obwire bwona. Hati, reeba yaaba ekyo-ekyo yaaba ekyo kiri kyo. Hati, tarahakaniise Ekigambo. Akareetera Haawa nk'Okukyetegyereza kubi kakyeho, noomanya, nk'okutuma Kyahurirwa omu muringo ogu yaabaire naayenda ngu Kihurirwemu, otatwara Ekigambo kyona.

113 Hati, ekitabo ky'Okutandika, nyine hanu, ekitabo ky'Okutandika 3:4. Ka tureebe yaabo ekyo nikyo kyagambire hati. Ni kurungi.

(Kandi) enjoja yaagambira omukazi eti: Okufa kwo, buzima timurifa;

"Buzima timurifa." Nimureeba oku yaakijuriize okundi? "Oo, nitwikiriza ngu ebiro by'ebi'amahano bikahwaho. Titurikwikiriza ngu hariho ekintu nk'ekyo ky'abantu kuheebwa Omwoyo Orikwera nk'oku baakozire ahari Pentekoote. Oo, omuringo gwona ogu oraabatizibwemu, tikirikureetaho ntaaniso yoona." Nooreeba Sitaane? Nimureeba obukoryo bwe? "Mpaho, dokita ku araabe yaakugambiire ngu torikubaasa kukira, ekyo nikimara."

114 Hati, tikushiisha eiziina, okutaikiriza dokita. Dokita naakorera omu muhanda gwa sayansa. Kandi dokita akozire kyona eki arikubaasa, okujuna amagara g'omuntu. Kandi tigarikubaasa kukira, ahabw'okuba tihariho ekindi kintu kyona eki arikumanya ngu akore. Yaahika aha muheru gw'obwengye bwe. Omuntu ogwo n'omwesigwa. Kwonka, hati, omuti gw'okumanya ni murungi, kwonka ku oraahikye aha muheru gwagwo, obwo ogugurukyeho oze aha Muti gw'Amagara reero ogumizemu noogyenda. Amiina. Nikyo ekyo. Nigwija kukora gugire ahi gwagarukira. Yee.

Hati, akakoryo ka Sitaane nikakora ki hati? Akagamba ki hanu? Hati reeba omushororongo gwa 1 n'o-ogwa 2. Hati ka-ka nshome omushororongo 1 hanu, okuhitsya aha gwa 3.

(Hati) enjoja ekaba eri enyabwengye okukira enyamaishwa zoona, zoona ezi MUKAMA Ruhanga yaahangire. Yaabuuza omukazi eti: N'eky'amazima, Ruhanga akagira ngu mutariryia . . . muti gwona ogw'omuri eki kibanja?

115 Muhurikize hati, oku arikweyongyora kuba mubi, kandi n'oku-n'oku arikusiiga einoni Ekigambo ekyo. Mwareeba? Na . . . Naagyezaho kukora ki? Kutaaha omu biteekateeko bye. Mwareeba? Ariyo naamugambira, ahanyima y'Ekigambo kumuteeraho oburinzi.

Hati, otaikiriza Sitaane akataho oburinzi aha kintu kyona. Mwareeba? Iwe orekye Ekigambo kya Ruhanga kigume kitaireho oburinzi omu mutima gwawe. Mwareeba? Kora ekintu ni kyo kimwe. Hati mureebe, imwe ba Mikaaya 'mwe.

. . . omukazi yaagarukamu enjoja ati: Nitwikirizibwa kurya ebijuma by'emiti y'omu kibanja, kureka e . . .

Kureka ebijuma by'omuti oguri ahagati (ahagati, mwareeba) y'ekibanja; nibyo Ruhanga . . . yaagizire ati: mutabiryia, n'obu kwakuba okubikoraho, mutakaafa.

Mwareeba, hati, ekyo n'Ekigambo. Haawa ariyo Naagigambira Naakijuriza. Hati mureebe.

(Kandi) enjoja yaagambira omukazi eti: Okufa kwo, buzima timurifa;

116 Mwareeba akakoryo kaayo? Mwareeba? Neegyezaho kukora ki? Ogwo muntu w'okubanza, neegyezaho kushuka amajuta aha mukazi ogwo omukundwa aho, muhara wa Ruhanga, n'okutaikiriza omu Kigambo kya Ruhanga. Ekyo buzima nikyo ariyo naagyezaho kumuhitsyaho ngu akora.

Ekyo nikyo arikugyezaho kukuhitsyaho ngu okore, mukundwa. [Ow'eishe-emwe Branham yaagaruka yaagamba n'ow'eishe-emwekazi omurwaire -Omur.] Ekyo nikyo agyezaho kubahitsyaho buri omwe omuriimwe ngu mukore, ebiso okwo, kubashukaho amajuta. Kandi ekintu kyonka eki orikubaasa kukora hati . . . Oine obugabe bw'okwecweramu. Hati noobaasa kukiikiriza ku oraabe nooyenda kukiikiriza. Kwonka kishambe okishohoze. Kuri Haawa atareemereireho omwanya mukye ogwo, kuhurikiza! Oteemerera ahabw'ekintu kyona. Oteemerera.

117 Eliya ku-ku yaagambiire Gehazi, akagira ati, "Twara enkoni yangye, ogyende ogirambikye aha mwana ofire. Kandi omuntu weena ku araakugambise, otamugarukamu. Omuntu weena ku araagyezeho kukwemereza, iwe ogumizemu noogyenda."

Reeba omukazi oriya obu yaayeta omuheereza we. Akagira ati, "Tandiika enyumbu reero ogyende ombandizeyo, kandi nangwa oteemerera kuhitsya obu ndaakugambire." Nikyo ekyo.

Waaba oine Obutumwa, gumizamu noogyeda. Amiina. Ogire oti, "Tindikubaasa kugaruka kutambura. Ngaaha, ndiyo nimpwa amaani." Gumizamu noogyenda. Oteemerera. Noota aha rubaju buri kintu, gumizamu nooyataguza. Ow'eishe-emwe, oine Rurara omu mukono gwawe, gumizamu nootematemata.

118 Nkaza omu kishaayi ky'omupiira, rimwe, kandi nkaba ninza kubuurira. Reero naayemerera aha muryango kandi naaranzya ahaiguru, ahaiguru aho. Hakaba hahandiikirweho ngu, "Ekikuru ti buhang bw'embwa omu kurwana. Kureka n'okushamba kw'embwa." N'ahabw'ekyo nikyo kisingura orugamba. Mwareeba?

Noogira oti, "Mpaho, reeba. Reeba amakanisa makuru goona nigahakanisa Eki."

Tindikufayo obuhango bwabo. N'okushamba kw'embwa, ekyo nikyo kikuru. N'okwikiriza okuri omu muntu. Ku oraabe ori omunyabwoba, garuka enyima omu mwina oyefumbate. Kwonka, ow'eishe-emwe, ku oraabe ori omuserukare, yemerera aheeru aho. Hariho orugamba orurikugyenda omu maisho. Amazima n'ekishuba nibirwana. Ka turwane.

119 N'oku Peter Cartwright, yaataahire omu rurembo rumwe, yaagira ati, "Mukama angambiire o-okwija hanu kandi ngu ntandikyeho okusisiimuka." Akapangisa ekishengye ky'esitooha ekikuzire, yaatahamu reero yaatandika kukiyonja.

Reero endahuzi mpango y'omu tauni, basitoola neereereetera aha rubaju rwe, yaashuumma. Yaakwata aha muryango . . . Bamwe omuribo, baagira bati, "Omushaija oriya naakora ki eifo kuri?"

Baagira bati, "N'omubuurizi. Yaagizire ngu, naaza kugiraho oruteerane."

"Mbwenu," endahuzi yaagira eti, "ningira ngu ninza kushuumayo reero munagye aheeru omu nguuto y'omu rurembo, kandi mubingye arugye hanu. Nikyo ekyo kyonka. Titurikwenda enteerane zonna owaitu."

120 N'ahabw'ekyo yaashuumayo, yaateera emitsindo aha muryango. Kandi Peter Cartwright akaba ajwaire ekooti ye, noomanya, kandi akaba naayozya amadirisa n'ebisiika. Omushaija mukye munonga, noomanya.

Omubuurizi omugurusi yaamushekyerera, noomanya, ahabw'okurya enkoko n'engaro ze; niyo mitwarize mirungi y'eriigyenda, noomanya.

N'ahabw'ekyo akaba naayozya amadirisa kandi naaboneza aho hoona. Egyo ndahuzi mpango yaaribata yaahika ah'ari, yaakurura ekooti ye yaagigarura enyima, basitoola neereereeta aha rubaju rwe, yaagira ati, "Nookora ki?"

"Oo," yaagira ati, "niinyozya amadirisa." Kandi yaagumizamu naayozya edirisa, noomanya. Akaba aine

ekigyendererwa kimwe. Ruhanga akamugambira kugyenda akatandika okusisiimuka. Yaagumizamu, naayozya amadirisa.

121 Yaagira ati, "Titurikwikiriza okusisiimuka hanu."

Yaagira ati, "Oo, kwonka Mukama angambiire ku-kutandika okusisiimuka oku." Mwareeba? Yaagumizamu atyo, aha murimo gwe. Mwareeba? Mwareeba?

"Mpaho," endahuzi yaagira eti, "hariho ekintu kimwe eki ori-orikuteekwa kumanya." Yaagira ati, "Nintegyeka etauni egi yoona hanu.

Yaagira ati, "Oo, niiwe orikugitegyeka?" Kandi yaagumizamu naayozya amadirisa, noomanya.

Onu ati, "Otakatandikire okusisiimuka, nooteekwa kubanza wanteera."

Yaagira ati, "Oo, ninteeekwa kubanza nkuteere? Mbwenu, n'ahabw'ekyo ekyo nikyo naaza kukora."

Yaajuura ekooti ye. Yaagyenda yaamuhikaho, reero yaamukwata ekitogi, yaamuteera yaagwa ahansi aha itaka, bwanyima yaaguruka yaamushutamaho. Yaagira ati, "Ninteeekwa kurwana, ku ndaabe nshemerereire kutegyeka. Nyongyera obumanzi, Mukama." Yaamuhonda yaamumara amaryo.

Yaagira ati, "Waamarwa?"

Onu ati, "Eego." Yaimuka kandi yaamukwata omu ngaro. Akajunwa ekiro ekyo, omu kanisa.

Nikyo ekyo. Mwareeba?

122 Ni, kwata Ekigambo kya Ruhanga reero oyataguze orabe omu kubangaanisa kwona. Mwakireeba? Buzima, nikyo ekyo. Ogwo nigwo murimo ogurikukurataho, ka tugukore. Kihikire. Ekindi kintu eki nshemerereire kukora n'okuruga omu kubangaanisa kwangye, nkakutema nkakwihihaho. Ogwo nigwo murimo gwangye ogundi, n'okwihihaho okujabiirira kwangye kwona. Ebihurikizo byangye ku birangambire biti, "Mbwenu, nooshaasha," ekindi kintu eki ndaakore n'okutema ekintu ekyo nkakihaho. Ekyo kihikire.

Noogira oti, "Mpaho, no . . . Nibangambira ngu . . . Noomanya, eiraka ryangye ry'omunda niringambira, Ow'eishe-emwe Branham, ngu ni . . ." Mpaho, haakiri ekintu ekyo okiteme okiheho. Torikuza kuhika hare kurenga aho. Kora omurimo gwawe ogwo ogundi kwonka. Juura ekooti yaawe reero okorere kimwe ogwo omurimo. Gumizamu noogyenda. Ekyigyendererwa kimwe, "Ninza kusingura." Amiina. "Tindikubaasa kuremwa. Ninja kusingura." Amiina.

123 Sitaane ashukaho amajuta. Mwareeba? Akakoryo ke k'okubanza ni kaahi? Omwanya ogu yaabandize kuhikaho gukaba guri guuha? Ebiteekateeko. Omukazi akeemereraho ahabw'akaanya kakye, kuhurikiza ebi yaagambire. "Oo, nikwo waagamba?"

Aho niho abakazi bakye baingi bakoreire enshobe zaabo, n'abashaija bakye baingi bakoreire enshobe zaabo; kihikire, kwemerera kumara akaire kakye, kwemerereho ahabw'akaanya kakye kusha.

124 N'emirundi engahi ei ndeebire emishango y'okushenda n'ebindi nibiimuka, ahari ekyo.

"Mpaho, ninkugambira, Ow'eishe-emwe Branham, akacuriza nka 'hwiti-hwu,' noomanya, reero naayemerera, kandi, kuba ow'amazima, nka-nkaba ntarikwenda kukikora." Ahaa. Nikyo ekyo.

"Oo, uwe, mbaire nshutami aha rubaju ruri rw'emeesa kuruga aha mwishiki. Ogwo mwishiki a-abaire aine amaisho agarikukirayo oburungi!" Mwareeba? Ahaa. Mwakireeba? Nikyo ekyo.

Sitaane akora ekintu nikyo kimwe.

125 "Oo, dokita akangambira ngu tindikubaasa kukira, n'ahabw'ekyo ni . . ." Nikyo ekyo, ekintu nikyo kimwe, mwareeba, orugamba orurukukirayo orurarwainwe.

"Mpaho, nibangambira. Nkareeba Nanka na nanka naayegamba kugira Omwoyo Orikwera." Yee, okareeba endyarya nkuru. Kandi shi abo abaabaire Bamwine buzima? Ahaa. Yee. Sitaane naija kukworeka ekikoona kikuru ky'endyarya, kwonka tarikwija kukworeka enkombe yonyini. Ahaa. Ekyo kihikire. Ekyo tarikwija kukworeka, kandi naija kukuhumya kugira ngu otaija kukireeba.

Oo, n'omurwani, nawe, ijuka. Kwonka owaitu ni mukuru . . . "Ori omuriwe ni mukuru, kukira ogwo ori omu nsi." Kwonka ramatira aha Kigambo kya Ruhanga; Kiikirize, imwe baakaputaini b'eih abari hanu. Gumya ekigo ky'amahe kyawé, ow'eishe-emwe. Ekyo kihikire, hamira ha bujunaanizibwa bwawe.

126 N'ahabw'ekyo, nkaba nyine omuhara muto hanu, rimwe. Omukazi ogwo naabaasa kuba ashutami hanu hati. Eiziina rye akaba ari Nellie Sanders. Omwe ahari abo ab'obwire bw'okubanza obu ndareebire daimoni naabingwa. Tukuba tutwire, hati, ku naakubaasa kwijuka omwanya ogwo; kandi ni nk'ebiyombeko bishatu aharuguru hanu, kuhingura aha irimbo. Kandi niho naabaire mpindukire omubuurizi, kandi nkaba nimbuurira hanu honyini aha

keekuubo aha, nyine oruteerane rw'omu ihema.

Kandi omwishiki muto ogwo akaba ari omwe aha bazini ba disiko abarikukirayo oburungi. Akashomera omuri haaya eifo hanu, we na Lee Horn. Kandi baingi omuriimwe hanu omu tauni nimumanya Lee Horn ahaifo hanu, aine ekishengye ky'okuzaaniram puulu. N'ahabw'ekyo bo, Nellie na Lee Horn, bakaba bari abazini abarikukirayo oburungi abaabaire bariho omu ihanga. Lee Horn n'Omukatoriki, we wenka. N'ekya buzima, ediini tihaine eki yaabaire neemanyisa aharibo, n'ahabw'ekyo obwo . . . Nellie n'abo. N'ahabw'ekyo, akaba ari omuzini mukuru, kandi na Lee Horn akaba ari omuzini mukuru, nawe. Kandi bakaba baine okuzina oku hanu okurikwetwa "okwetogonyora," n'"okuzina kwa babiri babiri," n'ebintu ebyo byona. Kandi akaba ari . . . Abo babiri bakaba nibakirayo kuzina omu ihanga.

127 Eizooba rimwe, akazongazonga yaataahamu aharuguru hanu, ekiro kimwe, yaija omu ruteerane. Aho yaagwa ahansi, aha kituuti, Nellie omuto. Omutima gwe guheebwe omugisha. Akarambira aho aha kituuti. Yaimutsya omukono gwe. Reero yaaborooga, amarira nigaashuma aha matama ge. Yaagira ati, "Billy . . ." Akaba naamanya. Yaagira ati, "Niinyenda kujunwa, jubajuba."

Kandi naagira nti, "Nellie, noobaasa kujunwa. Yesu akaheza kukujuna, mwishiki. Nooteekwa kukiikiriza hati kurugiirira aha musingye gw'Ekigambo Kye."

Kandi yaaguma aho. Reero yaarira, kandi yaashaba, kandi yaagambira Ruhanga ku yaabaire atarikuza kugaruka kuhurikiza ebintu by'ensi na kakye. Ahonaaho, obusingye burungi munonga bwataaha omu mutima gwe. Yaimuka aho, naateera akaari kandi naahimbisa Ruhanga, naaheereza Ruhanga ekitiinisa.

128 Reero nk'emyezi mukaaga nari munaana ahanyima y'ekyo, akaba naashuma omu Ruguuto rwa Spring, ekiro kimwe.

Hati, akaba ari omwshiki muto, akaba ari omu myaka ye y'okunyeeta, nk'emyaka ikumi na munaana y'obukuru. Kandi yaija ahariinye, reero yaagira ati, "Hope . . ." ogwo akaba ari omukyara wangye, ogwo owaasiibwire ensi. Yaagira ati, "Kuri naabaire nka Hope na Irene." Yaagira ati, "Noomanya, bakaba batakazaga omu bintu by'ensi na kakye." Yaagira ati, "Ensi neekutaho raama." Yaagira ati, "Nyine emirebekyere mibi." Ati, "Hati, nkareka kwetona n'ebindi, kwonka nindeebeka kubi munonga. Nangwa n'enshusha yangye, y'aha maisho gangye," yaagira ati, "Nindefebeka kubi." Yaagira ati, "Nibareebeka bataine rubanja kandi bacureire." Ati, "Niinyefuuza kuri ekyo ntarakikozire."

Naagira nti, "Nellie, Eshagama ya Yesu Kristo neeyozyaho ekibi kyona, mukundwa. Gumuzamu, okiikirize."

129 Wayne Bledsoe, baingi omuriimwe hanu nimumanya, munywani wangye w'aha mara, w'emyaka n'emyaka. Akaba ari omusinzi. Bwanyima akaija hanu na murumuna wangye, Edward. Reero yaasindira ahaifo hanu omu ruguuto rw'omu tauni, reero naamwihamu, 'habw'okuba abaserukare bakaba nibaza kumukwata. Reero naamureeta aharuguru hanu. Kandi nkaba ndi omubuurizi kandi nintaaha aharuguru hanu, na maawe na taata, kareho ntakataahize. Reero naamutwara, naamubyamya omu kitanda aho. Nimbyama, nkaba mbyama omu kitanda ky'abantu babiri ekiruhinywa. Hakaba hariho ekibiina kihango ky'aba Branham, noomanya, turi ikumi. N'ahabw'ekyo tukaba twine nk'ebishengye bina, kandi tukaba nituteekwa nk'okubyama babiri-babiri, kakyeho. Ahabw'ekyo, nkaba nyine ekitanda ky'abantu babiri ky'okuhinya kikuzire eki naabaire mbyamaho. Nkakikurura nka bat, reero-reero naatamu Wayne yaabyama naanye. Asinzire, nkaba ninteeekwa kumuterura kumutaasya omu nju reero nkamubyamisa.

Kandi nkaba mbyami aho. Naagira nti, "Wayne, torikuhurira nooshwara, kuba otyo?"

130 Reero Yaagira ati, "Aa, Billy, otangambira otyo." Reero naarenzya omukono gwangye naagumutaho. Naagira nti, "Naaza kukushabira, Wayne. Ruhanga akuhe omugisha." Kandi nkaba njunirwe nk'o, oo, ninteebereza nk'o, obundi nk'omwaka gumwe.

N'ahabw'ekyo obwo, ahonaaho, aheeru orwigi rwa, ta-takisi rwakingwa, kandi omuntu yaakongoota aha rwigi n'amaani munonga. Ati, "Ow'eishe-emwe Bill! Ow'eishe-emwe Bill!" [Ow'eishe-emwe Branham yaakongoota aha kituuti -Omur.]

Naateekateeka nti, "Mugyenzi, mugyenzi, omuntu naateekwa kuba ariyo naafa." Naaguruka omu kitanda, kuza aha rwingi; naabakura ekintu kyangye ekikuzire aho, naayenagaho ebijwaro by'okuraaramu, nka bat; reero naashweka Wayne. Nairuka kuza aha muryango.

Eiraka rye rikaba riri nk'ery'omukazi. Naigura orwigi, reero omwshiki muto ogu akaba ayemereire aha rwigi. Yaagira ati, "Oo, ntaahemu?"

Naagira nti, "Taahamu." Reero naataho amashanyarazi gaayaka.

Kandi hati akaba naarira atyo, reero yaagira ati, "Oo, Ow'eishe-emwe Billy, e-e-ebyangye bihweire! Ebyangye bihweire!"

131 Naagira nti, "N'enki, Nellie? Wa-waateerwa omutima?"

Yaagira ati, "Ngaaha." Yaagira ati, "Ow'eishe-emwe Bill, mbaire ninshuma omu ruguuto rwa Spring." Yaagira ati, "Buzima, Ow'eishe-emwe Bill! Buzima, Ow'eishe-emwe Bill, mbaire ntamanyiise kukora kubi. Mbaire ntamanyiise kukora kubi."

Naagira nti, "N'enki?" Naateekateeka nti, "Hati naaza kumukorera ki?" Nkaba ntarikumanya eky'okukora. Nyowe, nkaba ndi omutsigazi. Kandi na . . .

Yaagira ati, "Oo, Ow'eishe-emwe Bill," ati, "Weena ndi nk'o-ndi nk'o-ndi nk'orabanisiibwemu."

Naagira nti, "Hati, kyo cureera, ow'eishe-emwekazi. Bingambire byona."

Reero yaagira ati, "Mbwenu," yaagira ati, "mbaire ninshuma omu ruguuto rw'omu tauni, reero omu Kishengye kya Redman . . ." Kandi okwo bakaba bakira kugirayo zaadansi z'ekiro z'Orwamukaaga. Reero yaagira ati, "Nkaba nyine ebintu, ebi naabaire nintwara omuka kutungisamu ekiteeteeyi." Reero yaagira ati, "Naahurira ebyo byeshongoro bya disiko. Kandi yaagira ati, "Noomanya," ati, "nyemereireho nk'edakiika emwe." Reero ati, "Ebyeshongoro bya disiko byaguma nibyeyongyera kubonera. Ahabw'ekyo naateekateeka nti, 'Noomanya, tikirikuza kunkora kubi ku ndaayemerere hanu."

132 Aho niho yaakoreire enshobe ye, kwemerera ahabw'akaanya kakye. Akahurikiza kwonka.

Ati, "Mpaho, naaza kuteekateeka." Yaagira ati, "Ai Mukama, noomanya ku Ninkukunda, n'obu kiraabe." Ati, "Noomanya ku Ninkukunda, Mukama. Kwonka buzima niinyijuka obwire obu Lee naanye twabaire tukira kusingura e-ebikopo byona, n'ebindi nk'ebyo." Ati, "Mugyenzi, niinyijuka ebyo byeshongoro bya disiko ebya ira bikaba binshendashenda. Tibikaabaasa kukikora hati."

Ah-oo, ah-oo! Nooteekateeka ngu tibikaakikora. Byaherize kukukwata, aho honyini. Ekyo kiri nk'oku arikwenda, aho honyini. Mwareeba?

Ni bangahi abaabaire nibamanya Nellie Sanders? Mpaho, ninteebereza baingi munonga omuriimwe. Yee. Buzima. N'ahabw'ekyo ba-bakaba-bakaba . . .

Yaagira, Nellie yaagira ati, "Mbwenu, noomanya ki?" Ati, "Obundi ku naakunyegyera aha matembezo aharuguru hariya," ati, "obundi nimbaasa kuha obujurizi bamwe omuribo."

Oo! Mwareeba, ori omu mwanya gwa Sitaane gwonyini. Otairira haihi nagwo. "Yetantare kyona ekirikushusha ekibi."

Kwonka akainamuka, yaahika aha mutwe gw'amatembezo, reero yaayemerera aho edakiika nkye. Kandi eky'okubanza noomanya, akaba yaabumbatiraine n'omwojo, nibazina dansi.

Bwanyima yaijuka. Kandi akaba ayemereire aho, naarira n'ebindi, yaagira ati, "Oo, ebyangye byahwa hati, ebiro byona."

133 Naateekateeka nti, "Mbwenu, tindikumanya bingi munonga ahari Baiburi, kwonka niinyikiriza ngu Yesu akagamba eki, 'Om Iziina Ryangye baryabinga baadaimoni.'" Ni . . .

Kandi Wayne akaba yaaherize kusinduuka, kakyeho, kandi akaba ashutami aho, naareeba. Mwareeba? N'ahabw'ekyo naagira nti, "Hati, daimoni, tindikumanya ou ori, kwonka ninkugambira hati, ogu n'ow'eishe-emwekazi mugyenzi wangye, kandi toine bushoboorozi bw'okumukwata. Abaire atamanyiise kukikora. Ayemereireho ahabw'edakiika emwe yonka." Aho niho akoreire enshobe ye, n'obu kiraabe. Naagira nti, "Kwonka nooteekwa kumurugamu. Nompurira?"

N'ahabw'ekyo nyamba, Ruhanga, naamanya, aha Kitebe ky'Orubanja. Orwo rwigi rwatandika kweigura n'okwekinga, rwo rwonka. "Pulampute, pulampute," aha muryango aho. Pampu, ka-pulampu, ka-pulampu. "Naateekateeka.

Reero Nellie yaagira ati, "Bill, reeba hari. Reeba hari."

Kandi naagira nti, "Yee. Ekyo niki?"

Nellie Sanders yaagira ati, "Tindikumanya."

134 Naagira nti, "Naanye tindikumanya."

Kandi orwigi rwagumizamu "pampute-pampu, ti-pampu," nirukinga rutyo. Naateekateeka nti, "N'enki ekiri hanu? Niki?"

Naagaruka naareeba, nka batyo reero naagira nti, "Murugyeho, Sitaane! Om Iziina rya Yesu, murugyeho!"

Ku naagambire ekyo, kikareebeka nk'akacurama kahango munonga, ak'oburaingwa buti, kaimuka nikaruga enyima ye, kaine eishokye riraingwa nirireereetera ahansi kuruga omu mpapa gaako n'omu bigyere byako, nka batyo. Kakaba nikagamba kati, "Ooooo." Kaatandika kwija ahariinye, jubajuba nk'oku kaabaire nikabaasa.

Naagira nti, "Ai Mukama Ruhanga, Eshagama ya Yesu endinde ekyo."

Reero Wayne yaaguruka omu kitanda, yaaranzya. Kandi nkiki hanu, kiri nk'ekicuucu kihango, kyayetooroora aho, reero kyarengyea enyima kandi kyashuuma enyima y'ekitanda. Ngugwo Wayne yaaguruka omu kitanda, yaaza omu kindi kishengye, n'embiro nk'oku yaabaire naabaasa kwiruka. N'ahabw'ekyo nitu . . .

135 Nkeebembera Nellie naamutwara omuka. Reero naagaruka, kandi nkaba ntarikubaasa . . .

Maawe akataahamu kandi yaazunguza eshuuka na buri kintu. Hakaba hatarimu kintu kyona omu kitanda ekyo. Kikaba kiri ki? Daimoni akamurugamu. Hakabaho ki? Akeemerera ahabw'akaanya kakye. [Ow'eishe-emwe Branham yaakongoota aha kituuti kabiri -Omur.] Nikyo ekyo.

Oteemerera, na kakye. Ruhanga yaata Ekigambo Kye omu mutima gwawe, iwe kwata Rurara egoy kandi otandikye kutematemma n'okushara. Haleluya!

"Tinyine bwire bw'okutegyereza ekindi kintu kyona. Nyambukire kwonka, tinyine bwire nangwa n'obw'okutebeekana."

136 Akagira ati, "Mpaho, mbwenu twara enkoni yangye reero ogirambikye aha mwana. Kandi omuntu weena ku araagambe naiwe, otabagarukamu."

Sitaane ku araagire ati, "Iwe nanka, noomanya eki orikwehuriramu?" Otagamba nawe na kakye. Gumizamu noogyenda.

Sitaane, noomanya, Sitaane naagira ati, "Kwonka noomanya ki? Noomanya, Nanka na nanka, ku baatungire Omwoyo Orikwera, noijuka haihi ba-bakashara." N'okugamba otagamba nawe. Gumizamu noogyenda. Torikumanya ebikwatsire ahari Nanka na nanka.

Niiwe na Ruhanga. Ekyo kihikire. Guma na Ruhanga.

137 Ashuka amajuta aha baheereza Be. Ninteekwka kurahutsya. Ruhanga ashuka amajuta aha baheereza Be. Mwareeba?

Hati ninteekwka kuguruka ebihandiiko bikye hanu, kwonka nkaayenzire kugamba eki. Hanu, hurikiza hati, offireyo.

Iwe mukazi mukye 'we, hurikiza otaireho omutima hati. [Ow'eishe-emwe Branham yaagamba n'ow'eishe-emwekazi orwaire omurundi ogundi -Omur.]

Hanu nitureeba obukoryo bwa Sitaane. Nitukora tutu? Hati, nyine Ebyahandiikirwe bingi munonga hanu, ebya baanabi n'ebindi, ahu Sitaane yaabaiziire, kandi n'abantu abatari bamwe omuri Baiburi, kandi akakora ekintu nikyo kimwe. Burijo niko kakoryo ke, n'okugyezaho kureeteera abantu kutaikiriza Ekigambo kya Ruhanga.

138 Muhurikize, baserukare b'omusharaba 'mwe. Waabangaanisa Ekigambo kimwe kya Ruhanga kya Baiburi ehandiikirwe nooba waayakwa eby'okurwanisa.

Noikiriza ekyo, mukundwa? [Ow'eishe-emwe Branham yaagarka yaagamba n'ow'eishe-emwekazi orwaire - Omur.]

Nooyakwa eby'okurwanisa. Yeereza, iwe ky'enyanja 'we ekitaine ruti rw'omugongo. Jwara eby'okurwanisa byona ebya Ruhanga. Amiina. Turi . . . orugamba. Eki Ruhanga yaagambire n'amazima. "Buri kigambo ky'omuntu n'ekishuba." Mwareeba? Kwonka ahonaaho wa . . . yaabaasa kutuma waahurikiza ekintu kimwe, ako n'akakoryo ke, nooyakwa eby'okurwanisa.

N'ebintu bingahe ebi Haawa yaabaire ashemereire kuhurikiza? Kimwe. Akaakwa eby'okurwanisa obwire obwo. Sitaane akakora ki? Akashensherera kimwe omu biteekateeko bye, yaataaha omu mwoyo gwe, reero aho yaasiisikara. Ekyo kihikire? Akasiisikara egoy dakiika yonyini ei yaayakiirweho eby'okurwanisa, obu ayanga kwikiriza Ekigambo kya Ruhanga. Ni kurungi. Hanu nitureeba obukoryo bwe.

139 Abaserukare ba Ruhanga nibaragiirwa "Kujwara eby'okurwanisa byona ebya Ruhanga." Ekyo kihikire? [Abateeraine baagira bat, "Amiina." -Omur.] Hati, ku muraabe nimwenda kuhandiika Ekyahandiikirwe ekyo, nikishangwa omu kitabo ky'Abaefeso 6:10 na 13. Mwareeba? Twakishomire akaire akaahingura. N'eishomo ryaitu. Ni kurungi. Mwetegyereze. "Mujware eby'okurwanisa byona ebya Ruhanga. Ka tu . . . Mwineyo obwire bw'edakiika nkye? [Amiina.] Ka tugarukeye enyima hanu nk'edakiika emwe. Ka tureebe eki eby'okurwanisa byona bya Ruhanga biri. Ni kirungi. Ka tutandikire aha mushororongo gwa 10. Hati, muhurikize mutaireho omutima hati. Ka tusherure eby'okurwanisa byona bya Ruhanga. "Eky'aha muheru, b'eishe-emwe. . ."

140 Hati, nimmanya ngu naaza . . . Ndi . . .

Nihaburaho haihi, edakiika makumi abiri, hati hati, kuhika shaaha mukaaga. Ti-tindi . . . Mbaire ntarikwenda kubeegeyesa obwire burasingwa, eriizooba, kwonka ni-nimbaasa kugira nk'Obutumwa obundi bumwe ntakagiire

omu ngyendo zangye ahabw'obwire bw'ekyanda, nimureeba.

141 Kandi nimumanya? Nimumanya ahabw'enki ndikukora eki? Ninja kubagambira. Ekiro kiri nkatunga ekirooto. Naaba ntarikuza kukigamba, kwonka kiri omu biteekateeko byangye. Haakiri nkigambe, ahanyima ya Mukama kumpa enshoboorora.

Nkaroota ngu nkaba nindebeekanisa kwambuka omugyera muhango, kuza aha murimo gw'obumiishani. Kandi hati, okubanza, nkaba ndi eruguru okwo n'omukazi wangye . . .

Kandi ni bangahi abaabaire nibamanya George Smith, sekenda mukaaga Smith, hanu omu tauni? George Smith, omutabani n'omuporiisi hanu. We, George enshoberwa, ni gunyweka hati. Kwonka akaba ari omwe aha barwani abarikukirayo omu kurwana. Niwe ogwo owantendekire, nangwa ntakagiire omuri Y.M.C.A. n'ahandi hoona. Akaba atutendeka. Kandi akaba naarahuka, naarahukira kimwe. Akaba ari omuzaani w'entomi w'oburemeezi bwa rwagati, ow'eraatiri igana na makumi ana na itaano. Kandi akantendeka. Kandi akaba ayemerera aho, reero aimutsya entomi ye, nka batyo, aginteera omunda, enyimutsya enteera aha kisika, mwareeba, kwonka, kandi kikaba kitanteganisa. Akaba naantendeka kusha, hakaba hatariho kindi kyona kureka okutendeka.

142 Reero nka-nkaroota, ekiro kiri, ngu nkareeba sekenda mukaaga Smith. Hati, Kukaba kutari kworekwa. Kikaba kiri ekirooto. Kandi naareeba sekenda mukaaga Smith, abatsigazi nibaija kumurwanisa, omu kufukaana. Kandi we, omugurusi ogwo, nka, oo, ninteebereza . . . Nyine emyaka makumi ataano na ibiri. Aine nk'emyaka makumi ataano na munaana, makumi mukaaga. Hakaba hatariho n'omwe aha batsigazi abo owaabaire naabaasa kumukwataho, omu muringo gwona. Akabakomerana hamwe nk'eifundo, nka batyo, yaabateera ahansi kandi yaabamigiraho n'omukono gwe.

Naateekateeka nti, "Ekyo n'eky'okutangaaza." Naateekateeka nti omukazi wangye akaba ari naanye, reero naagira nti, "Ekyo n'eky'okutangaaza." Naagira nti, "Noomanya ki, Meda? Akaba ari omutendeki wangye."

Meda yaagira ati, "Ekyo ni-ninkijuka, iwe orikukingambiraho."

Naagira nti, "Eego, sebo. Ahabw'okutendeka kwe kurungi, omu mwoga gw'okuteera entomi nkasingura emirundi ikumi na itaano, reero naareka o-omwoga ogwo; kubuurira Engiri.

143 Obwire obwo ekirooto kyahinduka, kandi nkaba nintandika kwambuka a-amaizi. Kwonka ku naabaire ningyenda, nkaba ningyendera omu bwato bwa ingini. Naaranzya seeri, kandi aho hakaba hashutamiho ab'eishe-emwe bagyenzi bangye babiri bashutami aho, omu bwato, nibeeteekateeka kugyenda naanye. Naagira nti, "Ekyo timurikubaasa kukikora, ab'eishe-emwe. Ahaa. Nintekwa kugyenda nyenka."

Reero omurimbi yaarugayo, kandi yaagira ati, "Obwato bwawe mbubu hanu," obwato bwa mutare bwa purasitika bwonyini.

Naagira nti, "Ngaaha. Ahaa. Tikyo ekyo."

Yaagira ati, "Mbweni, noobaasa kugyenda n'embiro nabwo orubaju oru, mairo makumi ataano buri shaaha."

Naagira nti, "Kwonka nintekwa kwambuka nze seeri." Mwareeba ?

"Mpaho," yaagira ati, "gyenda n'abo bashaija."

Naagira nti, "Ti barimbi. Tibarikumanya ekirikugasha ahari ekyo. Baine omuzimbwe. Eryo tibarikubaasa kurivuga. Bombi nibaza kumirwa amaizi ebiso kuri. Tibarikubaasa kukikora."

Reero yaagira ati, "Ori . . . noobaasa kwesiga . . ."

Naagira nti, "Hurikiza, ni-nimmanya bingi aha maato kubakira, tinkaagyezaho kurivuga n'ekyo, n'ekintu ky'omuringo ogwo." Naagira nti, "Nikyetaagisa obwato bwa ingini kwambuka amaizi ago." Naagira nti, "Nikiza kwetaagisa ekintu kihango ekirikubukira."

144 Reero naamureeba naamagamaga, yaareeba omwe aha b'eishe-emwe abo, kandi yaagira ati, "Ori omurimbi?"

Ow'eishe-emwe ogwo yaagira ati, "Eego." Mwareeba?

Naagira nti, "Ekyo kigwire."

Reero omurimbi yaagaruka. Yaagira ati, "Ka nkugambre eki oraakore." Yaagira ati, "Nibakukunda. Nibakwikiriza. Kwonka," ati, "ku oraagyezeho kwambukira omu bwato bwa ingini, nibaza kugyezaho kukukurata omu bwato buriya. Bombi nibaija kufa, mwareeba." Yaagira ati, "Tibarikubaasa kukukurata."

Kandi naagira nti, "Mbweni, nkore ki?"

Reero omurimbi ogu w'aha mwaro, yaagira ati, "Garuka enyima kuri." Yaagira ati, "Hariho esitooha emwe nkye yonka omu ihanga eri ryona, esitooha emwe nkye. Mbweni biikamu eby'okurya bingi," yaagira ati, "kandi

nibaija kuguma hanu. Nibaza-nibaza kuguma hanu obwire obu-obwire obu oraabe ogyenzire. Kwonka,” ati, “nikija kukwetaagisa kubiikamu eby'okurya.”

Kandi nkaba nindagiira ebika byona bya kabegi, n'emboga eziri nka muhogo, n'emboga ezirikuriibwa mbisi, n'ebindi, ninzirundamu nka batyo. Bwanyima naasisiimuka.

Tindamanyire eki kyabaire kiri, kwonka ninkimanya hati. Mwareeba, nitubiikamu eby'okurya b'eishe-emwe. Aga n'amagara agu orikuteekwa kugyenderamu wenka.

145 Leo, noijuka ekirooto eki waatungire obwire obwo obu waija hanu omurundi gw'okubanza? [Ow'eishe-emwe Leo Mercier yaagira ati “Amiina.” -Omur.] Ekkwatsire ahari piramidi, kandi okateekateeka ngu okaba noobaasa kwija omunda okwo. Naagira nti, “Leo, tihariho omuntu ohika ahaiguru hanu. Ruhanga naateekwa kuta omuntu ahaiguru hanu. Otembire buri kintu ekiri omu kyanga ky'obuhangwa bw'obutoosha ekirikubaasa kutembwa.” Naagira nti, “Torikubaasa kwija hanu, Leo. Mwareeba? Shuuma ogarukye ahansi. Gambira abantu ngu nikiruga ahari Ruhanga kwonka.” Mwareeba? Mwareeba?

N'ekintu eki ota-otarikubaasa kwesiga, nk'ab'eishe-emwe n'ab'eishe-emwekazi, n'ekanisa yangye na buri kintu, n'obu amakanisa agandi gaakuba gari marungi gata, n'ab'eishe-emwe, buri hantu.

146 Hati, tindikubaasa kwetaanisa n'ekanisa okwo aheeru. Omuntu naagira ati, “Mpaho, ahabw'enki orikuza okwo n'abantu abo, abo ab'obushatu, boona aba, bari, kandi n'abandi, n'ab'obumwe, n'ab'Eiziina rya Yesu, n'ebintu ebindi ebi byona aho? Ahabw'enki nooyejwanga nabo?” N'abangye. N'obu baakuba bakozire ki, n'abangye. Nibo kituuti kyangye.

Israeli ku yaakozire ekibi kihango munonga, okuhitsya obu na Ruhanga yaagambiire Musa, akagira ati, “Yetaanise. Ninja kutandika oru-oruganda rusya naiwe.”

Musa akeenaga omu muhanda, yaagira ati, “Otakabacwekyereize ncwekyereza.”

N'obu baakuba baakozire ki, abo nibo naatumirweho. Ayohereza Omushana, kugira ngu gutaakiira ahu Omushana guri. Ahu omwirima guri, ogwo nigwo mwanya gw'Omushana. Kandi nooteekwa kuhikaana n'abantu. Nooteekwa kwemerera nabo, n'obu haakubaho ki, nooteekwa,

147 omu nshobe zaabo.

Israeli ekaba eshobeize kimwe nk'okushobya kwona oku kurikubaasa kuba. Bakaba bashobeize kimwe okuhitsya obu Ruhanga yaabarekire. Kwonka, Musa, nkaba ntuura ninyebuuza oku ekyo kyakozirwe, kwonka ogwo akaba ari Omwoyo wa Kristo omuri Musa. Mwareeba?

Mwareeba, twena tugwire. Twena Akaturwanirira obu twabaire turi omu nshobe zaitu.

N'obu baakuba bagwire bata, tutareka kutakwatanisa nari kwetaanisa n'ekintu kyona. Obwire bwona twaba nitubaasa kureeta omuntu omu kujunwa, ka tutaahemu “N'obwengye nk'enjoka, tutaine buryarya nk'enkombe,” mwareeba, reero tugyezeho kureeta buri muntu omu kujunwa nk'oku turikubaasa.

148 Hati, eki nikyo ndiyo ningamba akasheeshe aka, n'okubiika Eby'okurya. Kubiika Eby'okurya, kugira ngu mwije kugira eby'okurya, kugira ngu mwije kugira eby'okurya bingi munonga ebi murirya mushemereirwe munonga. Mubikwate aha ntambi zaanyu z'amaraka. Mushutame omu kishengye ekirikufuka. Obundi, ahanyima y'obwire burasingwa naaheza kugyenda, nabwo nimwija kwijuka ebintu ebi ku n'amazima. Shutama omu kishengye kyawehohi. Mwareeba? Kandi ebi n'Eby'okurya, ebirikubiikwa, omu sitooha. Tindikumanya orugyendo oru n'orw'okuza hi. Kwonka, n'obu ruraabe ruri orw'okuza hi, Naamanya ahi Arikwebembera; nyowe tindikumanya. Ninkuratira kwonka.

149 Hati, agambire ki hanu hati? Hurikiza otaireho omutima.

Eky'aha muheru, mube abahamire omuri Mukama n'omu bushoboorozi bw'amaani ge.

... mube abahamire ... omu bushoboorozi bw'amaani ge.

Mujware eby'okurwanisa (byona) ebya Ruhanga, mubone kwemerera mutasingwirwe bugobya bwa Sitaane.

Ahabw'okuba titurikufukaana n'abaine omubiri n'eshagama, ...

Okurasha amasasi n'okushara n'emisyo, mwareeba, tikyo ekyo.

... kureka niturwana n'ebirikutegyeka n'ebiine obushoboorozi n'ebirikutwara ... ensi egi omu busingye obu obw'omwirima, ...

150 “Abategyeki b'omwirima.” N'oha ottegryeka ensi? Sitaane. Buzima. N'oha oreetaho ebintu ebi byona ebirikugyenda omumaisho, ebintu ebi byona by'okutatiina Ruhanga ebirikugyenda omumaisho, omu mwanya gwona hanu, na zaagavumenti ezi, n'ebindi nk'ekyo? Byona ni Sitaane. Baiburi nikwo yaagambire. Sitaane ategyeka omuri Amerika. Sitaane ategyeka Bugirimaani. Sitaane ategyeka buri ihanga omu nsi. Ndiyo

ninkihikaho, nk'omu dakiika nkye, reero nituza kureeba yaaba ategyeka, nari yaaba atarikutegyeka. Yaaba . . . Obugabe bwona oburaabaireho kandi n'oburibaho, okuhitsya obu Ruhanga araateho obugabe Bwe, nibutegyekwa Sitaane.

Tindikumanyisa ngu buri muntu oburimu ni Sitaane, hati. Hariho abantu abarikutiina Ruhanga omu-omu ofiisi za gavumenti.

151 Nihaza kwija hanu omwe omu biro bikye nyekiro, hanu honyini, okworeka ekishushani hanu n'Ow'eishe-emwe Arganbright, hanu omu mwanya ogu. Atwire ari omujwekyerwa wa baapurezidenti nka bataano batari bamwe, Ow'eishe-emwe Rowe. Kandi ni . . . Naija kwija hanu, ninEEKATEEKA nk'omu saabiiti ya kabiri omu kwezi Kwakana. Ow'eishe-emwe Neville naija kukiranga. Kandi n'omushaija murungi.

Akagira ngu akaba naabaasa kugamba omu ndimi munaana ezitarikushushuna, ninEEKATEEKA. Kwonka ku yaahairwe Omwoyo Orikwera, akaba ataine rurimi oru yaabaire naabaasa kugambiram na Mukama, n'ahabw'ekyo Mukama akamuha rumwe, nikwo yaagizire, mbwenu Naamugambira omuri orwo. Akamuha orurimi rusya, oru yaabaire atakakoresahoga. Ni kirungi.

. . . n'amahe g'emyoyo emibi ey'omu myanya y'omu iguru.

N'ahabw'ekyo . . .

Hati muhurikize, imwe mwena abaserukare hati, tutakatandikire orunyiriri rw'ab'okushabirwa.

. . . mukwate ebyanyu . . . (b-y-o-n-a) byona (kitari kicweka kyabyo) . . . eby'okurwanisa byona ebya Ruhanga, mubone kuguma aha izooba ribi; . . .

Ebyo n'ebiro ebi tutwiremu.

. . . kandi, ku muriheza kukora byona, mwemerere muhamire.

Mwemerere . . .

Amiina. Ekyo mwakitunga? Waareeba, mukundwa? [Ow'eishe-emwe Branham yaagaruka yaagamba n'ow'eishe-emwekaza orwaire -Omur.] Ku oraaheze kukora byona ebi orikubaasa kukora, okwemerera, bwanyima oyemerere. Otarugaho.

Ahabw'ekyo mwemerere, (omu nda yaanyu) . . .

Muhurikize eki. Muhurikize hanu, eki eki kiri. "Omu nda yaanyu." Ekyo n'ekicweka kyawe kya rwagati, hanu, mwareeba.

. . . mwezirikikire amazima, . . .

Amazima niki? Ekigambo kya Ruhanga. Ekyo kihikire. "Ekigambo kyawe n'Amazima." Ni kirungi.

. . . (kandi) mujware eky'okuhikiirira nk'ekyoma ky'okwekingiza omu kifuba,

Ekyo ni ngu, "Kora ekihikire." Oine Ekigambo kya Ruhanga omuriyiwe, nookora ekihikire. "Eky'okuhikiirira nk'ekyoma ky'okwekingiza omu kifuba."

Mujware enkaito ez'okweteekateeka kugamba engiri y'obusingye;

Za ahantu hoona, omu mwanya gwona, obwire bwona, ebigyere bijware Engiri. Mwareeba? Kandi mureebe:

Kandi ahari ebyo byona, ahaiguru y'ebyo byona, mukwatireho engabo y'okwikiriza, . . .

Niyo egoy erikunaga ahansi emyambi, mwareeba, "Engabo y'okwikiriza."

. . . ei murikubaasa kuraarisa emyambi y'omuriro yoona ey'Omubi.

Kandi mujware enkofiira ey'okujunwa, . . .

Ago n'amagara . . . Ebiteekateeko-ebiteekateeko, omunda hanu, omutwe; eshweka omutwe.

. . . na-na rurara y'Omwoyo, nikyo kigambo kya Ruhanga;

152 Nooz a kureka ota egi nkofiira, ekora ki? N'oburinzi. Enkofiira ekozirwe omuri ki? Omu muringa. Omuringa tigurikubaasa kuguma okukira oku guri; gugumire, gugumire munonga okukira ekyoma. Enkofiira y'omuringa, (niki?) okujunwa, obwengye bw'okumanya eki ngu, "Kandi okukira kwangye kuruga ahari Ruhanga. Okujunwa kwangye kuruga ahari Ruhanga. Obumanyi bwangye buringaniire n'Ekigambo Kye, kitari ekiteekateeko ky'amakanisa; Ekigambo!" Amiina. Nikyo ekyo. Oshwekirwe, n'oburinzi, enkofiira y'okujunwa, obucunguzi. Kwata ekyo, bwanyima ogumizemu noogyenda omumaisho. Oo, hati, hati ekyo nikyo tushemereire kukora. Eihe rya Sitaane . . .

Hati mureebe, hati, nitu . . . Ninteeekwa kwangutsya, kwonka eki ni-ninteeekwa kukitaasyamu.

153 Eihe rya Sitaane rireeta endwara. Ekyo nikyo Sitaane ari, n'omuhwerekyerezi. Sitaane, obugabe bwa Sitaane bwona, n'oburwaire, okufa, n'obusaasi, n'okushoberwa, n'okweraarikirira, byona n'ebya Sitaane.

Ruhanga n'Amagara, okwikiriza, okushemererwa, obusingye, enyima hanu. Mwareeba?

Hati, ago nigo maani makuru abiri agariyo nigabugana hati hati. Nigarwana. Nigarwanira hanu honyini omu kyombeko hati hati. Nigarwana, naiwe, obwire bwona, amaani goona.

Sitaane, naakukuratira, Goliasi omukuru ogwo, muhango, ori nk'omugabe, nk'omunyamurwa naagyezaho kukutiinisa oburengye. Ahikire, kwonka Ruhanga . . .

Orinzirwe, amiina, n'Engiri, n'Ekiagambo ky'Amazima omu manyanya gaawe. Ekitiinisa! Mubuurizi, okwo nikwo kiri. Enkofifira y'okujunwa; engabo y'okwikiriza; kandi na Rurara, noogihuuba omu mukono gwawe! Oti, "Sitaane, naija kukturwanisa. Iwe nombugana omu iziina rya sayansa. Nombugana omu iziina ry'e-ry'emicwe n'emitarize. Nombugana omu iziina ry'ekibiina ky'ediini. Nombugana omu iziina ry'eki, kiriya, nari ekindi. Kwonka ninkubugana omu iziina rya Mukama Ruhanga wa Israeli. Naakwizira. Rugaho! Na rufu yo yonka terikubaasa kwemerera aho. Fumura ekiina omunda ye. Ekyo kihikire.

154 Eihe rya Sitaane rireeta endwara, kwonka eihe rya Ruhanga rirakaheebwa obushoborozi kuzibinga. Amiina. Nikyo ekyo. Buri kaire Sitaane yaakunagaho, endwara yoona, eihe rya Ruhanga rishemereire kugibinga. Amiina. Gibingye!

Ako niko kakoryo aku Ruhanga yaakoreise. Sitaane akakoresa eihe ry'okucwekyereza, okutaikiriza Ekiagambo kya Ruhanga, n'okutaho obugabe burungi munonga kukira obu Mikaili yaabaire aine, reero Ruhanga yaamubinga.

Entwaza ya Ruhanga, ni, naga obubi ebiso. Naga ebiso okuhajaana. Naga ebiso okwikiriza omuri daimoni n'amarogo. Naga ebiso okweraarikirira. Naga ebiso endwara. Naga ebiso ekibi. Amiina. Ori ahaiguru yaabyo, ozookyeire omuri Kristo Yesu, oshutami omu myanya y'omu Iguru, na buri daimoni eri ahansi y'ebingyere byawe. Ku araatandikye kwhihayu omutwe gwe omunda okwo, eki . . .

155 Noomanya, okafa. Amagara gaawe gasherekirwe. Okufa nikimanyisa ki? Ofiire aha bihurikizo byawe. Ofiire aha iraka ryawe ery'omunda. Okukunda kwawe kw'obuntu nikubaasa kugira kuti, "Eego, ninteebereza ni . . ." Ofiire aha kuhaajaana kwawe. Ofiire aha bintu ebyo byona. Kandi oziikirwe omu Izina rya Yesu Kristo; kandi waazooka Nawe. Kandi ahu Ari hoona, naiwe niho ori.

Hakabaho ki obu bo, omwe ahari abo abarikubangaanisa, yaahikire omu Iguru? Ruhanga akamunaga aheeru. Mbwenu Akagambira ki abaserukare abazookire omuri Kristo? Ati, "Sitaane yajja, omushambe omushohoze. Munagye aheeru."

156 Yesu ku yaatendekire eihe Rye, kandi akabatuma kuhika aha mperu z'ensi ati, "Mugyende omu nsi yoona, mubuurire Engiri ebihangirwe byona. Oriikiriza akabatizibwa aryajunwa; otariikiriza aryasingwa orurbanja. Kandi obumanyiso obu buryaguma nibureebwa omu barikwikiriza, abaserukare Bangye. Omu Izina Ryangye baryabinga baadaimoni; baryagamba endimi nsya; baryakwata enjoka, nari ku barinywa ebirikwita byona, tibiribarwaza; ku barita engaro zaabo aha barwaire, baryakiira."

"Nkabambwa Nawe, n'obu ndiho; tiinye ohuriire, kureka Niwe ohuriire omuriinie." Ekiagambo nikigumizamu, omumaisho, Ruhanga naataho omuhanda, na Rurara Ye ekazire y'amoogi abiri.

157 N'ahabw'ekyo, tiki'okutangaaza, Grant obu asingura Richmond, kandi n'ogwo mukazi mukye w'omu mashuumaa akareeba Grant naataahamu, akashukwaho. Reero yaagira ati:

Amaisho gangye gaareeba ekitiinisa ky'okwija kwa Mukama; Naaribata n'ekiniga ahu omushaaruro gw'emizaabibu gubiikirwe; Arekwire omurabyo gw'amaani na rurara Ye erikurahuka kandi erikutiinisa;

Amahe Ge nigagyenda omu maisho.

Amiina.

158 Grant akasingura ata Richmond? Ahonaaho ku yaahikireho. Amiina. Okwo nikwo yaasingwire Richmond.

Okwo nikwo abaserukare ba Ruhanga basingura ekibi, oburwaire; baabubugana. Amiina. Okwo nikwo basingura okubangaanisa kwabo, n'obwoba, n'ebindi. Omwe ku aimuka, bamutema agwa ahansi. Bati, "Ruga omu muhanda!" Oo, mugyenzi! Nikyo ekyo. Ruhanga akababinga, nk'oku Yaakozire omu Iguru. Kaputaini waitu Omukuru w'amaani akatworeka oku kyakozirweAmiina.

159 Roy Roberson n'Ow'eishe-emwe Funk, baangi omuriimwe baakahonaho aba kare abari hanu, nimumanya kaputaini ohikire oku ari.

Obwire bumwe nka . . . ekitongore ekirikuraaza omuriro eki kikye kya Jeffersonville hanu. Enju ya Pfau

ekakwatwa omuriro. Kandi nkiki hanu ekitongore ekirikuraaza omuriro kya Jeffersonville kyemereire haifo aho, na kaputaini naagyendagyenda oku n'oku, yaagira ati, "Shukyeera amaizi makye aharuguru hanu." "Sipu-sipu-sipu-sipu," nk'orupiira rukye orutwara amaizi ebiso hanu. Nkiki hanu kyaija ekya Clarsville kiti, "Shukyeera amaizi makye enyima hanu." "Sipu-sipu-sipu." Ekyombeko kya Pfau kyasya kyahwaho.

160 Baateera esimu Louisville. Mbaba hanu bajia abashaija abatendekirwe. Oo, efurembe ka zaateirwe zikarangira aho hoon!

Kandi mbaba hanu baakaputaini abakuru hanu, b'ebitongore ebi ebirikuraaza omuriro, bat, "Shukyeera amaizi makye aharuguru hanu. Shukyeera amaizi makye haifo hanu." Abashaija abatatemdekirwe.

Ow'eishe-emwe, ahonaaho ingini egoy ku yaayemereire, n'oha owaabaire ari aha mutwe gw'amadaara? Kaputaini. Ago madaara ku gaayemereziibwe ahaiguru, yaagagyendaho. Obu yaateire ediris, akaba atakahikire aha dirisa. Akajakura empango ye yaagirabya omu dirisa, reero yaagira ati, "Mwije, boojo 'mwe, reero omuriro gwaraara, omu dakiika nkye. Kaputaini wenyine!"

Ti kaputaini, orikugira ati, "Shukyeera amaizi makye hanu. Gyezaho kakyeho hanu."

Kureka, "Mwije, boojo 'mwe!" Amiina. Akeebembera omuhanda. Yaatworeka oku kirikukorwa.

Naateekateeka nti, "Ekyo kitongore ekirikuraaza omuriro ekitendekirwe gye, omuriro ogwo baaguraaza omu dakiika nkye." Ahabw'enki? Bakaba baine kaputaini okwo owaabaire naamanya eki yaabaire naakora.

161 Ow'eishe-emwe, gamba ebikwatsire aha kutendekwa eby'ediini byona oku orikwenda kubigamba. Ebigombe by'amadiini byawe ebigunzirwe abantu, ebibiina byawe by'amadiini, zaana nabyo.

Nyine kaputaini Mukuru owangambiire oku kishemereire kukorwa.

Ogire oti, "Mbweni, ku naakubaasa kukinuukiriza, nkakyehuriram." Oo, obushema!

Ngugu hanu omuhanda ogu Kaputaini Omukuru yaagambire ngu nikikorwamu, omuri Luka Eshuura ya 4. Tiinyine bwire bw'okukishoma. Mukishome, imwe mwenka. Ni kirungi. Luka eshuura ya 4, mutandikire aha mushororongo gwa 1.

Taragizire ngu, "Hati ninza kubagambira. Mugyende enyima hanu reero mukore ekibiina ky'ediini ky'amaani. Mugire abakuru omu kanisa, n'abadiikon, na, nari mugire baakaridinaari, na baabiishopu, kandi mugire n'eki." Ekyo Tarakigambire.

Sitaane ku Yaamubugaine akagira ati, "Hati oine enjara. Hindura amabaare aga gabe eby'okurya."

Yaagira ati, "Kikahandiikwa . . ."

Yaagira ati, "Ahaiguru hanu, nituza Kukutwara ahaiguru hanu reero tugire eki Twakworeka."

"Kwonka kikahandiikwa . . ."

"Niinyija kukora eki, ku oraakikore."

"Kikahandiikwa . . ."

162 Okwo nikwo Kaputaini Omukuru yaagambire ngu nikikorwa. Nikikorwa kita, ow'eishe-emwe? "Kikahandiikwa ngu, 'Ku barita engaro aha barware, baryakira.'" "Kikahandiikwa ngu, 'Om Iziina Ryangye baryabinga baadaimoni.'" Amiina. Niki? "Kikahandiikwa!" Okwo nikwo kuragiira kwa Kaputaini. "Kikahandiikwa ngu, 'Weena orikuhrira Ebigambo Byangye akaikiriza Owantumire, aine Amagara Agatahwaho.' Kikahandiikwa! Kikahandiikwa! Kikahandiikwa!" Okwo ni-nikwo kuragiira. Ogwo niwe muserukare. Ogwo nigwo muhanda. Ogwo nigwo muzinga ogu twebembeza.

163 Akakora ki? Akagyendera kimwe okwo, ahari Goliasi. Akooreka e . . . Daudi akooreka ata eihe oku kyabaire nikikorwa? Daudi akooreka ata Isreali oku kyabaire nikikorwa? Daudi nirimanyisa "orikukundwa, omujuni." Mwareeba? Daudi akakikora ata? Akagira ati, "Ngugu hanu omuhanda ogu kirikukorwamu. Mugire obwesigye omu Kigambo kya Mukama."

Kandi Goliasi akarugayo, yaagira ati, "Noomanya ki? Ninza kukuteruza omutwe gw'eicumu eri, kandi ninza kukugaburira enyonyi."

Yaagira ati, "Nombugana nk'ekibiina ky'ediini. Nombugana nk'omunyasayansa w'omutindo. Nombugana na rurara yaawe mpango y'amaani ya fuuti ikumi na ina. Nombugana n'enkofiira y'omuringa, n'ekicweka ky'engabo eki ntarikubaasa n'okwiha ahansi. Nombugana nk'omurwani otendekirwe. Nombugana na Ph.D, na L.L.D, na L.D kabiri. Nombugana omu bintu ebi byona. Kwonka niinyija omu Iziina rya Mukama Ruhanga wa Israeli, kandi eriizooba ninza kutemaho omutwe gwawe kuruga aha mabega gaawe." Amiina.

164 Ako kantu kakye kariyo nikarugayo kurwanisa ekyo kikaaka, kwonka akaba naamanya ahu yaabaire

ayemereire.

Israeli, eriyo neetetema enyima okwo eti, "Oo, omuntu mukye enshoberwa."

Goliasi yaagira ati, "Ninza kukworeka ou ndaite." Kandi ngugu hanu yaija.

Akaba aine o-k-w-i-k-i-r-i-z-a (omu rungyereza, f-a-i-t-h) mwareeba, o-m-u-r-i Y-e-s-u (omu rungyereza, J-e-s-u-s), enkiri itaano, amabaare ataano. Eibaare rikye rimwe omwo, ry'okutandikisa. Naarihuuba naaryetoorooza nka batyo, Omwoyo Orikwera akakwata eryo ibaare, reero ryagyenda. Goliasi yaagwa ahansi. Okwo nikwo kikorwa.

Okwo nikwo Yesu yagambaire, eki Yaagambire. Ati, "Hati ku muraabe imwe ab'eishe-emwe abarikuza aha murimo gw'okubuirira aheeru, ku muraabe nimwenda kumanya oku muraasingure baadaimoni aba, niinyija kubooreka oku kirikukorwa."

165 Sitaane akagira ati, "Niinyija kukubugana." Goliasi ati, "Ninza Kukworeka eki ndikubaasa kukora. Oine enjara. Ku Oraabe ori Omwana wa Ruhanga, ninza Kukuhiga. Noogira ngu Ori Omwana wa Ruhanga. Ninza Kukuhiga. Ku Oraabe ori Omwana wa Ruhanga, hindura amabaare aga gabe eby'okurya. Orye; Oine enjara. Kandi ku Oraabe ori Omwana wa Ruhanga, Oine amaani kukikora."

Yaagira ati, "Kwonka kikahandiikwa, hati ngu, 'Omuntu tatungwa by'okurya byonka.'" Oo, okwo nikwo Kaputaini Omukuru yaakikozire.

Yaamutwara yaamuhitsya aha itungu rya hekalu. Yaagira ati, "Ku Oraagurukye okeetsimba ahansi," yaagira ati, "Noomanya nabwo kikahandiikwa . . ."

Yaagira ati, "Yee." Ati, "Kikahandiikwa, omurundi ogundi kit, 'Otaryosya Mukama Ruhanga waawe.'" Nimureeba eki Yaayeyetsire? "Mukama Ruhanga waawe." Ahaa. "Otaryosya Mukama Ruhanga waawe,' kikagaruka, kyahandiikwa, batyo." Mwareeba?

166 Oo, mugyenzi!

Akakora ki? Akamusingura, n'Ekigambo kya Ruhanga. Akakoryo ka Sitaane n'okukuhitsya aha kwanga kwikiriza Ekigambo kya Ruhanga. Kandi Kaputaini Omukuru akagira ati, "Kwata Ekigambo kya Ruhanga reero Okikore. Omu Iziina Ryangye baryabinga baadaimoni."

167 Oo, Sitaane, kaputaini waabo mukuru, oo, yee, nimumanya, bimwe aha bigombe by'amadiini ebi bigyezaho kukwikiririsa ngu aine ekirengye kiri nk'ehuuma, nimumanya, n'omukira ogushatwiremu, n'ebintu ebyo byona. Otakikiriza. Tari atyo. Ngaaha, sebo, ow'eishe-emwe. N'engobya kandi omunyabwengye. Otaikiriza ngu ebyo abiine. Nibakora ekyo kwenda ngu bakutiinise kwonka. Ogwo ti Sitaane. Sitaane taine kirengye, eky'okubanza kya byona; ninkibangaanisa munonga oburengye. N'omwoyo kwonka. Sitaane n'omwoyo. Taine birengye biri nk'ehuuma n'ebintu ebyo, nk'oku barikugyezaho kumworeka. Ngaaha, ngaaha.

Kureka, n'omunyabwengye. Ow'eishe-emwe, n'omuntu omunyabwengye buzima, oyegyeire kimwe, burijjo nikwo atwire ari, omu bwengye bw'ensi. Oo, yee. Aboneire. Akatebeekanisa eihe rye n'obwengye bw'ensi, okuhitsya obu, ow'eishe-emwe, otageyzaho ku-kugamba ebigambo byawe. Nooteekwa kumanya eki orikugambaho ku oraabugane omwe aha bantu abo, abarikugira ngu, "Ebiro by'ebi'amahano bikahaha."

168 Ngaaha, taine-taine kirengye ekishatwire. Ni, oo, aru-aru-arugire omuri seminario. Arabukire, ow'eishe-emwe. Nimmanyisa, akyengire, diguri za Ph.D., L.L.D., Q.U.S.T., n'ezo zonna. Mwareeba? Byona birimu okwo, n'omunyabwengye nk'oku arikubaasa kuba. Omunyabwengye, buzima, n'enjoka, endeebya kukira byona. Eishokye rishokoize gye, ow'eishe-emwe, kandi, nimmanyisa, ajwaire, kandi tihariho mufunya aha kooti. Akyengire, aine obwengye kandi naayetegyereza nk'oku arikubaasa. Ekyo kihikire.

Otamuaanisa ku oraabe otarikumanya eki orikugambaho. Ekyo kihikire. Oo, kwonka nitumanya obukoryo bwe bwa-bwa ira. Nitumanya eki arikugyezaho kukora: kutuhitsya aha kwanga kwikiriza Ekigambo kya Ruhanga.

Kandi taine ebirengye ebiri nk'ehuuma. Ngaaha, ngaaha, ngaaha. Hati, nitushanga ngu ku araabe ataine birengye biri nk'ehuuma, obwo naateekwa kuba ekindi kintu. N'endeebya kandi omunyabwengye. N'omunyabwengye, ayegire, atebeekaine. Ow'eishe-emwe, eihe rye ariine atyo.

169 Reeba, ekiro kimwe, okwo omuri Switzerland. Tinkaabaasa kubona omwanya gw'okumariraho, bantu'mwe. Hariho e-e . . . Okwo omuri Switzerland, hakaija eihe eri rya Bugirmaani, niri . . . ry'abazigu bariyo nibataahamu. Ahabw'enki, rikareebeka nk'ekisiika ky'amatafaari; buri mutnu atendekirwe, buri icumu niririraarira riti, fuuti munaana nari ikumi omu maisho. Reero baahika aha bantu bakye enshoberwa ba Switzerland eruguru okwo, bakaba baine ki? Bakaba baine eby'okurwanisa by'e-by'ebisyo biihirwe omuri zaanagyoro zaabo, enkon i n'amabaare, kandi mbabo baayemerera aho. Baabugana nabo. Amaka gaabo gakaba gari enyima y'omushozi. Ndiri hanu eihe ry'abantu ba Switzerland ryarugayo kubabugana. Bakaba bataine eki babashobeize. Bakafa kutaahamu baanyaga ensi yaabo.

170 Buzima omwana ogu akozire ki, omwana muto? Sitaane, niwe ogwo, akaabaire naatwara amagara ge ku yaakubaasize. Buzima. Ngugwo aho; obwire bwe butakahikire. Mwareeba?

abantu ba Switzerland bakaba bataine kintu kyona eki bakozire. Bakaba bari abantu barungi. Bakaba nibagyezaho kurinda amaka gaabo, beitu bakeemerera ebiso okwo kugarinda. Ahanyima y'omwanya mukye, haarugayo omuntu omwe owaabaire naayetwa Arnold von Winkelried. Ndiri hanu eihe eri ryaija. Abantu ba Switzerland boona bakaba bagotsirwe. Baagira bati, "Tukore ki?"

Buri hantu, enkuyanja y'abashaija, batendekirwe gye. Okwo nikwo Sitaane akikora. Atendekirwe gye, eicumu rye risyoireyo, buri muntu naateera entambo omu buteeka; emwe, ibiri; emwe, ibiri; bariyo nibairira haihi n'eие rikye eri. Baka-bakagumizamu nibagyenda, nikyo ekyo kyonka eki baabaire baine kukora, reero baibaitsa, buri omwe, zaarurara zaabo. Amacumu gabogamu. Ogwo gukaabaire omuheru gwa ihe rya Switzerland. Kikaabaire ekyo.

171 Amaka gaabo n'abakundwa baabo bakaba bari enyima y'omushozi. Abakazi baabo bakaabaire nibahambwa n'okutandwa, n'abahara baabo bato, n'abaana baitwa, n'amaka gookibwa, na buri kintu, eby'okurya binyagwa, ente n'ebintu, binyagwa. Mbabo bakaba bari aho.

N'enki ekyabaireho? Okwebemberwa kukataaha omu muntu omwe orikwetwa Arnold von Winkelried. Yaagira ati, "Bantu 'mwe ba Switzerland, eriizooba ninfeera Switzerland." Amiina. "Eriizooba ninfeera Switzerland."

Baagira bati, "Nooza kukora ki?"

Yaagira ati, "Imwe mufe kunkuratira haza murwanise byona ebi mwine." Yaayemerera eruguru okwo; yaanaga ahansi eicumu rye, enkoni nkye ei yaabaire aine omu mukono gwe, nka batyo. Reero yaateera enduuru, ayereerize emikono ye ahaiguru, nka batyo, reero yairuka naayorekyererera eihe eryo, naagambira ahaiguru ati, "Muhigame obusingye butaahemu!" Yairukira kimwe nk'oku arikubaasa, yaahikira kimwe aha ihe. Kandi, ku yaakozire atyo, yaajakura buri icumu nk'oku yaabaasize, reero yaageeteera omu kifuba nka batyo, bwanyima yaafa.

172 Akabagambira, atakagyenzire. Yaagira ati, "Enyima kuri hariyo enju nkye, omukazi kandi n'omwana, abu ndikutsigaho, enju nkye ei mperize kugura." Kandi yaagira ati, "Ni-nimbakunda, kwonka, eriizooba, ninfeera Switzerland. Akaha . . ." Yaagira ati, "Nimpayo amagara gangye kujuna eihanga." Kandi ogwo akaba ari emanzi. Tibakagiraga rutaro kwiha obwo. Ekyo, ekyo kikarumara.

Kikatuntumura eihe eryo, ahabw'obumanzi obwo obwayorekirwe bwerure, okuhitsya obu haabaire hatariho . . . Ei-eihe rikashoberwa munonga. Abantu ba Switzerland bakabahiringitsaho amabaare, kandi baababinga omu nsi yaabo; kandi tibakagarukagayo kwiha obwo. Hahingwire emyaka amagana n'amagana kibaireho. Mwareeba? Ahabw'enki?

173 Ekyo kikaba kiri ekikorwa ky'amaani.

Kwonka, oo, ow'eishe-emwe, ekiro kimwe, obutamanya, emigyenco, okubangaanisa, okushoberwa, n'okutiina, ku byabaire bifundiriize abantu ba Ruhanga omu nshonda. Hakaba hariho omuntu Omwe orikwetwa Yesu Kristo owaagizire ati, "Eriizooba ninfeera abantu." Ekyo kihikire.

Akagambira ki eihe rye? "Munkurate kandi murwanise buri kintu eki mwine. Ku muraabe mwine ekihuuzo, murwanise ekihuuzo. Mutatiina. Ku muraabe mwine enkoni, murwanise enkoni. Ku muraabe mwine eibaare, murwanise eibaare, eki mwine kyona."

Ekyo nikyo Kaputaini waitu Omukuru arikugamba eriizooba. Ati, "Nkaikiriza Ekigambo kya Ruhanga, reero naasingura Sitaane n'amaani ge." Akamutematem kubi munonga, amiina, n'ekyo Kigambo. Hati, eki oine kyona, ku oraabe oine Ekigambo kimwe kyonka ngu, "Mukama Ruhanga waawe okutambira endwara," mutematem. Mukurate. Amiina. Mukuratre Kaputaini waitu. Eego, sebo. Akamutematem.

174 Sitaane, n'obugabe bwe buhangi, burungi, n'okweyongyera oburungi, na buri kintu, byona eby'eriigyenda. Tibiine kakwate naitwe. Ekyo kihikire. Akiri omunyabwengye orikukira enyamaishwa zonna z'omu ishwa. Eego, sebo. Yesu akagira ngu abaana b'ensi egi baine obwengye kukira abaana b'Obukama bwa Ruhanga.

Hati, endwano ibiri nkuru ezi. Twaza . . . Nyine . . . nintekwa kumara. Endwano ibiri nkuru ezi nizirwanwa hati hati. Hati hati nibwo bwire obu oburwaire n'ebindi biteire ensi, kuhitsya obu sayansa y'ab'eirwariro eremirwe, kandi na buri kintu kiremirwe. Tihariho kintu kyona, kandi-kandi nituza . . . Kandi eihe, eihe rikye rya Ruhanga, ririyo nirifundirizibwa omu nshonda na buri kintu. Ow'eishe-emwe, n'obwire bw'ondijo Arnold Von Winkelried.

175 N'obwire, obwire bw'ondijo muntu wa Ruhanga kurugayo akeemerera. N'obwire bwa Eliya kureebeka. N'obwire bw'okugira ekyabaho.

Eihe rya Ruhanga, mukingye ebiteekateeko byanyu. Muteemerera kumara edakiika, kuteekateeka aha kintu

kyona eki Sitaane aine kubaha kurabira omu bihurikizo byanyu. Kureka mwijukye, Ekigambo kya Ruhanga tikirikubaasa kuremwa.

Amahe abiri g'amaani aga! Omuzigu ku ataahamu nk'omwegenyemure, nk'oku arikwija eriizooba, Ruhanga Akagira ngu aryakora ki? "Omwendo wa Ruhanga aryaimutsya omucungiro kumurwanisa." Ori omwe aharibo? Eego, sebo.

176 Nitwegyesibwa omu kitabo kya Yakobo 4:7 . . . Tiinyine bwire kukishoma. Yakobo 4:7, ngu, "Murwanise Sitaane, kandi," tarifa kurugaho, kureka, "aryabahunga." "Murwanise Sitaane." Sitaane n'omurwanisa ota? Omuringo ogu Kaputaini waiyu Omukuru yaatugambire kukikora. Ikiriza Ekigambo kya Ruhanga. Okwo nikwo orwanisa Sitaane, n'ahabw'Ekigambo kya Ruhanga. Kaputaini Omukuru akatugambira oku kyakozirwe. Ni kurungi.

177 Hati, omu kuhendera, niinyenda kugamba eki. Sitaane wa ira ogwo, hati, nimuteekateeka ngu aine enshoni. Nimuteekateeka ngu naaza kutaahirira omwana? Naija kutaahirira ekintu kyona. Akataahirira Yesu Kristo. Akamwizira, n'okutaahirira kw'amaani kw'emiringo eshatu. Ekyo mubaire nimukimanya? Sitaane tarafuire kutaahirira rimwe ryonka. Naija kukutaahirira n'endwara, bwanyima hanu naija kugaruka kandi akutaahirire, akugire ati, "Ebiro by'ebi'amahano bikahingura. Tokakizire. Tikiine mugasho." Nimumanya ngu ekyo kihikire?

Akataahirira Yesu emirundi eshatu. Okutaahirira kukazire kw'emirundi eshatu, ei yaataahiririre Yesu, n'okutaikiriza kwe omu Kigambo kya Ruhanga. Yesu akaba ari Ekigambo. Buzima, tarakiikiriize. Ati, "Ku Oraabe ori . . . Ku Oraabe ori . . ." Ngugu hanu yaija, n'okutaahirira kw'amaani, nk'oku obumwe n'obumwe omuzigu akora ebiro ebi. Mbaba hanu bajja, baagira bati, "Ku Oraabe ori Omwendo wa Ruhanga, nyoreka eky'amahano. Ka nkireebe nikikorwa." Ow'eishe-emwe, okutaahirira kw'amaani kw'emirundi eshatu oku yaataahizemu, "Ku Oraabe . . . Ku Oraabe ori . . ."

178 Hati, Yesu akakora ki? Yesu akaba ari Ekigambo kya Ruhanga. Akaba ari Ekigambo. Akataahirira Ekigambo. Ekitiinisa! Na-naatandika . . . kwehurira gye, kubuurira hati, buzima nikwo ndi. Ekyo kihikire. Yesu niwe Kigambo. "Bwambere na mbere hakaba hariho Kigambo, kandi Kigambo akaba atuura na Ruhanga, kandi Kigambo akaba ari Ruhanga. Kandi Kigambo yaatuura, yaaba omuntu, kandi yaatuura . . ." Yesu akaba ari Ekigambo. Akakora ki? Akamutematema kubi munonga. Oo, mugyenzi! Naaza kumara. Yesu akakora ki? Akaba ari Ekigambo. N'ahabw'ekyo, ahabw'Ekigambo, Akatema Sitaane omu kutaahirira kwe kw'amaani. Akamugurukira aho nk'ekibiina ky'a-abaserukare emanzi abarikutaahirira nk'eihunga, nari ekindi kintu nk'ekyo, yaagurukira Yesu, Ekigambo, nka batyo. Kandi Yesu yaakwata Ekigambo ekyo, reero yaamusharashara obucwekacweka. Haleluya! Buzima, akamusharashara obucwekacweka, yaamusingura n'Ekigambo.

179 Nimureeba okutaahirira kwe? Mureebe, muhurikize eki mufireyo, niimara. Okutaahirira kwe niki? Kutaikiriza Ekigambo kya Ruhanga, okwo nikwo kutaahirira kwe. Aho, nimubaasa kureeba orugamba orurukukirayo orurarwainwe? Hariho amaani abiri gonka; Sitaane na Ruhanga. Mbwenu ekikwato kya Sitaane ky'okukurwanisa niki? N'okugyezaho kutuma otaikiriza Ekikwato kyawe. Naakwaka eky'okurwanisa. Ka-ka tuhurikize gye tuhunani hati. Muhurikize. Ku yaakubaasa kutuma otaikiriza Eky'okurwanisa kyawe ningana, ku yaakutuma waikiriza ngu Eky'okurwanisa kyawe tikiine maani agarikugasha, yaakwaka eky'okurwanisa.

Oo, ow'eishe-emwe Neville, nyine amatsiko ngu ekyo titurikireka na kakye. [Ow'eishe-emwe Neville yaagira ati, "Nyine amatsiko kandi ninshaba ngu kitaba kwo." -Omur.]

Mureebe. Naaba yaakwaka eky'okurwanisa yaakureetera kutaikiriza eky'okurwanisa ekyo. Ekyo waakita ahansi, okurwana kwawe nikuba kwahwa. Ohweire. Guma okwatsire eky'okurwanisa ekyo. Otakita ahansi. Nitureeba okutaikiriza kwe. Ka . . .

Ekintu kimwe ekindi eki ndikwenda kugamba hati, omu dakiika emwe.

180 Russia. Niinyenda kugamba eki ahaw'okugasira baakahonaho, n'abandi, hanu, kandi naimwe abeegi ba Baiburi. N'enki eki murikuteerera empaka n'okugambira ahaiguru ahari Russia? Ha! Timukahuriraga nimbagambira kwombeka obwesherekwa bw'okwekingira zaabomu, tikwo? Nimuteerera ki empaka ahari Russia? Russia ti kintu. Tibarikuza kusingura orutaro na rumwe. Tibarikuza kusingura ensi na kakye. Obukomyunizimu tibarikuza kusingura ensi. Abantu babaire ki? Ekigambo kya Ruhanga nikibaasa kuremwa?

Muhurikize, eki nikikwatwa aha rutambi rw'amaraka hati. Ningambira, ensi, nari hoonahoona ahu entambi z'amaraka ezi zirikubaasa kuza. Kandi naimwe Bantu 'mwe abari hanu, tikiine nshonga ekirambeho kyona, imwe mwikirize eki.

Russia, komyunizimu, tihaine eki erikwija kusingura. Ekigambo kya Ruhanga tikirikubaasa kuremwa. Oburooma nibuza kusingura ensi.

181 Ka tukwate okworekwa kwa Danieli. Ekyo n'Ekigambo kya Ruhanga. "Nyakusinga Danieli . . ." "Nyakusinga, Omugabe Nebukadeneeza, niwe ogu mutwe gw'ezabu, Babulooni." Obundi bugabe buryakukurata, nibwo efeyeza, "mwareeba, obwabaire buri obwa Bumedi na Buperesi. Obundi bukaba buri obwa Bugriika, Alexander Omukuru. Obwakuratsireho, hataahamu, Rooma. Kandi Tihariho kintu kyona ekyagambirwe ahari komyunizimu. Rooma ekasingura ensi.

Yesu Kristo akazaarirwa mu bugabe bw'Abarooma, kandi yaahiigwa, omurundi Gwe gw'okubanza kwija hanu, n'obugabe bw'Abarooma. Kandi aha Kwija Kwe kwa kabiri, Okwija hati, Obutumwa Bwe nibuhiigwa ebigombe by'amadiini g'Abarooma, niyo nyina yaabyo byona. Kandi ku Araagarukye, Aryagaruka kumaraho obugabe bw'Abarooma obwo, ahu Abayudaaya burijo batuura Bamutegyereize kwija reero akamaraho obugabe bw'Abarooma.

Obwembebezi bw'obukatoriki n'ebigombe by'amadiini byona omu nsi, hati hati nibyeteerana nk'ekibiina, okweteerana kw'amakanisa nigeekoram u ekibiina hamwe. Teri Russia. Ni Rooma. OKU NIKWO MUKAMA ARIKUGIRA. Yee.

182 Nyoreka Ekyahandiikirwe kimwe ahu komyunizimu, nari ekindi kintu kyona etari Rooma, eritegyeka.

Abamedi n'Abaperesi bakakuratira Nebukadeneeza? Buzima. Bugriika ekabakurata? Yee. Rooma ekabategyeke, kuruga aho? Ekeecwamu omu bugabe ikumi bwa Ottoman nk'oku tubwine hati? Buka . . .

Eisenhower, ekirikumanyisa "ekyoma." Khruschev nirimanyisa "eibumba." Bakagira oruteerane rwabo hanu? Kandi Khruschev yaajuura enkaito ye. [Ow'eishe-emwe Branham yaakongoota aha kituuti -Omur.] Kukyoreka bwerure, ekintu ekirikureebwa, akateera aha meeza ndaingwa, nka batyo, okworeka abantu. [Ow'eishe-emwe Branham yaakongoota aha kituuti.]

Mbwenu, abantu babaire ki ebiro ebi?

183 Okwikiriza kurahi? Ahabw'enki, timurikwikiriza ngu Ekigambo kya Ruhanga n'Amazima? [Abateeraine baagira bati, "Amiina." -Omur.] Kandi ekintu ekyo Omu tikirimu. Ababuurizi babaire ki ebiro ebi? "Komyunizimu!" Buri mubuurizi ari aheeru aha naagyezaho kurwanisa komyunizimu. Komyunizimu, ni busha!

Ekyo kintu, Sitaane ariyo naakikorera ahansi y'enyindo yaawe, kandi torukumanya; n'Oburooma, obunyabigombe by'amadiini. Kandi Rooma niyo nyina w'ebigombe by'amadiini. Baiburi ekagira ngu, "Akaba ari maraaya, n'abahara be bakaba bari baamaraaya," kuhakanisa Ruhanga, kuhakanisa Ekigambo Kye.

Abaserukare, mukwate Ekigambo. Baamaraika b'embabazi, mugume n'ekyo Kigambo. Ekiro kimwe ndyafa, kwonka Ekigambo eki tikikaafa. Kandi imwe minyeeto 'mwe, ku kiraabe kitabaireho omu busingye bwangye, nimwija kureeba. Ekintu nikyo ekyo.

184 Mwahurira amakuru akasheeshe aka? Muka Kennedy arikuza, kureeba paapa, kandi n'eki paapa agambire. Mwareeba, amadiini g'ensi goona! Oo! Mpaho, obundi nituza kutunga ebindi bikye by'ekyo Sande erikukurataho.

185 Mwareeba, mutaayeraa rikirira ahabwa Russia. Russia n'akabaare kakye k'aha nkungu y'enyanja. Mutaayeraa rikirira ahabwa komyunizimu. Imwe mureebe Oburooma bwaba nibwegaita n'amakanisa. Tihariho ekintu kyona ekihandiikirwe omu Byahandiikirwe ahari komyunizimu kutegyeke ensi.

Kandi ningyenda n'Ekigambo, ntarikufa aha ki ekindi kyona kirikugyenda nakyo. N'Ekigambo eki ndikwikiriza. N'Oburooma oburitegyeka ensi. Kandi Oburooma nibwo nyina w'ebibiina by'amadiini. Hakaba hatakabahoga kibiina ky'ediini okuhitsya obu Rooma, kandi na buri kimwe omuribyo kyagirugiremu. Na Baiburi nikwo yaagizire eti, "Akaba ari nyina wa baamaraaya." Nimbaasa kukigumaho ekicweka ky'eizooba, nabwo, kwonka nintebereza nimbaasa kugumizamu omumaisho.

186 Omuzigu ku atutaahirira, obwo, "Oo, ninkugambira, oshemereire kwija okeegaita n'ekyaitu . . ." Nooza kukora ki, kubirugaho, kworobyamu? Ogwo ti muserukare kashushu, tarikubaasa. Ngaaha, sebo.

Mbwenu nitukora ki? Ebiteekateeko, "K'ebiteekateeko ebyabaire biri omuri Kristo . . ." Ekyo nikyo Baiburi yaagambire? [Abateeraine baagira bati, "Amiina." -Omur.] "Ebiteekateeko ebyabaire biri omuri Kristo, bibe naimwe." Ni biteekateeko bya muringo ki ebi Yaabaire aine? Kuguma n'Ekigambo. Ekyo kihikire. Kuguma n'Ekigambo, Ekigambo kya Ishe, kandi yaasingura omuzigu buri kaire.

187 Hati omuzigu ku araakutaahirire kandi akagyezaho kugira ngu nooteekwa kukora eki kandi okore kiri, nooza kukora ki? Guma n'Ekigambo. Ekyo kihikire.

Obwire obwo nooyenda ngu okore ki? Kwata Ekigambo. Ekigambo niki? Baiburi ekagamba hanu. Twaheza kukishoma. Ahakuba Omwoyo, kandi wa Ruhanga, n'Ekigambo. Mwareeba? Mureebe hanu. "Kandi ojware enkofiira y'okujunwa, na Rurara, Rurara y'Omwoyo." Rurara y'Omwoyo! Niki? Omwoyo otaahamu kurabira omu biteekateeko byawe reero akakutaahamu, reero Rurara y'Omwoyo ogwo nikyo Kigambo kya Ruhanga.

Omwoyo ogwo arwanisa ki? Omwoyo Orikwera arwanisa ki, okukyamukirira, okuhuririra mu mubiri? [Abateeraine baagira bati, "Ekigambo." -Omur.] Ekigambo; omutima! Hyu! Ekitiinisa! Naarwanisa ki, okuhuririra mu mubiri? Ekigambo! Ekigambo! Ka tukigambe, Ekigambo! ["Ekigambo!"] Ekigambo! ["Ekigambo!"] Ekigambo kya Ruhanga nikyo Omwoyo akoresa omu kurwana.

Omwoyo wa Ruhanga naagyendera kimwe ahika ahari Sitaane, reero agire ati, "Kikahandiikwa!" Amiina! "Kikahandiikwa!" Reero Sitaane arugaho.

188 Nitukora ki? Nitukwata Rurara, nikyo Kigambo kya Ruhanga, Tukikurure (naki?) n'omukono gw'okwikiriza, omukono gw'amaani gw'okwikiriza, Rurara y'amoogi abiri. Baiburi ekagamba, omu kitabo ky'Abaheburaayo 4, eti, "Ni-Ni Rurara y'amoogi abiri," neetema embaju zombi waaba noija na waaba noogyenda.

Ow'eishe-emwe, akora ki? Kwata Ekigambo. Twara Omwoyo, ikiriza Omwoyo ataahe omu mutima gwawe. Igura ebiteekateeko byawe, ogire oti, "Ekigambo Kyawe n'amazima." Hati, kora eki, ow'eishe-emwekazi. [Ow'eishe-emwe Branham yaagaruka yaagamba n'ow'eishe-emwekazi orwaire -Omur.] "Ekigambo Kyawe n'amazima."

Oti, "Mukama, tindikuza kufayo oku ndikwehurira, eki omuntu weena, ondijo araagambe. Ndiyo nindekyera aho, ndiyo nimboneza buri muhanda gwangye, okushoberwa kwona, n'okubangaanisa, n'okutaikiriza ebi ndagizire. Buri kuhuririra mu mubiri kwona oku ndagizire, oburwaire bwona obu ndagizire, buri kintu ekindi eki ndagizire, byona nimbinaga aheeru. Ebyo byona nimbyekiikuura. Niinyizira kimwe nshorongire aha mwoyo gwangye.

189 Ai Mukama, shuuma. Okagira ngu Okampanga ndi omuntu oine obugabe bw'okwecweramu."

"Nikwo ori, mwana Wangye."

"Ni kurungi, niinyigura omutima gwangye n'ebiteekateeko byangye. Taahamu, Mukama Yesu."

Reero ojakure okwo Kwikiriza, Rurara egyo y'Omwoyo, OKU NIKWO MUKAMA ARIKUGIRA. Ogambire ahaiguru oti, "Haleluya!" Amiina. Bwanyima otemateme buri muzigu okuri omu maisho. Amiina. Nikyo ekyo. Tematema buri muzigu. Ku o-omuzimu ogureeta obwoba ogwa ira ogutuma waayehuriramu weena . . . Tematema ekyo kintu okiiheho, n'Ekigambo kya Mukama.

"Ndugaho." Muteere n'amaani! Mutemese Ekigambo.

190 Yaaba ni daimoni, yaaba n'omuzigu, yaaba n'oburwaire, yaaba n'endwara, eki kiri kyona, kwata ekyo Kigambo reero okikuruze Rurara.

Kandi ku oraakiteere n'amaani omurundi gw'okubanza, kikareebeka nk'ekitarikwetengyetsa, garuka okiteere n'amaani, kandi ogarukye okiteere n'amaani, kandi ogarukye okiteere n'amaani. Kandi okiteere n'amaani okuhitsya obu oraafumuremu ekiina, nk'akaana k'enkokoko kariyo nikeeyihamu ahabwako; nari empungu, eki ori. Yeいけ omuri ekyo kikogotsyo ekya ira ky'oburwaire. Tema oteho omuhanda oshohore, reero ogire oti, "Haleluya! Obundi burahi?" Amiina. Orwo nirwo rugamba. Ogwo n'omuserukare w'omusharaba. Eego, sebo.

191 Teera onagye buri muzigu aheeru.

Ahabw'enki? Ahabw'enki? Itwe, abaamanyirwe ira tutakabaireho, Oruzaaro rw'obugabe rwa Abrahamu. Abrahamu ku yaayangire buri kintu ekyabaire nikihakanisa Ekigambo kya Ruhanga, akatematema yaataho omuhanda gwe kuraba omuri buri nkongi eyaizire omu maisho ge. Bakagira bati, "Omukazi waawe akaikwire munonga." Akatematema ekintu ekyo yaakiiha omu muhanda. Sitaane akagira ati, "Torikubaasa kukora eki. Torikubaasa kukora kiri." Abrahamu akakitematema yaakiiha omu muhanda. Akakiteera n'amaani, kandi yaakiteera n'amaani, okuhitsya obu yaasigwire.

"Ahandi ni nkahi, Mukama?"

"Teera eihema ryawe aharuguru hanu." Yanyegyera kandi yaamwombekyera eitambiro eruguru okwo.

Yaahikayo, reero Sitaane yaija, yaagira ati, "Hati, ninkugambira, ogu ti mwanya murungi."

Ati, "Ninza kuguma hanu honyini. Ruga aha mwanya gwangye." Yaagira ati, "Haleluya!"

Looti yaagira ati, "Kikaabaire kirungi oija ahaifo aha. Twine obwire burungi ahaifo aha. Twena twine ekibiina kyaitu eifo hanu. Ahabw'enki, omukazi wangye niwe mukuru w'ekibiina ky'abahandiiki n'ebindi byona, omu rurembo. Ninkugambira, oshemereire kwija eifo hanu.

192 "Saara yaagira ati, "Abrahamu . . ."

"Hunama, Saara." Haleluya! "Yemerera aha honyini. Aha niho ahu Ruhanga yanteire. Hanu honyini niho ndikuza kwemerera."

Hanu niho ahu Ruhanga yanteire.

Mwena musingize amaani g'Eiziina rya Yesu!

Ka Baamaraika bagwe barambiire;

Mureete ekirunga ky'obukama

Kandi Mumujwekye ekirunga Mukama wa boona.

Niinyemerera, ahari Kristo, Orukiri orugumire;

Ahandi hoona n'omusheenyi ogurikutobera,

Ahandi hoona n'omusheenyi ogurikutobera.

Nangwa na rufu yonka, n'ekindi kyona, n'omusheenyi ogurikutobera. Niinyemerera, ahari Kristo, Orukiri orugumire.

“Oruzaaro rw'obukama rwa Abrahamu.” Oruzaaro rw'obukama!

193 Ahabw'enki, eihe rya Bungyereza eritoorainwe gye munonga n'ekika ky'obugabe kya Bungyereza, eshagama y'obugabe, buri kintu. Mbwenu n'Oruzaaro rw'obugabe rwa Kristo n'Ekanisa ejiwire Omwoyo Orikwera, ejiwire Omwoyo Orikwera. Niki? Oruzaaro rw'obugabe, ahabw'okuragaanisibwa, atari ahabw'okukyamukirira. Kureka, ahabw'okuragaanisa kwa Ruhanga, nibeemerera ahabw'Ekigambo kya Ruhanga, reero batematema batunga omuhanda gwabo gw'okurabamu, nibateera akaari bati, “Haleluya!”

Nangwa na rufu neija kandi egira eti, “Rwaija nirushooba bwesherekye.”

Ogire oti, “Higama, Yorudaani. Ndiyo niinyambuka.” Tema otungye omuhanda gwawe orabemu, ohikye omu Nsi eyaaraganisiibwe. Amiina.

194 N'enki ekibaho orugamba ku ruhwa? Niimpendera hati, buzima kwo. Orugamba ku ruhwa, n'abarikwera bakaija nibatambura omu buteeka nibaza Omuka, niinyenda kugira eki naababuza, n'enki ekyabaireho?

N'enki ekyabaireho obu Hitler yaaza omuri Bufaransa? Ahabw'enki, bakagira ngu okaba otarikubaasa n'okureeba eiguru, kumara akaanya kakye, ahabw'endegye nyingi. Abagirimaani bakateera entambo omu buteeka bagamiisize amaguru. [Ow'eishe-emwe Branham yaateera entambo omu buteeka agamiisize amaguru aha kituuti kabiri -Omur.] Mwareeba, bakaba beemereire, nibarabaho, nibajaguza obusinguzi.

Stalin ku yaizire Russia, mairo nyingi enyima, buri tanka eri enyima y'endijo kakye, yaataahirira n'emizinga y'embundu Berlin okuhitsya obu hataraho kintu kyona ekyatsigaireho. Nikyo ekyo. Kandi ku baagyenzire, reero Abagirimaani aba . . . Abaserukare ba Russia aba nibajaguza, bakataahamu n'ekyo, nimumanya, ekyo kintu kikye ekirikushetsya eki bakora. Nkakireeba sineema, omurundi gumwe omuri London, oku baataahiremu, sineema yonyini y'ekintu ahu, ekyabaireho, nibataahamu, nibajaguza.

Oo, mugyenzi!

Ku twahuriire ngu orutaro ruhweire, tukateera akaari, twateera efurembe. Amamanzi ku gaagarukire, tukagabugana eruguru okwo. Baateera akaari. Baagambira ahaiguru.

195 Nkaba nyine muzaara wangye owaabaire ariyo, yaagira, ku yaagarukire, boona aba ira . . . Baakahonaho abaabaire baine enkojo mbi munonga, bakaba batarikubaasa kwimuka omu kitanda, n'ahabw'ekyo bakafa kubazingazinga baabata ahaiguru y'emeeri ku baataahiremu, kureeba Ekishushani ky'eibumba ky'Obusingye kyemereire. Baagira bati, “Abo bashaija bahango b'amaani beemereire aho, nibarira kwonka, reero bagwererana batungikiraine batyo, ku baareebire ekyo Kishushani ky'Obusingye.” Bakaba bamazire emyaka ena barugire omuka, nibarwana, bakangaraine ahabw'orugamba, n'ebindi nk'ebyo. Kwonka bakaba nibamanya ngu ogwo mukazi, n'omukundwa, na nyina, na ishe, n'abaana, n'abo boona abu baabaire nibakunda, bakaba bari enyima y'ekyo Kishushani ky'Obusingye. Kikaba kijwekyeire eki baabaire nibarwanira. Oo, efurembe zikateerwa, na New York yaaza omu kuyogoorekana, nikyo ekyo, amamanzi gaabo ku gaizire nigateera entambo omu buteeka. Ekyo kiryaba ekintu kikye.

196 Obwire bumwe obu Kaisaari, ahanyima y'orugamba rw'amaani, akagira ati, “Niinyenda omurwani wangye orukukirayo kurangaanwa atembe ekigaari hamwe naanye omu kujaguza kukuru oku kw'okusingura omuzigu waitu.” Reero ba ofiisa boona baashemeza amooya gaabo kandi baasiimuura engabo zaabo, reero baarabaho omu buteeka, nimumanya, nka batyo, nka-nk'abaserukare bonyini batyo. Ahanyima y'akaanya kakye, omushaija mukye, omugurusu yaija, atemirwe. Mugyenzi! Akaranzya nk'ahaiguru, reero yaatandika, nka batyo. Kaisaari yaagira ati, “Rindaho edakiika emwe. Rindaho edakiika emwe. Iwe,” atajwaire nangwa nk'o-ofiisa, yaagira ati, “ija hanu.” Yaagira ati, “Ezo nkojo okaziha nkahi?”

Yaagira ati, “Okwo omu irwaniro.”

Kaisaari yaagira ati, “Tomba oije hanu. Niwe omuntu ou ndikwenda ngu anshutame aha rubaju.” Ahabw'enki? Akooreka ngu akaba ari omu rugamba.

Ai Ruhanga, girira esaasi omuntu orikubaasa kutemera omukono gwe aha mukyebe gw'obw'nyanja bukye bwa sadiini kandi akagambwa omu kihandiko ky'okwijukiraho amamanzi. Niinyenda kugira enkojo z'orugamba. Nka Paulo oku yaagizire ati, “Nyine enkojo za Yesu Kristo aha mubiri gwangye.” Egyo niyo nshonga ndikwenda kurwanira omu kishaayi.

197 Ekiro kimwe, Kaputaini waitu w'amaani Omukuru ku araije, Owaatuhaire ebirwaniso, Owaatuhaire eby'okurwanisa bya Ruhanga, Omwoyo Orikwera, akatuha Ekigambo Kye kuba nikyo twakoresa mu kurwana, akeemerera aho; Kaputaini waitu w'amaani Omukuru ku araije atembire ekigaari, niinyenda kuza omu kigaari reero nvugye nz'Omuka Nawe. Naimwe tikwo? [Abateeraine baagira bati, Amiina.“ -Omur.] N'ahabw'ekyo ku ndaakwate omukono gw'omukazi wangye mukye okuzire, nkamagamaga hanu reero nkareeba ab'eishe-emwe bagyenzi bangye n'abakazi baabo, n'abaana baabo, twatandika kutambura nitushuma kuraba omuri ezo paradiso za Ruhanga, n'omu mwanya haijwiremu ebyeshongoro bya Baamaraika, ahaiguru batyo, kyo gamba aha kujagu!

Kandi orugamba ku rurihwa, turyajwara ekirunga. Oo, mugyensi! Oo, abaserukare b'omusharaba, akasheeshe aka, banga ogwo mukono gw'okwikiriza aheeru hanu, reero okwate Ekikwato eki.

Kiri kita, ow'eishe-emwekazi, oyeteekateekire? [Ow'eishe-emwe Branham yaagaruka yaagamba n'ow'eishe-emwekazi orwaire -Omur.] Syorayo Ekikwato ekyo, ogire oti, “Ruhanga, tindikufayo eki-eki Sitaane angambiire, omuntu weena n'obu yaakuba agambire ebirkwingana ki. Akasheeshe aka, niinyikiriza.” [Ow'eishe-emwekazi yaagira ati, “Naanye, niinyikiriza.”] “Niinyikiriza.”

198 Nk'oku naagambire ekiro kiri, kakye . . . Niinyikiriza Sande nkye ezhingwire, hakaba hariho omushaija owaatungire ekirooto. Akaroota ngu Sitaane akaba ari akantu kakye kakuzire, yairuka yaamwizira. Sitaane yaagira ati, “Buu!” Reero omushaija yaaguruka yaagaruka enyima, kandi Sitaane yaaba muhango. Sitaane yaagira ati, “Buu!” kandi omushaija yaaguruka yaagaruka enyima, reero Sitaane yaaba muhango munonga. Aha muheru, Sitaane akaba muhango nkawe, akaba naaza kumusingura. Yaamanya ngu akaba naateekwa kumurwanisa n'ekintu, n'ahabw'ekyo yaaranzya oku n'oku. Tiyaabaasa kubona kintu kyona eky'okumurwanisa. Yaafa kukwata Baiburi. Reero Sitaane yaagira ati, “Buu!” Omushaija yaagira ati, “Buu!” naagaruriza Sitaane, reero Sitaane yaaba mukye munonga, kandi mukye munonga, kandi mukye munonga. Reero, aha muheru, akamuteera yaamwitisa Ekigambo.

199 Ori omuserukare, tikwo, ow'eishe-emwakazi? [Ow'eishe-emwe Branham yaagaruka yaagamba n'ow'eishe-emwekazi orwaire -Omur.] Kwata ekyo Kigambo reero ogire oti, “Kikahandiikwa.” Amiina. “Tindikuza kufa. Ninja kukira. Ninja kushutama omuri tabirinaakuru egi kandi mpimbise Ruhanga ahabw'oburungi Bwe, hamwe n'abandi.”

Ekyo nimukiikiriza, abarikwera? [Abateeraine baagira bati, “Amiina.” -Omur.] Amiina.

Ka twinikye emitwe yaitu.

200 Ai Mukama Ruhanga, Omuhangi w'eiguru n'ensi, ka kimanywe eriizooba ngu na hati Okiri Ruhanga. N'obu naakubuurira obwingana ki, nkagamba ebintu bingi bita, Mukama, Ekigambo kimwe kuruga Ahariiwe nikimara.

Ebitambaara ebi biri hanu, bijwekeyire abantu abarwaire. Ninshaba, Tataitwe ow'omu Iguru, ngu Emigisha Yaawe n'amaani bize ahari buri kimwe aharibyo, naaba nimbitaho engaro zangye. Ruhanga, omu Iziina rya Yesu Kristo, ninshaba ngu Oshukye amajuta aha bitambaara ebi n'Okubaho Kwawe okurikwera, ahakuba kikahandiikwa omu Kigambo. Tikiri kintu ekiruhakanisa Ekigambo, kureka kikagambwa omu Kigambo, ngu, “Bakaiha aha mubiri gwa Paulo, ebitambaara n'emyenda. Emoyo mibi yaaruga omu bantu, kandi baakira endwara ezitari zimwe.” Hati, tituri Orikwera Paulo, kwonka okiri Ruhanga, kandi okiri Omwoyo Orikwera ogwo omwe na hati. Ninta engaro zangye aha bitambaara ebi, omu Iziina rya Mukama Yesu, kandi ninshaba ngu Ohe omugisha kandi otambire buri omwe omuribo.

201 Kandi, Ruhanga, ogu obyami hanu omu kitanda, osiibire abyami aha t'ondijo kureka omwana, omwishiki muto murungi. Tarikubasa kubaho, Mukama. Sitaane amukozire kubi. Kandi abashaho abakundwa b'ensi egi bagyerizeho munonga, tihariho kubangaanisa, kujuna omwana ogu. Tibarikubaasa kukikora. Obwengye bwabo buhweireyo. Tibarikumanya ekindi kintu kyona ky'okukora. Kwonka, Mukama, nshemereirwe munonga ahabw'okuba hariho eshuura endijjo ehandiikirwe. Nitubaasa kubiikura orundi rupapura, kandi omu rupapura oru nitureeba Omushaho Omukuru naataahamu. Nitumweta kutuhanuurira akasheeshe aka.

202 Hati, Mukama, tikihandiikirwe hanu omu Kigambo Kyawe, ngu, “Obumanyiso obu buryaguma nibureebwa omuri abo abarikwikiriza”? Mukama, ku ndaabe ntari mwikiriza, mpindura omwikiriza hati. Omwishiki muto ogu ku araabe atari mwikiriza, muhindure omwikiriza hati.“ Obumanyiso obu buryaguma nibureebwa omuri abo abarikwikiriza; ku barita engaro zaabo aha barwaire, baryakira.” Nabwo kikahandiikwa ngu, “Baryabinga baadaimoni omu Iziina Ryangye.” Mukama, ebyo-ebyo n'Ebigambo Byawe. N'Ebyawe. N'Ekigambo Kyawe. Mbwenu hati nk'omuheereza Waawe . . .

Nk'oku Waagambire oti, “Ku bariba bari babiri nari bashatu baateeranira hamwe, Ndyaba ndi ahagati yaanyu; ku muraikirizana, aha kintu kimwe, haza mukashaba, muryakiheebwa.”

203 Ruhanga, omwana ogu shana niwe muntu orwaire munonga kukirayo omu kyombeko eki akasheeshe aka, ahabw'okuba tarikubaasa kubaho Otariho, omwanya muraingwa munonga, kandi niwe orwaire munonga. N'ahabw'ekyo, itwe twena, nitwikirizana, nka buri muserukare oyemereire hanu. Kandi omu kibiina eki heemereiremu Oruzaro rw'obugabe rwa Abrahamu.

Nitugyenda omumaisho omu buteeka kurwanisa Sitaane hati. Kandi noobaasa kweteekateeka kugyenda, Sitaane, habw'okuba eby'okurwanisa byaitu nibiriraarira, ebendera nizeehuuba; abashaija n'abakazi bakwaitse Zaarurara, nitugyenda omu buteeka omumaisho hati kukurwanisa, ahabw'omwishiki muto ogu. Murugyemu, Sitaane. Reka omwana ogwo. Nk'eithe rya Ruhanga ohuriire, twakwangira. Murugyeho, omu Iziina rya Yesu Kristo.

Ninza kumutaho engaro.

204 Kandi, Sitaane, okomire omwana ogu, okozire ekibi eki. Nimmanya ngu oine amaani kukira omuntu, kwonka tori kintu ahari Mukama wangye, n'ahabw'ekyo niinyija omu Iziina Rye. Murugyeho, iwe mwoyo gwa Sitaane 'we. Iwe daimoni w'oburwaire, ruga omu mwana ogu, kandi abaase kugyenda n'obusingye, kwiha eriizooba n'okugumizamu. Ningamba eki, omu Iziina rya Yesu Kristo.

Hati, Mukama Ruhanga, Iwe Owaazoire abafu kandi okahamyu ngu Okaba ori Ruhanga, imutsya egi mpangare ogihe amagara n'amaani ogundi murundi, kugira ngu aije kwemerera omu kyombeko eki hanu. Sitaane yaamurugaho! . . . ? . . . yaaza kumutambira. Ninshaba ngu atuureho ahabw'ekitiinisa n'eifubo bya Ruhanga.

Kya-Kyaheza kugambwa, hati ka kikorwe.

205 Hariho abandi hanu abarikwenda kwimutsya emikono yaanyu reero mukagira muti, "Niinyenda kushabirwa. Ndwaire. Niinyetenga Ruhanga"? Tindikumanya obwire obu twine oku burikwingana. Twine obwire oburikumara kwikiriza abantu aba bakaraba hanu. Niinyehuriram ukuhuumuzibwa kwonyini akasheeshe aka hati. Yee. Yee. Niinyenda ngu oshuumre oije hanu, Billy, reero shana okwate ekicweka eki hanu honyini, aha rubaju oru hanu, rwonka. Reka ekicweka eki kibanze kwija, bwanyima tukwate ekicweka ky'enyima ahanyima y'ekyo, kuhika ahari ako kahanda ka rwagati aho. Bwanyima nituza kubatwara nka batyo, obwo tibaraije . . .

Kandi hati niinyenda Ow'eishe-emwe Neville na bamwe aha baheereza ab'eishe-emwe bagyenzi bangye kwemerera enyima hanu aha rubaju rwangye, hanu honyini, nikwo mubaase kubatwara kushuumira kimwe omu kahanda ka rwagati omurundi ogundi. Ni kurungi. Ni kirungi.

206 Hati ni . . .

Ni bangahi omuriimwe abajwaire eby'okurwanisa byabo? [Abateeraine baagira bati, "Amiina." -Omur.]

[Ow'eishe-emwe Branham yaahinduka yaaruga aha kituuti kandi yaagamba n'ow'eishe-emwe kazi ou yaaheza kushabira -Omur.] Waaza kuhindukaho hati. Z'omuka, ba gye hati, okire.

Amiina. Oo, mugyenzi! Baserukare 'mwe mwena, musyoreyo Rurara. Musyoreyo Rurara, abaserukare b'omusharaba, nimuteera entambo omu buteeka nimugumizamu, nimuteera entambo omu buteeka nimugumizamu.

Niinyemerera, ahari Kristo, Orukiri orugumire.

Ahandi hoona n'omusheenyi ogurikutobera.

207 Ni kurungi, mwije hanu, mushuumire kimwe aha rubaju oru hanu. Buri muntu abe omu kushaba hati, baaba nibarabaho.

Omu Iziina rya Yesu, kiza omukazi ogu. Amiina.

Syorayo Rurara yaawe hati. Gumira kimwe omu ntebe yaawe, nooteera akaari.

[Ow'eishe-emwe Branham n'abaheereza baashabira abarwaire, hare n'omuzindaaro, kumara sekenda makumi ana na itaano -Omur.]

Mugumizemu omumaisho, Abakristaayo abaserukare!

Nimutambura nk'abarikuza omu rutaro,

Omusharaba gwa Yesu

Gubeebembeire.

"Higama, Sitaane!" Ni nshonga ki, abaserukare? Timurikuteekateeka ngu nitubaasa kusingura? [Abateeraine baayesiima kandi baagira bati, "Amiina." -Omur.] Yaaherize kusingurwa. Turi abasinguzi n'okukiraho omuri Kristo Yesu. Buri daimoni abingirwe, buri kintu kyona. Amiina.

208 Ija hanu, ow'eishe-emwe mugyenzi wangye! . . . ? . . .

Ninshaba ngu okize! . . . ? . . .

Tambira murumuna wangye, Doc; mukize, Taata, omu Iziina rya Yesu.

Omú Iziina rya Yesu Kristo, kiza omukyara ogu. Ija . . . ? . . .

Hati, akatwara . . . Mbaire nintekwa kubuuza ab'eishe-emwe enyima. Buri hantu, Mukama . . . ? . . .

Ai Mukama Ruhanga, Omuhangi w'eiguru n'ensi! Ai Ruhanga, Noomanya ekiri omu mutima gwe. Noomanya byona ebiguretsireho. Ninshabira maama na Taata bombi. Omú Iziina rya Yesu Kristo, nimpayo . . . ? . . .

Omú Iziina rya Yesu Kristo, ni . . . ? . . .

Omú Iziina rya Yesu Kristo, ni . . . ? . . .

Ruhanga, guma n'ow'eishe-emwekazi mugyenzi wangye. Nitumanya, emyaka yaatandika kushensheramu n'okureetera rufu kwenda kukwata omubiri gw'omukazi. Hati, omú Iziina rya Yesu . . . ? . . .

Omú Iziina rya Yesu Kristo, ha omugisha ogu mwishiki muto, Mukama. Engamba zaitu aha ishomero okwo, nimmanya ebi arabamu. Ninshaba ngu omuhe omugisha. Ninshaba ngu asyoreyo Rurara egyo, akasheeshe aka, reero agyende omumaisho! . . . ? . . . Ekyo n'Ekitabo Eki, ahabwakyo, Mukama. Nitweta Eiziina Ryawe, akasheeshe aka, ninshaba ngu Ogyende na . . . ? . . .

Ruhanga, ha omugisha ow'eishe-emwe mugyenzi wangye, noogarukamu okushaba kwe. Omú Iziina rya Mukama waitu Yesu, naakigamba! . . . ? . . .

Omú Iziina rya Yesu Kristo, nituhayo okushaba oku.

Omú Iziina rya Yesu Kristo, nituhayo okushaba oku.

Omú Iziina rya Yesu Kristo, nituhayo okushaba oku.

Omú Iziina rya Yesu Kristo, nitu . . . ? . . .

Omú Iziina rya Yesu Kristo, nituhayo okushaba oku.

Omú Iziina rya Yesu Kristo . . . ? . . .

Omú Iziina rya Yesu Kristo . . . ? . . .

Omú Iziina rya Yesu Kristo, kiza ow'eishe-emwe mugyenzi wangye.

Omú Iziina rya Yesu Kristo . . . ? . . .

Omú Iziina rya Yesu Kristo!

[Omuntu omwe yaagira ati, "Ishe akafa." -Omur.] Ruhanga, yamba omwishiki ogu, omú Iziina rya Yesu.

Ruhanga, omú Iziina rya Yesu Kristo, nitu . . . ? . . .

Ruhanga, omú Iziina rya Yesu!

Omú Iziina rya Yesu Kristo . . . ? . . .

Omú Iziina rya Yesu Kristo, tambira ow'eishe-emwe mugyenzi wangye.

Omú Iziina rya Yesu . . . ? . . .

209 Nimwetegyereza hati?

Ai Ruhanga, eki ka kirugye ahari . . . ? . . .

Omú Iziina rya Yesu Kristo, nitushaba! . . . ? . . . Ha ow'eishe-emwekazi . . . ? . . .

Ai Ruhanga, nimmanya maama mukye ogu omukundwa, naaraba omu murabanamu ogu gwona, ninshaba, Ruhanga, ngu Noija . . . ? . . . ahariwe.

Syorayo Rurara egyo, Ed, reero ogyende omumaisho, omú Iziina rya Yesu.

Ai Ruhanga, tambira omukazi ogu. Garukamu okushaba kwe. Ninshaba ngu ayebembeze Rurara egyo, omu bunaku bw'oburemeezi.

Ai Ruhanga . . . ? . . . akasheeshe aka. Ninshaba ngu Noija . . . ? . . .

Taata, Ruhanga, ninshaba ngu Noija kukiza ow'eishe-emwe mugyenzi waitu kandi abe gye. Kandi omu Iziina rya Yesu Kristo . . . ? . . .

Ruhanga, ninshaba ngu Otambire ow'eishe-emwekazi mugyenzi waitu, abe gye, omu Iziina rya Yesu Kristo.

Taata, Ruhanga, ninshaba ngu O-Otambire ow'eishe-emwe mugyenzi waitu.

Tambira ow'eishe-emwekazi mugyenzi waitu, Mukama! . . . ? . . .

Taata, omu Iziina rya Yesu, tambira ow'eishe-emwekazi, mugyenzi waitu ogu, Taata.

Taata, . . . ? . . . nitushaba omu Iziina rya Yesu. Ruhanga, tambira omukazi ogu.

Ai Ruhanga, ninshaba ngu No . . . ? . . .

Ai Ruhanga, muhe omugisha, Taata! . . . ? . . . Ka nitukunda abantu abo abakuzire, Mukama. Kandi ninshaba ngu Ogarukyemu okushaba kwe! . . . ? . . .

Tataitwe ow'omu Iguru, ninshaba ngu ow'eishe-emwe mugyenzi wangye . . . ? . . . Ai Ruhanga . . . ? . . . uwe, Ai Ruhanga . . . ? . . . omuserukare w'omusharaba. Kandi naaza kusyorayo Rurara egyo, akasheeshe aka, reero atambure omu buteeka naaza omu maisho.

Ruhanga, nitu . . . ? . . . Garukamu eki, Ai Mukama, okushaba kwe.

Ruhanga, ha omugisha ow'eishe-emwe . . . ? . . . Ninshaba ngu Omutambire, Mukama! . . . ? . . . Muhe eki omutima gwe gurikwetenga, omu Iziina rya Yesu Kristo.

Ai Tataitwe ow'omu Iguru, ogu muheereza muto w'Engiri, omumiro gwe . . . ? . . . Ahu ayogize omu nyungu . . . ? . . . Ruhanga, ninshaba ngu Nozoa . . . ? . . . Kandi eihe rikuru rya Ruhanga ryaba nirigyenda omumaisho hati, na Zaaurara zibangire, muhe obusinguzi, Mukama. Iba muto hanu, Mukama, owaihirwe aha kitanda ekyo ahu yaabaire abyami arwaire ekookoro, naitwa ekookoro, na baadokita baamuhweire amatsiko, obwo naagyenda. Mbwenu ngugu hanu ariho, akasheeshe aka, omuserukare muto w'omusharaba. Muhe amaani, Mukama, ababw'omurimo Gwawe, nitushaba, omu Iziina rya Yesu. Amiina

210 Niinyenda ogwo mukyara muto . . . Hariho enshobe aha mubuurizi muto ogu hanu. Rugayo, Ow'eishe-emwe Kidd. Omushaija ogu bakamusibuura omu irwariro, ijweri, naafa, ekookoro emuriire. [Ow'eishe-emwekazi Kidd yaagira ati, "Omwaka gumwe oguhweire." -Omur.] Omwaka gumwe oguhweire. ["Ebiri."] Emyaka ebiri ehangwire, akaturugunu k'omu ruhago rw'enkari. Dokita we akamuha ebiro bikye by'okubaho. Reero akasheeshe kamwe, tukazayo, kare munonga, twamushabira, eshaara niyo emwe nk'ei twakushabira, mbwenu tibarikubaasa kubona akamanyiso kayo. [Abateeraine baayesiima.] Akakira. Amiina. A-a . . . [Ow'eishe-emwakazi Kidd yaagira ati, "Akaba naateekwa kukiikiriza."] Aine kilo nyingi hati okukira obundi bunaku bwona. Uwe n'omukazi we mukye batwire nibabuurira Engiri aheeru, obundi shana ntakazairwe. Ari hanu hati . . . [Ow'eishe-emwe Kidd yaagira ati, "Emyaka makumi ataano na itaano."] Emyaka makumi ataano na itaano. Ntakaizire n'omu nsi, bakaba nibabuurira Engiri. Mbwenu ngugu hanu, akizire, aha myaka nka makumi mushanju na itaano nari . . . ["Makumi munaana na gumwe."] Makumi munaana na gumwe. [Ow'eishe-emwe Kidd yaagira ati, "Tukaba tugira okusisiimuka, oruteerane rwa saabiiti ibiri, mbuurira buri kiro."] Okusisiimuka kwa saabiiti ibiri, bagira okusisiimuka kwa saabiiti ibiri, kandi abuurira buri kiro. Emyaka makumi munaana na gumwe y'obukuru, akizire, ekookoro, obwo akuzire.

211 Ni kirungi, ow'eishe-emwekazi, n'obwire bwawe hati. Nimwikiriza? [Abateeraine baayesiima kandi baagira bati, "Amiina." -Omur.] Mugyende omumaisho, Abakristaayo Abaserukare. Ni Kirungi, ow'eishe-emwekazi. Imwe, buri omwe omuriimwe, twaza kukora ki? OKU NIKWO MUKAMA ARIKUGIRA. Nitukora ki, tube aho tutaine eki turikukora hanu?

Sitaane, waasingurwa. Nitwija okwo hati. Nitutambura omu buteeka nituza omu Nsi eyaaraganisiibwe. Ekyo niki? "Orushozi oru niki, omumaisho ga Zerubabeeli? N'oha ogu, oyemerereire omumaisho aho? Noija kuba oruhita." Ahabw'enki? Twine Rurara y'amoogi abiri, nituza kumutematemata tumumareho. Ekyo kihikire. Ni kirungi.

Gumizamu omumaisho, Omukristaayo omuserukare!

Noogyenda nk'orikuza omu rutaro,

Omusharaba gwa Yesu

Gutwebembeire;

Kristo, Mukama w'obugabe,

Ayebembera kurwanisa omuzigu; (n'Ekgambo Kye)

Muze omu rugamba,
 Mureebe, ebendera Ze nizeehuuba!
 Mugumizemu, Abakristaayo abaserukare!
 Nimugyenda nk'abarikuza omu rutaro,
 Omusharaba gwa Yesu
 Gutwebembeire.

212 Halelluya! Bakakora ki! Ekintu ky'okubanza ekyarugireyo, omu rugamba, ahabwa Israeli, ekintu ky'okubanza kikaba kiri ki? Abeeshongozi bakeebembera, okubanza. Ekyakuratsireho niki? Eshanduukye y'endagaano. Bwanyima orugamba. Ni kurungi. Nimukiikiriza hati? [Abateeraine baagira bati, "Amiina." -Omur.] Nitweshongora Mugumizemu Omumaisho, Abakristaayo Abaserukare. Nitwihaho, buri kubangaanisa. Twemereire aha bigyere byaitu hati, nitutambura omu buteeka nituza omu rugamba.

Ka twemerere hati, buri muntu.
 Mugumizemu omumaisho, Abakristaayo abaserukare!
 Nimugyenda nk'abarikuza omu rutaro,
 Omusharaba gwa Yesu
 Gutwebembeire;
 Kristo, Mukama w'obugabe,
 Ayebembera kurwanisa omuzigu;
 Nitumusingura tuta? N'Ekgambo.
 Muze omu rugamba,
 Mureebe, ebendera Ye neeyehuuba!
 Mugumizemu omumaisho, Abakristaayo abaserukare!
 Nimugyenda nk'abarikuza omu rutaro,
 Omusharaba gwa Yesu
 Gutwebembeire.
 Titwebaganiisemu,
 Twena turi omubiri gumwe;
 Bamwe omu matsiko n'enyegeyesa,
 Bamwe omuri rukundo.

213 Hati, kyahwa, ow'eishe-emwekazi. [Ow'eishe-emwe Branham yaagaruka yaagamba n'ow'eishe-emwekazi, obaire orwaire -Omur.] Ekyo nookiikiriza? Taaha omuka hati. Nooyehurira kurungi? Yaagira ngu naayehurira ari gye hati. Buri kintu kiri gye.

Ni bangahi aheeru okwo abarikwehurira kurungi? [Abateeraine baayesiimira kimwe reero baagira bati, "Amiina" -Omur.] Kandi ku baateire akaari, ekisiika kyagwa ahansi, amiina, reerobaarunyaga. Amiina. Bakanya oraurembo. Amiina! Amiina! Nimumwikiriza? ["Amiina."]

214 Hati, muteebwa saaviisi y'omu kiro eki. Ow'eishe-emwe Neville naija kuba ari hanu ekiro eki, kandi naatureetera obutumwa burungi. Kandi Sande, Sande eraakurateho, Mukama yaakunda, niinyija kuba hanu.

Hati ka tuyende, twaba nitugyenda. Kandi hati, aheeru kuruga omu kyombeko, ka tuyende, nitweshongora, Mugumizemu Omumaisho, Abakristaayo Abaserukare. Kandi kuruga eriizooba, kwiha hati, mutarigaruka kuta Rurara egyo omu kyobati bundi. Mugisyoreyo. Murekye tusingure. "Bakagyenda, nibasingura, ngu babone kusingurira kimwe." Ni kurungi, omurundi ogundi, aha mushororongo gw'okubanza ogwo.

Mugumizemu omumaisho, Abakristaayo abaserukare!
 Nimugyenda nk'abarikuza omu rutaro,
 Omusharaba gwa Yesu

Gutwebembeire.

Mugumizemu omumaisho, Abakristaayo abaserukare!

Nimugyenda nk'abarikuza omu rutaro,

Omusharaba gwa Yesu

Gutwebembeire.



www.messagehub.info

Obutumwa obu bukabuurirwa
William Marrion Branham
“... omu biro by'eiraka ...” Kush 10:7